

2

L. A

CHIRVR.

GIE DE PAV.

LVS AEGINETA.

Nouvellement traduite de Grec en
Francoys. par pierre Tolet
medecin de l'hôpital
de Lyon.

AD AMYSSIM DOLO,

SCABRA, ET IMPOLITA



ATQVE PERPOLIO.



A LYON,
 Chés Estienne Dolet.

1 5 4 2

Avec priuileige pour dix ans.

Petrus de Lassis chirurgus
parisiensis. 1778.

LA CHIRVR

GIE DE PAV,

LVS AEGINETA.

*Qui est le sixiesme Liure
de ses Oeuures.*

Nouvellement traduicte de Grec
en Francoys.

Chapitre.



O V T le parler, & propos
des choses, qui sont admini-
strées, & faictes par oeuvre,
& art de main (qui est dicte
chirurgie) nous le diuiferons
en deux parties. L'une des ma-
ladies, qui uiennēt en la chair.
En l'autre sera l'uniuerselle

consideration des oz tant rompus, que desloués : aultre-
ment dictz luxés. Et (suiuant l'ordre de nostre diuision)
commencerons à ceulx, qui le plus souuent suruiennent en
la chair. En la quelle tradition userons de nostre briueté
accoustumée. Mais commancāt aux parties superieures,
nous uiendrons à traicter de l'ustion, qui se faict par art
de chi-

de chyrurgie en la sommité de la teste, pour l'utilité, & curation de ceste partie.

De la cauterisation de la teste à ceulx, qui ont les yeulx chachieulx, & lippitudineux, difficillement respirantz, & en elephancies.

Chapitre.

II.

EN ceulx, qui sont greués de lippitude fluente de la sommité de la teste: & a ceulx, qui difficillement ont leur halaine par superfluité d'humeur excrementieuse: laquelle descendant de la teste en la poictrine nuist grãdement à ces parties par sa continuelle distillation, l'on adurist, & cauterize la moyenne partie de la teste en la forme, qui s'ensuiet. Premièrement en la sommité de la teste apres l'auoir rasée, & denuée de poil, on applique cauterres en la similitude d'ung noyau (dictz oliuaires) & on brusle le cuyr iusques à l'oz. Puis apres que la crouste, ou escarre est tombee, on rascle l'oz. Aulcuns bruslent, & cauterizent ledict oz, pour en apres causer quelques subtiles squames, & esquilles, affin que plus facilement les humeurs, qui sont dedans la teste, puissent sortir hors, & estre consumées (comme par euaporation) par ledict lieu. Et est necessaire entretenir ceste ouuerture pour ung temps en ulcere, & puis la reduire en cicatrice. En ceulx, desquelz la maladie tend à elephancie (vulgairement dicte lepre)

lepre) aucuns applicquent (en diuers lieux) cinq cauter-
res. L'ung à la partie anterieure superieure, dicte synci-
put. L'autre ung peu plus bas sur le front à la fin du poil.
Le tiers à la partie de derriere, dicte occiput. Les deux
autres (sur les parties lateralles de la teste) ung peu au
dessus de l'oreille, sur les oz squameux, petreux, & men-
deux: lesquelz sont cōioincts en maniere d'escaille. L'ung
à la partie dextre: & l'autre à la partie senestre: affin que
par detraction de beaulcoup de parties squameuses (par
adustion faicte) & de beaulcoup d'escarres la multitude
d'humeur, & sa crassitude du profond de la teste deriuée
aux parties cauterizées se exhalle, & soit mise dehors. Et
par ceste operation nul nocument sera communiqué aux
yeulx. Aucuns applicquent sur la situation de la ratelle
cauterres, affin que le membre principal de l'excrement
melancolic par ceste adustion de cuir soit curé.

De ceulx, qui ont une humeur a-
queuse en la teste: par laquelle est créée
la maladie dicte hydrocephalus.

Chapitre. 111.

HYdrocephalus est une maladie ainsi nōmée par la
propriete de l'humeur, en substance aqueuse. Et
bien souuēt aduiēt aux enfans, quād apres leur naissance
leur teste a esté rudement traictée, & comprimée par les
obstettrices, ou saiges femmes: ou de cause incertaine, ou
par rupture de ueine, ou ueines, quand le sang respādu est
conuertit en aucune substance inutile, & ocieuse: ou par

rarefaction, quād la matiere est cōuertie en eaque, qui resiste, & est portée entre le cuir, & la mēbrane de la caluaire: autrement dict cranium. Ou urayment cest humeur est colligée entre la membrane de la caluaire, & le cuir: ou entre la membrane de la caluaire, & l'oz, ou entre l'oz, & la mēbrane du cerueau appelée dura meninx, ou du ramater. Si entre le cuir, & la membrane de la caluaire ceste humeur est, c'est une tumeur assez tractable, d'une mesme couleur, & priuée de douleur, au dessus esleuée: laquelle estant pres du cuir facilement cede, & obeist à l'attouchement des doïdz, changeant de lieu retournāt au sien, & à lēntour fluant. Si l'humeur est entre l'oz, & la membrane du crane dicte pericranium, les choses sont semblables comme deuant, si non que la tumeur est plus dure, que la premiere, & plus tarde à obeir, car il a plus de corps, & membres nō obeissantz au touchement, & a plus grande douleur, & moleste plus les patientz: en aultres choses tout semblable. Mais si ce vice consiste entre la menbrane du cerueau, & l'oz, urayement c'est tumeur, mais non point si molle, ny en tout obeissant par touchement, si nō qu'elle fut pressée d'aucune uiolente compression. Les oz des enfants, à cause qu'ilz sont encor recēts, uolūtiers obeissent. Et principallemēt par la rarefactiō des sutures il est donē à l'humeur yssue aucune: ce que facilement peult estre apres cōgneu, car si le lieu est cōprimé, l'humeur est renuoyée aux inferieures parties: & à ceulx icy la douleur est plus grande, & toute la teste est fort brālāte, le front est promināt en exterieure partie, les yeulx cōstantz, & ouuerts en abūdāce de larmes. Et cer-

tainement en ceste maniere d'accidents, & uices nous recuſerons de bailler curacion manuelle: combien que aucuns chirurgiẽs par trepanation faicte à l'entour de l'oz ont accoustumẽ oster l'oz: ce que nous dirons cy apres, quand il sera besoing de parler de la fracture de la teste. Mais si entre le cuir, & la membrane de la caluaire cestumeur est contenue, & la tumeur soit petite, nous tiendrons contents d'une incision transversalement faicte. Si entre la membrane, & l'oz avec plus grande tumeur, nous en ferons deux par le milieu soy ensemble diuisants en facon de croix. Mais si encore plus grande tumeur apparoist, nous en ferons troys: lesquelles uiennent à imiter la figure de la lettre. H. Apres le trauail, & labeur manuel, que l'umeur sera effuse, & euacuẽe, & application de charpie aux plaies faicte, conuenablement uiendrons à lier lesdictes plaies faisant insperſion, ou arrouſement de uin, auquel soit adioustẽ huille. Puis apres le troisiẽme iour userons de charpies en la curacion des plaies: & si l'oz par trop long temps tardoit de se couurir de chair, legierement le rasperons.

De la section des arteres.

Chapitre.

IIII.

EN longues, & antiques fluxions des yeulx, & en la maladie dicte uertigo, nous auons de coustume d'inciser les arteres, qui sont derriere les oreilles. Tout premierement la partie posterieure de la teste, il la fault tondre, & raser iusques au cuir, & avec les

doidz esprouuer, & sentir. Car facilement la posture, & situation de l'artere sera comprinsé par la pulsation du lieu. Puis en apres l'incisiõ doibt estre faicte iusques a l'oz de la longitude de deux doidz, ou enuiron : laquelle longitude auant qu'estre faicte doibt estre marquée, & signée avec encre d'escripture. Mais si l'artere ne peut estre sentie soubz la partie, le lieu doibt estre mesuré à trois doidz pres des oreilles : & ainsi les arteres transuersalement doibuent estre incisées iusques à ce que le flux de sang palpitant se congnoisse, & ysse. Et l'instrument soit approché de l'oz. Puis apres que certainement nous aurons ueu assez de sang fluir, la membrane de la caluaire diuisée, affin que par distention le lieu ne soit inflammé, nous iniecterõs (l'oz estre rasé) aux plaies ou ung petit coing, ou tente de drapeau: puis par charpies curerons. Et aussi si l'oz demouroit nud, & que aucune chair n'y uienne à croistre, semblablement rasure d'os doibt estre faicte.

De l'exemption, & aduersion des ueines.

Chapitre.

v.

AVx douleurs, qui tant seulement l'une partie de la teste trauaillent, & uexent (pource sont dictz, & appellés hemicranici : c'est adire ayantz douleur à la moytie de la teste) tant diuturnes, que agues, elles molestent les yeux d'une fluxion acre, & mordicante, & de sorte

sorte, que aux muscles des temples la chaleur est sentie avec aussi tumeur, trestous ont approuué l'exemption des ueines. Parquoy le poil des temples rasé premierement, par fomentation le lieu auoir este eschauffé, avec constriction, & compression du col avec les doidx nous esprouuerôs: & le lieu, auquel les uaisseaulx, ou ueines uiendrôt en aspect, & apparoiſtront, nous marquerons avec encre. Puis apres nous couperons legierement le cuir par dessus la ueine d'ung costé, & d'autre, uers nostre cousté, & de nostre ministre, la esleuant avec les doidx de la main senestre du ministre: & couperons la peau esleuée sur la ueine apparente par les doidx de la main senestre. Puis apres la diuision faicte nous prendrons les extremités, & bors avec petitx crochets (en forme de haims) Et avec instruments aptes à ce appliqués separerons la ueine de la chair, & du cuir. Et si la ueine estoit subtile, en applanant, & serrant ledit crochet obtus, nous couperons en sorte, que une partie de la ueine sera comprimée. Mais si la ueine est grande, nous mettrons une eguille par dessous la ueine ayant double fillet ou de lin crud, ou autre chose bien forte: mais premierement la ueine doit estre incisée en forme de droite ligne, affin que tant de sang qu'il suffira, soit mis dehors. Puis apres doit estre liée avec du fillet en ses extremités la partie, qui est entre les deux lyens: & tout incontinent, ou quand tu voudras deslier, doit estre coupée, & distraicte. Il y a aucuns, qui sans aucune incision uiennent à brusler les uaisseaulx en grãde profundite avec serremens de figure oliuaire. Mais apres l'operation manuelle avec char-

pies seiches mises dedäs, & ung coïssinet par dessus nous uiendrons à bender, & lier ladicte plaie. Et apres la solution, que le fil de la cousture uiendra à pourrir, & tomber, nous poursuiurons la curation avec medicaments sarcotiques tant secz, que liquides, & aussi par medicaments conglutinatifz.

De l'incision faicte au front, dicte hypospathismus (& pance que ce soit cultelaire.)

Chapitre.

VI.

PAR l'espece de l'instrumēt le nom de telle chyrurgie a esté baillé. Car nous usons de cest instrument susdict à yceulx, qui ont grande quantite de pituite, & chaulde: laquelle flue aux yeulx: ausquelz aussi le uisaige apert rouge, & au front d'yceulx apparoiſt ung discours, & trace comme faicte de uerms, ou fourmies. Parquoy tout premierement le poil pres du front rasé, commanderons, que le patiēt uienne à mouuoir l'inférieure maxillaire: & ainsi par le mouuement nous eiterons les commencements des muscles, se mouuāt aux temples. Pour plus seurement faire sur le front troys incisions lineales avec ung scapelle distantes entre soy par esgaulx espaces, & chascune ligne uiendra à accomplir la longitude de deux doidz, & soient profondes iusques à l'oz: distantes entre soy par la longitude de troys doidz. Et apres l'incision on uiendra à mettre la spathule par dessoubz com-
mençant

mécant à la ligne de la temple fenestre iusques à la moyenne uenant à la descharner iusques à la caluaire. Aussi reprendrons ledict instrument le geçant dedans la moyenne ligne descharnant ledict cuir iusques à l'oz. Puis apres auoir faicte la dicte operation dudict cultellaire, & que toutes les ueines descendantes de la teste aux yeulx seront diuisées nō pas iusques à la sommité du cuir, pareillement de la moyenne iusque à l'extreme, & inferieure, nous uiendrons à inciser les uaisseaulx. Et apres deuee euacuation de sang, diligemment les parties subiectes exprimées, nous uiendrons à appliquer troys tentes bien tordues chascune dedans sa plaie, mettant dessus drappeau en double mouillé en eue, & diligemment uiendrons à lyer la dicte plaie. Et le iour ensuyuant nō seulement les plaies, mais aussi les muscles des temples, & des oreilles, pour euer inflammation uiendrons à embrocquer avec uin, & huyle. Mais le troysiesme iour ensuyuant nous uiendrons à deslier, & fomenters largement: & avec unguent basilicon dissoult en huyle rosat conuenablement aux lieux applicqués parferons la curation.

De l'incision dicte periscyphismos, c'est adire à l'entour de scyphium, qui est adire caluaire.

ENyceulx, ausquelz grande quantite de ueynes, & profondes uiennent à enuoyer copieuse pituite aux yeulz, nous appliquons ledict perysci phismū. Les signes de ceulx, qui ont telle maladie, sont telz: les yeulx maigres, petitx, & en regard debiles: desquelz les angles sont corrodés, les palpebres exulcerées, desquelles le poil tombe, larme fort subtile, acre, & mordante, avec chaleur: douleur au profond de la teste ague, & fascheuse, frequente sternutatiō. Parquoy la teste rasée (euités les muscles des temples, comme cy dessus est dict) ferons diuision transuersalle depuis la temple senestre iusques a l'autre: laquelle uienne à terminer aux parties immobiles, ung peu par dessus le front colloquée, de sorte que la suture coronalle soit euitée. Cōbien que Leonides est d'opinion, que l'incision soit faicte au milieu du front. Et l'oz desnüé avec petites tentes, & charpies dedans la plaie inserées separerons par ensemble les labies, affin qu'elles ne se touchent point. Et apres par inspection de uin avec huille applicquée, à la facon dessusdictē, uiendrons à lier les extremités de la dictē section. Et apres la solution l'inflammation finie, & reprimée l'oz doit estre rassé, iusques à ce que la chair commence de croistre. Puis userons de medicaments sarcotiques: cōme est celuy, qui s'en suit, auquel entre de farine de fourment deux parties, de colophonie une: & est appellé cephalicon. Et en remplissant de chair, soit applicqué pumex (dictē pierre non pierre) & en ceste sorte sera faict, apres grosse cicatrice faicte, & les orifices des uaisseaulx obstructs, & sera rés, la fluxion accoustumée aux yeulx descendant sera prohibē

prohibée, & restraincte, de sorte, qu'elle ne pourra faire nuysance.

De la conionction de la superieure palpebre, & aultres manieres, esquelles le poil des palpebres uient à surcroistre.

Chapitre. VIII.

L'Ordre double du poil des palpebres est dicte maladie distichiasis. Et est, quand il ya accroissement de poil contre nature en la palpebre: lequel uient par effect de pituite. Quand elle est copieuse, elle n'est toutesfoys acre, & mordente distillant audict lieu. Car si elle estoit acre, ou plus salée, ou en aultre sorte mordicante, par continuelle fluxion nō tant seulement le poil uiendrait a surcroistre, mais aussi corromperoit le naturel. Parquoy en ceste disposition nous uenons à user de conionction, & couuion. Aulcunesfoys aussi en la maladie des lieux, qui sont constitués en ordre dicte phalangosis, aultrement appellée par les Grecz tarsus: c'est quand la palpebre appartenant au dedans uient à inuertir l'ordre du poil dict phalanx pilorum. Aultrement aussi en palpebres relaxées, quand le poil naturel uient à offenser l'œil, il est besoing d'user du remede, que dessus. Parquoy donq le patient sera constitué, & assis en la selle au deuant, ou en la fenestre partie de nous: & uiendrons lors à inuertir la palpebre superieure. Et s'il auoit le poil renuersé,

nous

nous le uendrons à comprendre avec les doïd^x, c'est à sca-
 uoir le poulce, & les doïd index de la main senestre. Et
 si le poil estoit petit, avec une esguille enfilée fault poin-
 dre par dedans au lieu, ou est le poil, renuersant dehors,
 & en tenant le fillet avec la main senestre uenons à esle-
 uer la palpebre: & avec la dextre le bout de l'instru-
 ment dict specillum dehors imprimé, & ferme, pour
 chasserons à renuerser la palpebre. Et cela estre fait,
 interieurement sur le poil pernicieux depuis le grand
 anglet iusques au petit fault inciser linealement. Puis
 apres gecter hors le fillet: & avec le poulce de la main se-
 nestre avec double drappeau mis dessus nous uendrons à
 estendre en hault la sourcille. Et aussi avec aultres pe-
 titz drappeaulx mis iouxte l'extremité des angletz com-
 manderons au ministre, qui sera derriere, d'estendre la
 palpebre. Puis apres avec le scapelle ung peu plus hault,
 que de l'ordre naturel du poil ferons incision en figure
 de obele depuis l'ung anglet iusques à l'autre, à la profon-
 dite tant seulement du cuir. Puis apres en ferons ung
 aultre de figure lunaire: laquelle ayt commencement, &
 & fin au lieu de la premiere: & soit si bien esleuée, que
 tout le superflus cuir soit comprins. Et tout ce cuir,
 qui est entre deux lignes, est fait à la semblance de la
 feuille de myrthe. Parquoy iouxte l'anglet, qui est à la
 dextre partie uers nous, avec ung crochet infixé dedans
 le fault escorcher. Puis apres le lieu bien detergé avec
 esponge, uous ferez troys, ou quatre sutures en la plaie,
 cominencant à la moytie de l'incision, de sorte que l'es-
 guille sera figée sur la section faite la premiere soubz
 le poil:

le poil : & le fillet sera de layne: mais il fault euitier de le
coupper iouxte les sutures : & faul laisser la longitude
de troys doids ou enuiron. Lequel fillet encontre front
sera renuersé, & avec emplastre agglutimatif sera re-
tenu sur ledict lieu, en arrachant le poil de la palpebre
(qui est à la connexion des sutures) avec la poincte de
l'esguille. Et certainement ceste maniere de chirurgie
est la plus seure, & la plus commune. Combien qu'il y a
aucuns, qui eurent l'excoriation: mais apres la susdicte
incision sur le poil faicte avec pincettes palpebraires
(c'est adire à la figure descripte) iouxte la rotondite
de la palpebre couppent la peau superflue avec la scala-
pelle, & appliquent (comme nous auons dict) sutures.
Mais si en quelque partie de la palpebre tant seulement
il y apparoiſſoit quelque stimulation de poil, en ceste
partie il est seulement besoing d'oeuvre de main. Puis
apres avec drappeaulx madeſiés en posca, & appli-
qués audict lieu nous uiendrons à lier la plaie, & iusques
au troisieme iour nous inspergerons dudit posca parti-
cipant plus d'eauë, que de uin aigre: & au troisieme iour
uiendrons à deslier la plaie: & la superfluité du fillet
couppée la palpebre avec saffran, ou glaucium, ou aul-
tres choses prohibentes inflammation par collires uien-
drons illimir, ainsi comme est ung, lequel est composé de
saffran, & de roses. Mais si les sutures se uiennent à
inflammer, nous mettrons aucun emplastre lenitif, & le
dedans de l'oeil fomentons de l'aict instillé dedans.
Et quand les sutures des yeulx seront relaxées, il les fault
coupper, & extraire. l'ay congneu quelqung, lequel
apres

apres excoriation faicte n'appliquoit point de sutures, mais uenoit à curer avec medicaments cicatrisatifz: & la plaie conglutinée, la palpebre retraicte hors il contraignoit le poil à se conuertir à la partie exterieure. Aussi il y en a d'autres, lesquelz n'usent point d'excoriation, ne aussi des deux dernières incisïōs faictes à l'exterieure partie de la palpebre: mais seulement interieurement apres une ligne soubz le poil faicte, ou avec les doïdz, ou avec crochet le cuir rugueux, & superflu ostioient: puis apres avec deux petitz calames, ou plumes, de la longueur de la palpebre, & la latitude d'ung phlebothome, tout le cuir superflu les extremités reioinctes ensemble couppoient ledict cuir. Et ainsi tout le cuir, ueu qu'il n'estoit pas nourri, mais superflu, & mort, dedās dix iours, ou au plus quinze, sans aucun uestige de cicatrice couppoient ledict cuir.

De l'adustion faicte sur les palpebres par medicaments.

Chapitre.

ix.

Touts antiques sans exceptiō ont repudié adustion de palpebres par medicaments adurāts, tant pour l'acrimonie, qui est infeste, & moleste aux yeulx, & aussi que si le medicamēt est excellentement adustif, il s'ensuit le plus souuent l'affection des yeulx dicte leporaria: autrement en grec *Lagophthalmica*: par laquelle est faict, que quand les palpebres se uiennent à ouurir par mouue-
ment,

facilement par rencontre, & obuiation de toutes choses la ueue uient à estre offensée. Mais ueu que plusieurs endurent punction de poil, bonnement ne peuuent ouyr le nom de conionction par suture, & bien souuent nous contraignent de user de ayde desesperée. Par quoy aucunesfoys faisons adustions par medicaments. La composition du medicament est en ceste sorte. Prenez deux parties de chaulx uiue, de sauon francoys, ou commun autant: aucuns adiousstent quatre parties d'esume de nistri. Et tout cecy ensemble battu avec lexis coullé, ou saponaire, ou d'autre genre de lexiue faicte de cendres de chafne, ou de figuier, sera repceu avec urine d'enfant incorruptu. Et ce medicament sera mis sur le bout du specille faict en figure de fucille de myrte, & gecté au dessus à cause que par medicament bruslons aultant d'espace, cōme nous eussions comprins à la conionction faicte. Et apres que le cuir sera bruslé par la premiere iniection nous uiendrons à oster le medicamēt avec une petite espōge: & de rechef le remettre, & le laisser tant dessus, que le lieu uienne à noircir. Et si le lieu ne uient encores à noircir, en fault gecter encores une foys pour la troisieme. Et le cuir desia noircy, & la crouste aussi faicte userons de medicaments detergents. Puis apres il fault user de ablutions, & persusions iusques à la cheute de l'escarre: laquelle tombée, par charpies, & collires lenitifz la plaie sera perdue à cicatrice.

De l'affection des yeulx, dicte leporine.

Chapitre. x.

CEulx, qui ont la superieure palpebre retraicte, on les appelle lagopthalmos : lequel uice aulcunesfoys par nature, aulcunesfoys par cicatrice de plaie faicte uoluntairement, ou par coniuñction, ou aduñtion, comme parauant i'ay dict, uient negligemment. Parquoy en cecas seul peult estre applicquée emendation mediocre, à cause de la crassitude conuenable en ce lieu de la palpebre. Parquoy nous doibuons inciser la cicatrice, & par charpie applicquée en la playe debuons reduire les extrémités de la dicte cicatrice, & user de ligatures iusques à la dernière curation, & non point appliquer choses trop desiccatiues, mais ung peu mollitiues, & lenitiues: comme est cremeur de fenugrec aspergé, & baselic, & tetrapharmacon dissolu, & mys par dessus les charpies.

De cousture, & aduñtion par medicaments.

Chapitre. xi.

L'Inferieure palpebre est subiecte à aultant de maladies, cōme est la superieure: car si elle est plus ample, qu'elle ne doibt, elle se enuerse au dedans, & en partie par maladie dicte phalangosis, & aussi par double ordre de poil supercrescent est infestée. Parquoy d'une mesme facon de conionction icy userons, l'ordre des lignes seulement immuée: premierement la lunaire à cause, que
ne

ne soions point empeschés par flux de sang. Puis apres lineaire en figure de obelle dessus escripte. Et inciser par dessoubz le poil totalement fault craindre, uoyant que la palpebre inferieure par sa grauité naturelle facilement se inuertist. L'autre curation est toute une (quāt à la conionction) à la suscripte: hors mis, que les extremi- tés des filletz apres la cousture faicte nous ne uenons point à agglutiner uers le front. Et si tu ne ueulx point user d'œuure de scalpelle, mais uouldras user d'adustions par medicaments, tu l'as heue desia dessus par nous.

De l'inuersion de la palpebre inferieure dicte ectropium.

Chapitre. XII.

TOut ainsi, que à la superieure palpebre suruient uice, ou maladie dicte lagophthalmos, ainsi à l'inferieure en aduiant une dicte ectropium: toutesfoys ilz different, car i-mais le dict accident ne suruiant par nature, mais par relaxation faicte par medicaments ayants ceste faculte: aulcunesfoys aussi par conionction de sutures, ou adustion mal appliquée: & ainsi la palpebre est inuersion. La curation est telle. Nous prendrons une esguille ayant double fillet de lin, & la mettrons en la chair de la palpebre depuys le fenestre anglet iusques au dextre. Puis apres esleuerons la chair en hault par conionction des deux testes du fillet, & avec scalpelle uenons à inciser, ensemble & la chair, qui sensuit apres l'esguille.

Et si en ceste maniere la palpebre repcoit sa forme, & soit restituée en esgalle quantite, nous serons contents de chirurgie. Mais aussi si apres l'ablation de la chair elle est encores inuertie, nous serons interieurement section de la palpebre par deux lignes avec la partie plus ample du specille: lesquelles lignes faictes exterieurement commandant uers les deux angles de l'incision se uiendront à conioindre en poincte à la similitude d'une lettre grecque dicte. λ lamda c'est adire en forme triangulaire. La summité de la figure hors de l'œil, & le fondement dicte base en hault appartenant au poil, & toute sa partie close sera couppee: Puis apres les extremités de la plaie separées conioindrons avec une esguille enfilée de fil de laine, & serons contents de deux suture. Mais si par coniunction, ou adustion ceste inuersion est faicte sur le poil de la palpebre, en la premiere cicatrice simple incision doit estre faicte. Et les borts reduictz avec charpie doit estre remplie, & les aultres choses obseruées en ladicte maladie dicte lagophthalmos, excepté les fomentations, iusques à ce que les parties cousues soient conglutinées.

De l'adustion, & illaqueation faicte par fer.

Chapitre.

XIII.

ENiceulx, ausquelz n'y a pas multitude de poil en la palpebre, par moyen de laquelle soient stimulés les yeulx: mais tant seullemāt ung, ou deux, ou au plus, troys, lesquelz

lesquelz esgallement se ensuiuent par ordre, nous approuuons l'illaqueation. Laquelle se faict en la sorte, qui s'ensuit. Soit prinse une esguille, & à lentour de l'oreille soit mys de poil de femme bien delyé, ou de fil de soie en le double. Puis apres attacherons ledict poil superflu avec nostre fillet, & avec le specille esleuons en hault le poil superflu, & si en demeure encores quelqu'un, nous le ue nons à tirer avec ledict fillet, ou poil de femme. Et reite rez cela, iusques à ce que le superflu sera osté. Et s'il n'y auoit q'ung seulement de substance tenue, lequel irritast l'œil, nous uiendros à tirer cestuy la, ensemble ung aultre naturel avec de gomme, ou aultre emplastre glutinatif. Et en ceste sorte uiendrons à bender, iusques à ce qu'ilz soient reduicts en ung. Aucuns toutesfoys en ya, lesquelz uiennent à presferer l'adustion au remede dict illaquea tion. Et renuerser la palpebre. Puis apres avec ung instrument dict manubriolum, ou specille auriculaire, ou aultre instrument subtil bruslent le lieu, premierement auoir extraict, & arraché le poil superflu, & molestant, ou soient ung, ou deux, ou troys. Et sur le lieu du poil ar raché fault faire l'adustion. Et ainsi est faict, que par dessus la peau dense, & espesse il ne se pourra renaistre plus de poil.

Des uescies de la palpebre superieure de l'œil.

VEscie (en grec dictée hydatis) est une substance grasse contenue, & assemblée soubz le cuir de la palpebre oultre nature. Mais en aucuns principalement aux enfans plus humides elle est si fort augmentée, que souuentefois est cause de beaucoup d'accidents. Elle aggrave l'œil, & pource attire beaucoup de fluxions : car certainement à iceulx les palpebres sont ueues soubz les sourcilles aqueuses, & ne peuluent point decorablement estre esleuées en hault, de sorte que si avec deux doidz ung peu distantz tu uiens à comprimer la dictée palpebre, ce qui est au milieu des deux doidz, manifestement uerras enfler. Certes ceulx cy sur le matin ung peu auant le soleil leuant sont fort infestés de pituite, & ne peuluent point esleuer les yeulx encontre le soleil sans grandes larmes : & aussi tombent en continuelles lippitudes. La curation sera telle. Le malade bien situé, avec deux doidz ung peu eslargiz (c'est ascauoir l'index, & le moyen) comprimons la palpebre de sorte que toute la collection de la uescie soit comprimée au milieu desdicts doidz. Puis apres nous commanderons à nostre ministre, qui derriere luy soubstient la teste, qu'il attire la palpebre uers le milieu de la sourcille. Et puis diuiserons en ligne transversale la palpebre avec la lancete. Non point par plus grande incision, que nous auons de coutume faire en incision de ueine, ne plus parfonde, qu'elle uienne à penetrer oultre le cuir, ou la uescie. Et cela fault pouruoyr par diligente animaduersion. Certainement beaucoup par negligence, ou inaduertence sont uenus à coupper la tunique cornée avec le fer, ou certainement

nement ilz ont bleffé la palpebre par uulneration, ou incision de muscles. Mais certes si incontinent la uescie apparoist, nous l'extrairōs sans arrester: mais si elle n'apparoist si promptement, de rechef nous uiendrons avec la main legierement mise dessus à inciser la dicte uescie. Et avec les doidz enuelpés de linges deliés la comprimerons, en la agitant deca, & dela: aulcunesfoys la metāt en figure ronde. Apres l'euulsion nous mettrons double drappeau mouillé en posca, & lierons ledict lieu. Aulcuns font iniection de sel bien menu dedans la playe avec le bout du scalpelle dict manubriolum affin que si dedans la uescie estoit demouré aulcune chose de ceste humeur grasse, qu'elle soit consumée. Et finalement la plaie desliée, en laquelle n'y aura point d'inflammation, avec collires applicqués lycium, ou glaucium, ou avec saffran, s'il ya inflammation, & aultres remedes, & cataplasmes applicqués à la partie uiendrons à curer.

Des palpebres coherentes, & ferrées.

Chapitre.

xv.

Aulcunesfoys la palpebre superieure avec l'inférieure uient à se coalescer, & aulcunesfoys aussi avec sa partie inferieure, laquelle est dicte tarson: & aulcunesfois uient à se ioindre avec la tunique dicte cornée. Laquelle maladie rend l'œil paresseux, & difficile à exercer sa function. Parquoy il fault avec le specille mys par

dedans, ou le crochet la palpebre esleuer. Puis apres avec le scalpelle, propre à inciser la maladie dictte pterygia (les uulgaires l'appellent ungula) uiendrons à couper, & diuiser la coherence faicte entre les palpebres: euin tant par grande diligence, que la cornée tunicque ne soit uulnerée, à cause, que puis apres ne s'ensuiue exiture d'œil. Les Arabes l'appellent rupture de cornée. Et apres l'incision par certes instillations fomenturons l'œil. Puis apres avec charpies applicqués aux palpebres garderons, que de rechief ne se agglutinent ensemble en appliquant le blanc d'ung œuf mys sur layne. Et le troisieme iour apres userons de collires attenuantz, & cicatrifiantz.

Des tubercules pendantz (c'est adire ca, & la mobiles) de la palpebre, chalazium en grec.

Chapitre.

xvi.

Chalazium est collection d'aucune bumeur, qui est hebetée, ou insensible: laquelle est fixée soubz la palpebre superieure, laquelle par incision transuersalle faicte exterieurement avec scapelle, ou specille, ou autre instrument fault extraire. Et si la plaie estoit grande, & ouuerte, il fault ioindre les borts par suture, & appliquer emplastre dessus la suture. Et si la plaie estoit petite, la suture delaissee, soit curé à la maniere semblable. Mais si uers l'interieure partie de l'œil sur la cartilaigne ledict

le dict tubercule est situé, & apparoit, nous incisons interieurement la palpebre renuersée par ligne trāsuer= sale: & ledict tubercule, ou chalazium extraict, uscrons d'instillations de muria dicte saulmure.

De la maladie dicte acrochordon, ou encanthides, c'est adire uerrues, & excroissance de chair naturelle iouxte le grand anglet de l'oeil.

Chapitre. XVII.

VErrues de la palpebre, & tubercules (lesquelz à cause que le plus souvent uiennent au grand anglet, sont dictes encanthides, c'est adire inangulaires) nous curons en ceste maniere. Nous les coupons avec le scalpelle premierement comprinses avec pincettes: puis apres mettons dessus de calchitis puluerizé.

Des ongles de l'oeil dictes en grec pterygia(c'est adire production d'aucun corps, lequel est situé iouxte la tunique cornée,)

Chapitre. XVIII.

ICy suruient une maladie, qui est, quand le plus souvent une certe membrane nerueuse depuis le grand anglet

b s la, ou

la, ou elle prent son commencement procedant oultre, de laquelle l'oeil est blessé, tant pour ne permettre l'oeil mouvoir par son adhesion: & aussi quand elle procede, & croist, le plus souuent uient à couurir la pupille de l'oeil. Et certainement ceulx icy sont plus curables, que ceulx la, qui sont subtiles, & albicantes dictes ungles. & à la maniere, qui s'ensuit la curation est appliquée. Les palpebres eslargies ladicte ungle avec ung petit haim, ou crochet, duquel la poincte soit au dedans recuruee, uenons à prendre. Et la dicte ungle ostée, & esleuée avec une esguille enfilée de poil de cheual, & de fillet de lin bien fort, & l'esguille en sa summite croche au milieu tirons la dicte ungle, & avec le fil de lin uenons à lier. En le tirant en hault, & avec le poil de cheual de la partie de la pupille faisons incision comme en seyant, & iusques à la fin l'escorchons. Mais avec le scalpelle couppons tout ce, qui adhere au grand anglet iusques à sa racine, avec grande diligence, affin de laisser la caruncule naturelle de l'anglet: à cause, que si elle estoit ostée, qu'il ne s'ensuiuiſt une maladie dicte rhijas, c'est à dire ung pertuis, par lequel continuellement l'humeur descent. Aulcuns ayant osté avec fil de lin la dicte ungle, cōme à este dict, uiennēt à couper avec l'escapelle ladicte peau, euitant, que la tunique cornée ne soit offensée. Apres l'operation manuelle uenons à gecter dedans le lieu ung peu de sel puluerisé, & mettons de la laine trempée dedans le blanc d'ung oeuf, & faisons ligature. Puis apres desliant la ligature par ung petit espace instillons de muria: & si inflammation s'ensuit, appliquons medicaments aptes à cela.

De la maladie dicte uua oculi; en grec dicte staphyloma.

Chapitre. XIX.

VVa est incuruation de la tunique cornée ensemble avec debilité acimale, ou prunelle. Aulcunesfoys prouient de fluxion: aulcunesfoys par ulceration. Nous faisons curation en ceste maladie non pour restituer la uuee perdue, car cela ne se peult bien faire. Mais tant seulement pour emender la difformite de l'œil. La curation est telle: il fault auoir l'esguille, & la passer par les racines de l'uuee (en grec staphyloma) & l'esleuer en hault: puis apres fault auoir une aultre esguille enfilée de fillet double, & la passer despuis ung anglet iusques à l'autre: & la premiere esguille delaisée fault couper les deux boutz du fillet, & par l'ung prendre la superieure de l'uuee, & par l'aultre l'inférieure, & les bien serrer. Puis apres l'esguille tirée hors tu mettras du blanc d'ung œuf dessus avec coton, & apres la resolution fault fomentier l'œil par instillations lenitiues, iusques à ce, que la dicte uua ensemble avec le fillet uienne à tomber.

De la suppuration de l'œil.

Chapitre. XX.

DEs yeulx suppurés il suffira, si nous recitons les parolles de Galien, lesquelles sont en ceste maniere couchées.

couchées. Aulcun entre les medecins oculaires de nostre temps nommé Iustus, deliura beaulcoup de suppurations des yeulx procedantes de concussion de la teste: les colloquant tous droitz sur une chaire: puis apres comprenant la teste uers les deux costez: & en ceste maniere concutoit, si que euidemment on uenoit à ueoir descendre le pus en bas (c'est adire hors la pupille: car suppuration est humeur colligée soubz la pupille) lequel pus pour la grauité de sa substance demouroit bas. Mais les suffusions, si diligemment ne sont contrainctes, ne peuuent point demourer bas. Et oultre procedant ledict Galien parle en ceste sorte: que certainement le plus souuent la tunique cornée ung peu par dessus ce lieu, qui de aucuns est dict yris, par aultres corona, & toutes les tuniques ensemble se uiennent à conioindre, si elle est couppée, nous mettons ensemble dehors le pus. Et cela dict Galien au traicté de l'art curatoire. Et apres l'expression du pus, expurgerons l'ulcere par instillation d'eau mulse, ou cremeur de fenugrec, à laquelle soit adiousté ung peu de miel. Et en apres appliquerons la curation au residu.

De suffusion (uulgairement dicte catharacte).

Chapitre.

x x i.

Svffusion est concretion d'ung humeur pesante, ou pigre en la cornée tunique sur la pupille: laquelle empesche, que ne pouuons ueoir, ou clerement ueoir:

princia

principalemēt pour la frigidite, & imbecillite de l'esprit uisible : & pourtant le plus souuent aduient aux uieulx. Et à yceulx principalement, qui ont heu longues maladies, elle à accoustumé de uenir: aussi pour uomissement uiolent, & pour coup, & aultres plusieurs causes. Mais des suffusions, qui se font encores, lesquelles n'appartiennent point à la chirurgie, il en a este traicté, & parlé en nostre troiesme liure. Mais à ceste heure par ces signes, & notes nous noterons celles, qui ont parfaicte constitution, & concretion. Touts ayants suffusion uoyent clarte ou petite, ou grande. Et certainement par cecy suffusion diffère de obscuration, & glaucedo : car ceulx, qui ont obscuration, & glaucedo, totallemēt ne uoient point de lumiere. Et les suffusiens en uoyent. De rechef aussi Galiente apprēdra la cōcretion, & differēce des suffusiōs, & ausquelz curation de main doit estre baillée. il dict, que nous ferrons l'œil ayant suffusion, & avec le poulce comprimons la palpebre, & la mouuions ca, & la. Puis apres l'œil ouuert regardons la suffusion : & si par la compression du doyd elle apparoiſſoit estendue, laquelle parauant estoit plus l'arge: puis apres uienne en certe figure, & en grandeur propre, tu congnoistras, que la suffusion n'est point encores conioincte en dureté. Certainement nous congnoissons la suffusion estre endurcie, quād nulle immutation n'est faicte ne quāt à la titude, ne quant à la figure par compression. Mais la couleur nous baille distinction de la dureté, ou non: car ce, qui est deuant dict, est commun iugement de celles, qui sont peu, ou fort dures. Celles, qui ont la couleur de fer, ou cerulée, ou semblable

blable à plomb, elles sont mediocremēt cōpactes, & sont
 aptes à oster. Et celles, qui retirent à la couleur de pla-
 tre, ou gresle, elles sont bien fort endurcies. Parquoy
 auoyr apprins cecy de Galien, il fault uenir à la curation.
 Nous situons l'homme sur une chayre en lieu cler sans so-
 leil, & uenons à bender diligemment l'œil sain: & l'aul-
 tre les palpebres ouuertes uers la partie dicte iris iouxté
 le petit anglet, la partie de l'esguille ung peu recuruée ue-
 nons à mener, & imprimons, & notons le lieu, qu'il fault
 poindre: car nous userons de la main dextre en l'œil sene-
 stre: & au dextre de la senestre. Puis apres fichons sans
 point de crainte la poincte de l'esguille au lieu noté, ius-
 ques a cc, que soit repceue dedans le lieu uuide. Et aurons
 ceste mesure, de la mestre autant dedans, qu'il y a d'espa-
 ce depuis la pupille iusques à l'iris. Parquoy au dessus de
 la partie superieure de la suffusion l'esguille baissée (car
 manifestement elle est ueue pour la clarté de la tunique
 cornée) il fault amener la suffusion au dessoubz de la pu-
 pille: laquelle mise bas, il se fault ung peu arrester: & si
 elle remontoit, il faudroit de rechef la baisser. Et apres
 la deduction l'esguille doibt estre ostée en la tournant: &
 apres instiller dedans l'œil ung peu de sel de capadoce:
 dissolu en eue, & dehors mestre de laynetrēpée dedās
 le blanc d'ung œuf meslé avec huile rosat, & le bender
 & affin que l'œil malade ne se uienne à mouuoyr com-
 me le sain, il fault bender le sain aussi. Et apres tout ce-
 cy le malade doibt estre mis en une chambre basse, ou
 soubz terre, & totalement reposer sur ung liēt, & luy
 commanderons de user de diete subtile: les yeulx en ceste
 forte

sorte tousiours bendés iusques au septiesme iour, s'il n'y a empeschement. Et apres le septiesme iour uiendrons à debander, & ferons essay de uision par quelque chose uisible mise deuant l'œil. Il fault euitier, que cela ne soit poinct faict en la curation, ou ung peu apres: car la suffusion pourroit facilement retourner, & refluir par trop grande intention. Si inflammation contraignoit la partie, il fault deslier deuant le septiesme iour, & luy obuier.

De ægilops, ou absces de l'œil.

Chapitre.

XXII.

Aëgilops c'est une tumeur aposteumense, laquelle uient entre le grand anglet des yeulx, & l'oz des narilles. Lequel uice certainement difficilement recoit curation, tant pour la tenuité des corps, & angustie, que aussi pour le dangier, qui apparoist pour la uicinie, & consentement de l'œil. Et pourtant si le dict absces aura prins la summité du cuir, toute sa partie exuperate doibt estre couppée iusques à l'oz. Et si la fistule est paruenue iusques à la ioue, elle doibt totalement estre ouuerte, & demonstrée. En apres si l'oz est sain, il fault rascler seulement. Mais s'il ya pourriture dicté carie, faudra brusler l'oz avec ferrements subtilz, & renuerser premierement l'œil couuert d'une esponge mouillée en eau froyde. Aucuns apres l'incision de la chair renuoyent

renuoyent l'humour, ou pus par dedās les narilles usant de trepan. Mais nous sommes contents de la seule aduersion, de sorte, que l'escame soit resolue par cauterres agiopyques appliqués. Puis apres cecy usons de medicaments exsiccants faictz de lenticule, & miel, & escorce de grenade. Mais si la dicte maladie ne paruiēt point à la summite du cuir, mais à l'anglet tant seulement, nous ouurons avec scalpelle (duquel secons la ueine, ou l'ongle de l'œil) tout ce, qui est entre l'anglet, iusques à l'absces. Et puis apres toute la chair premierement extraicte du profond mediocrement desseicherons. La pouldre du uin dessus inspergée desseiche merueilleusement. Aussi l'aloes avec la manne faict chose semblable. Le residu de curation de ladicte maladie auons baillé au troisieme liure.

Des meates des oreilles ferrés, compactes, & impenetrables.

Chapitre.

XXIII.

CE vice totalement depuis le iour de la natiuité accoustumé de uenir à cause d'une membrane obstruant le meat de l'oreille: ou aussi peult aduenir par ulceration premierement faicte, & apres par cicatrification faicte, quand la chair est excrescente: & cela est aucunes fois profond, aucunes fois à l'entrée tant seulement. Si elle est profonde, tout nostre trauail est difficile: toutes fois fault essayer de la rompre avec instruments subtilz. Si à l'entrée tant seulement, il la fault ouuoir avec ung cousteau

steau bien poinctu, & la tirer est necessaire. Et si l'ob-
 turation auoit estre faicte par increment de chair, nous
 le couperons avec le scalpelle conuenable à la maladie
 susdicte pterygia, ou avec instrument dict spatha poly-
 pica. Puis apres avec ung drappeau tors à la mesure du
 pertuis en eue mouillé avec uitriol mys en pouldre in-
 spergé, ou aultre chose aride, mettrons dedans l'oreille,
 affin que de rechief la chair ne croisse point. Et si in-
 flammatio estoit faicte, il fault mettre hors le drappeau.
 Et si profusion de sang aduenoit, nous mettrons l'esponge
 dedans eue froide trempée: nous usons aussi d'aultres
 remedes propres à cecy.

Des choses, qui entrent dedans les oreilles.

Chapitre.

XXIIII.

ES oreilles non tant seulement calcules, mais aussi de
 uerres, & febues, & petitx oz de siliques y tom-
 bent. Mais certainement le uerre, & calcules obseruent
 leur grãdeur (c'est adire qu'il ne acquierent point d'aul-
 tre forme, qu'ilz auoient.) Mais les febues, & les oz de
 siliques, & aultres de ceste nature se enflent par l'humidi-
 té naturelle du corps, & ont de coustume de appor-
 ter douleurs grandes. Lesquelles choses fault mettre
 dehors avec specille auriculaire, ou crochet, ou pincet-
 tes. Car aussi certainement par uiolente concusson de la
 teste l'oreille située, & mise sur ung cercle sont gettées
 hors.

hors. Aulcunesfoys comme l'eau, qui entre dedans les oreilles, laquelle mettons hors en succant par une plume, en obturant l'oreille de cire à l'entour, affin qu'il n'apparoisse aucun lieu, par lequel sortist l'esprit aïreux. Les calculs, & aultres semblables ont coustume d'estre extraictz avec le specille inuolu de laine trempée avec resine, ou terebynthine, ou de aulcune chose glutineuse peu à peu mise en l'oreille. Et s'il n'ensuiuent le specille, tu ferreras les pertuis du nez, & la bouche ensemble, ayant getté premierement dedans les narilles aucun sternutatoire. Et si en ceste sorte tu ne profites rien, auant, que inflammation s'ensuiue, ou conuulsion, ou finalement aucun peril, il te fault uenir à la main, & le scalpelle. Nous situerons d'oncques l'homme, qui endure cecy, deuement, l'oreille à l'encontre de cestuila, qui est appelée fibra, & iouxte la base de la dicte oreille coupons une ligne en figure lunaire, & avec la concaue partie, & large du specille auriculaire mettons hors tout ce, qui est dedans contenu. Puis apres la plaie cousue, curons de la sorte, que les plaies cruentes sont curées.

De polypus.

Chapitre.

xxv.

Polypus est tumeur, qui concroist dedans les narilles contre nature, ainsi appelée par similitude de polype marin, tant pour la similitude du uice, qui est avec sa chair, que pour la punction, qu'il baille aux pêcheurs

cheurs en inuoluant, & pliant leurs mains de ses cir-
cles (c'est adire capillamentz retors) ainsi nostre po-
lype baille difficulte de respirer, & parler en obstruant
les narilles des labourantz. Les polypes aspres, & durs
subliuides, & malings, tendants à chancre ne doiuent
point estre touchés. Aux plus tendres, laxés, & en-
dormis, & non point malings la main y doit estre ap-
pliquée. Parquoy nous situerons le patient en une chaire
contre le raiz du soleil tenant le meat du nez ouuert avec
la main senestre, & avec la dextre coupons le polype,
ou excrescence de chair avec une spathée polypique fai-
cte de figure de fueille de myrte, mettant la partie poin-
ctue dedans le lieu, la ou la dicté excroissance adhere.
Puis apres le fer bien tourné avec la concauité du ma-
nubriole, tirerons la chair couppée. Et si en ceste ma-
niere nous uoyons le conduict estre faict pur (sans aul-
cune excroissance) nous uiendrons aux medicaments.
Mais si aulcune partie du polype auoit este delaisée,
nous accommo dons à l'arracher avec ung aultre ferre-
ment mis dedans, maintenant promouant, maintenant
intorquant, maintenāt radant: & sans craincte gestrons
hors ce, qui restera du polype. Mais les malings doib-
uent estre cauterizés avec cauterres gresles, & de figu-
re d'oliue. Apres auoir usé de la dicté chirurgie, & auoir
nettoyé diligemment le lieu avec esponge, fault gecter
dedans les narines uin, ou posca (c'est adire caue copieu-
se avec peu de uin aigre) Et si le dict uin, ou posca ap-
paroist descendre par le trou du palais au gosier, il est
à estimer, que la chirurgie à bien procedé. Simon, signifie
c 2 rester

rester encores excroissances de chair enuiron les or
dictz istmoides, ou uoyre plus hault: lesquelles excrois-
sances n'ont pas este prinses avec les instruments pro-
pres aux polypes. Parquoy nous mettons au pertuis de
l'esprouuette à teste des deux costez ung fillet tors en
maniere de petites cordes de conuenable grosseur, ayant
noudz distantz l'ung de l'autre, de deux, ou trois
doidz, ou enuiron. Puis poussons en sus iusques aux con-
duictz des or istmoides le dict fillet. Cela faict, & le dict
fillet passé par le palais iusques à la bouche le prenant à
deux mains de chascun costé, le tirons maintenant d'une
part, maintenāt d'autre, affin que la chair superflue soit
comminuée par les noudz, ainsi comme d'une serre. En
apres fault garder le pertuis ouuert en metant une tente
en forme de moiche. Trois iours apres fault consumer
le residu du uice par trociques de Musa, & sembla-
bles, & deseccher ensemble le lieu. Et finablement
fault faire uenir la cicatrice par pastilles, & s'il est de be-
soing, par tout le temps de la curation fauldra tenir pe-
titz tuyaulx de plomb.

Des curtes.

Chapitre.

XXVI.

Curtes en lebures, & narimes sont curées en ceste
sorte. Nous couppons le cuir uers la partie infé-
rieure. Puis apres les labies de la plaie coniomctes pre-
mieremēt la callosité ostée, nous cousons, & cōglutinōs.

Des

Des tubercules des gingiues dict's exulides, & parulides.

Chapitre. XXVII.

E Pulis est extuberation de chair ayant sa naissance aux gingiues pres des dents. Mais parulis est absces fact aux gingiues. Nous arrachons l'epulide avec pinettes, ou crochet. Mais la parulide à l'entour scarifiée remplissons de charpies. Il me soubuient aussi souuentes-foys l'auoir seulement poincte par lancette, mis hors puis estre curée. Incōtimēt apres la chirurgie nous lauōs la gingiue avec uin. Et le iour apres avec eue mulse. Le iour ensuiuant mettrons dessus la plaie (iusques à ce, que soit saine) le cathaplasme floride : lequel en grec est dict anthoron. Et si la gingiue uenoit à se putréfier, & que les medicaments à ce accommodés ne luy feissent aucune ayde, il la fault brusler avec serremens subtilz, & renuersés.

De l'extraction des dents.

Chapitre. XXVIII.

Nous tirons la dent premierement à l'entour des-chaussée, & scarifiée iusques aux racines. Et la branlons premierement avec tenailles. Mais si elle est rongée, parauant il fault remplirle pertuis de char-
pie

pie desliée, & la rompre avec les tenailles. Apres l'extraction de la dent, les carnosités, qui demeurant avec sel puluerizé, sont consumées par friction. Puis apres avec uin, ou posca, iusques à ce, que le lieu soit rendu sain, il le fault lauer. Mais si aucunes dents superflues uenoient au pres naistre, nous tirons avec scalpelle, coupant celles, qui adherent à la racine: & celles, qui n'y adherent point, avec tenailles les tirons (dict Dauiet.) Mais si aucune dent estoit fort creuse, ou rompue, la partie eminente doibt estre consumée avec lime. Aussi les petites squames adherantes aux dentz, comme souuent aduient, nous les nettoions avec le bout pointu du specille, ou avec instrument propre à rascler, ou petite lime.

De la retraction de la langue.

Chapitre.

XXIX.

ANcyloglosum est uice de langue: lequel aucunes fois uient des le premier iour de la natiuite à cause des membranes, qui contiennent la langue, faictes dures, & accourties. Aucunes fois de cause externe, quand la cicatrice sera faicte dure en ulceration, qui est soubz la langue. Ceulx, qui naturellement ont ceste maladie, peuuent estre congneus par cecy, car il commencent à parler tard, & sans aucune ulceration precedente, & sont ueux auoir le fillet soubz la langue plus, que ne doibt estre. Ceulx, qui labourent par cause externe, manifestement de eulx mesmes portent la cicatrice. Parquoy
l'homme

l'homme situé en ung siege, & la langue esleuée uers le palastre, nous coupperons par dessoubz transuersalement le fillet membraneux. Mais si le uice uenoit par cicatrice, avec ung crochet la callosité doibt estre prise, & attirée, & doibt estre couppee de ligne oblique, de sorte, que nous deliurons ceste retraction: euitant par diligence, que incisiō ne soit faicte par fonde: car certainement telle incision porte souuent profusion de sang, lequel à peine peult estre restrainct. Apres la chirurgie la plaie doibt estre lauée avec eaue froide, ou posca: & puis curée par medicaments relaxantz, & incarnatizans.

Des tonsilles.

Chapitre.

xxx.

Ainsi, que les glandules du col, quand elles sont endurcies, & grosses, sont appellées strumes: semblablement aussi paristhmia (c'est adire glandules, lesquelles sont à la racine de la langue) quand par inflammation elles sont enflées, & esleuées, comme deséchées, elles baillent difficulté à transgloutir, & aussi à l'esprit aïreux se attendant l'une l'autre par le contraire. Et sont nommées antiades, c'est adire tonsilles. Aufquelles certainemēt se fault abstenir, quand il y a inflammation. Mais l'inflānation cessée aulcunemēt, la chirurgie y peult estre applicquée, principalement si elles sont blāches, & serrées, & aupres de leurs racines estroictes. Car celles, qui sont laxes, & rouges, & ont leur fondemēt large,

facilement sont en peril de flux de sang. Nous commandons à l'homme de ouurir la bouche : lequel soit situé au raiz du soleil, & que sa teste soit tenue du ministre par la partie posterieure, en sorte qu'elle soit immobile : & la lāgue soit pressée avec instrumēt apte à ce uers la maxille inferieure: & avec ung crochet mis dedans uenons à tirer, & prēdre la dicte tonsille, & la mettons hors, se gardant tant, que sera possible de ne toucher les membranes. Puis apres avec le scalpelle la coupons toute depuis sa racine: lequel soit semblable à celuy, duquel nous auons accoustumé de inciser la retraction de la langue, bien située en la main, de laquelle nous faisons l'operation. Certainement il y a deux manieres de ses instruments, lesquels se different ayant la poincte renuersée. Parquoy une couppee l'autre doit estre tyree semblablement, la quelle doit estre prinse tant avec la main, que avec instrument. Apres la chirurgie, se doit gargarizer d'eau froyde, ou de posca. Et si aulcune fluxion de sang uenoit à infester, fault user de la decoction, qui s'ensuit, tiede, faicte de la summite de ronsjes, de roses rouges, & de myrte. Et si le sang sort plus copieusement, uous userez de ius de plantain, & de solidago dicte uulgairement cōsolida, ou de pastilles faictz de succino (uulgairemēt appelé Karabé) ou de terra lennia, aultremēt terre sigillate dissoluz avec posca, & en ferez gargarisme. Le flux de sang retraict, le iour ensuiuāt fault faire unctiō de fleur de roses, saffrā, amidon meslés avec laiēt, ou eau, ou blanc d'œuf, ou eau mulse rosacée. Et si lesdictz ulceres uienēt à prendre sordicie, il fault user de lauementz faictz de miel.

De uua, ou uuula.

Chapitre.

xxx i.

CUrgulion, comme il soit aulcun instrument de la
 Guoix dict plectrum, bien souuent il repcoit distil-
 lations, & humidités de la teste. Et aussi il est contre
 nature engrossi: quand il est oblong, & gresle, il est dict
 columella: & quand il est gros, & rond, est appellé uua.
 Touts deux ont prins leur nom par similitude. Auquel
 mal si ny par medicines generales, c'est adire par mission
 de sang, ou purgation, ne aussi par les medicaments lo-
 caulx, ou topiques (lesquelz sont adstringents, ou reprim-
 mants, ou dissipants) remede ne peult estre donné, il
 fault secourir par ceuvre de main, à cause que aucunes-
 fois par continuelle irritation ne baille toux, uigille, &
 strangulation. Doncques aux uuules rondes, & res-
 traintes, lesquelles ne sont point oblongues, & cruen-
 tes, ou subliuides, on ny doibt point applicquer la main.
 Les aultres, qui sont gresles, & oblongues, à leur sum-
 mité poinctues, ou resolues, ou estendues, & ne sont point
 fort cruentes, mais ung peu blanches, doibuent estre coup-
 pées: car du commencement il fault tant seulement coup-
 per celles la, qui sont sans inflammation: & celles, qui
 sont plus longues, que elles, ne doibuent estre selon natu-
 re: & coupper tant seulement la longueur superflue. Car
 si totalement elle est coupeé, ainsi comme elle ap-
 porte

porte grand nocument aux parties du thorax, ainsi elle rend bien souuent les hommes muetz. La raison de la curation est telle. Nous situons l'homme iouxte les raiz du soleil, & luy commandons d'ouuoir la bouche, tant qu'il pourra: puis apres avec tenailles uuaires, ou pincettes prenons la partie superflue de l'uuule, & la tirant en bas avec ferrements à cela propres, ou scalpelle la coupons. Apres cela semblables choses doibuent estre faictes à celles, que i'ay mis parauāt pour l'incision des uenues. Toutesfoys souuent aduient, ou que pour timidite du labourant, ou que pour crainte de profusion de sang, on pour l'aridite des medicaments, nous uenons à reffuser l'usage du fer, & nous parforcerons de consumer la partie par medicaments adurants. En laquelle chose nous applicquerons ce, que i'ay mis parauant en l'adustion des palpebres, ou aultres medicaments semblables. Et de ceste sorte d'instrument, duquel nous uenons à brusler les uuules (les cavités de la langue exceptées) la langue de l'homme tenant la bouche couuerte par le ministre avec instrument à ce propre doit estre retenue en bas, & comprendrons aultant de l'uuule, comme nous en eussions couppé avec ferrement. Le medicament ne sera point trop liquide, à cause qu'il ne diffue point, & descendu de l'uuule uienne à corroder les membres inferieurs. Dont aussi fault commander à l'homme, qu'il ne uienne point à desgloutir durant le temps de l'adustion du medicament. Ne aussi sera trop dur le medicament, affin que plus facilement puisse se arrester sur l'uuule. Et si le medicament gecté par une fois aura induict

à la summite de l'uule noirfeur, nous nous reposerons: si non par deux foys encores en mettrons: baillant tel commandement, & diligence, que par ceste espace l'homme tiendra la bouche en bas: affin que soit mis d'ehors de la bouche la salive, qui continuellement flue, & aussi aucunes petites portions du medicament. L'uule consumée par l'espace d'une heure se mortifie, & le troiesme, ou quatriesme iour uient à tomber. Et l'adustion en ceste maniere faicte avec le second doyd dict index enuelopé de laine desliée, ou d'estouppes abstergeons, & nettions à l'environ le gurgulion, ou avec d'eau commandons de se lauer. Auquel cas, ainsi que à ceulx, ausquelz on a coup péles tonsilles, le col est fomenté pour la communité, qu'il a avec ses parties, en appliquant dehors de laine trempée en huille de camomille, semblablement il fault gargarizer, & oingdre tout ensemble.

Des espines retenues en la goule,
ou meri.

Chapitre.

xxxii.

Souuentefois, quand nous mangeons, les espines ou du Poisson, ou aultres choses sont deuorées en diuerses parties de la goule: lesquelles si elles apparoiſſent, doivent estre mises dehors par instruments propres particulièrement appellé acāthobola. Mais si à l'inférieure partie iouxte l'orifice, par lequel on transgloutist, elles sont retenues, il fault administrer aultre maniere
d'ex=

d'extraction. Aulcuns sont d'opinion de faire transgloutir de gros morceaulx, comme sont les troncs des letues, ou morceaulx de pain. Les aultres commandent de deuorer une petite esponge nette, & molle liée avec fil de lin, & puis apres avec le fillet tirer en hault: & ce faire souuēt iusques à ce, que l'espine adherant à l'espōge ensemble avec elle soit mise hors. Leonides commande estre mis dehors cathaplasmes maturants: comme sont ceulx, qui sont faiētz de dissolution crue, c'est adire de farine crue, d'eau, & d'huylle: affin que le pus osté l'espine puis apres sorte hors liberallement. Et si sommes presents au temps, auquel l'espine est infixée, ou deuant que la concretion soit faicte au uentreicule, & que ne pouuōs ueoir ce, qui est infixé, avec le doigt, ou plume mise commodons à uoir. Et ainsi aucunesfoys est faict, que ensemble avec le uomissement de la viande uienne à yssir.

De l'incision du guttur.

Chapitre.

xxxiii.

LEs excellents autheurs de chirurgie ont baillé par escript cest usaige de scalpelle. Antyllus aussi parle en ceste maniere. Aux angines, ou scynanches, comme nous enseignerons en l'œuure de la raison de uiure, l'œuure de la main doibt estre negligée: ueu que l'incision, qui se fera, sera inutile, là ou toutes les arteres, & le poulmon endurent. Mais aux maladies, qui uiennent pres de la bouche, & menton avec inflammation, certainement aussi couurent

couurent avec tonsilles l'orifice du guttur, uen que nulle artere trauaille, non sans cause, userons d'incision de guttur, affin d'euiter le peril de suffocatiō. Laquelle incision ferons en ceste sorte: de ssoubz le chef du gosier par de ssoubz trois, ou quatre rotondités certaine partie de l'aspre artere couperōs: car toute certainement ne peult estre diuisée sans peril: le dict lieu est fort ydoime, car il est sans chair, & aussi il à ses arteres plus l'oing de la partie situées. Pource la teste du patient renuersée en arriere, affin que plus manifestement le gosier soit mis à nostre uue, nous le diuisions par ligne transuersalle entre deux orbes, ou rotondités, de sorte que la cartillaige ne soit point blessée, mais tant seulement la membrane, qui serre les cartilaiges. Et si aulcun est en ce negoce timide, il pourra separer le cuir premierement esleué avec ung crochet: puis apres le gosier ainsi nud le prendre, & faire section, & tous uaisseaulx tirer à part, si aulcuns suruiennent. Et tout cecy à dict Antillus. Certainement il coniecturoit l'incision du gosier, en partie par aulcune eruption d'esprit avec bruit, ou son, en partie aussi par interruption de uoyes. Et le peril de strangulation passé, nous applicquerons sutures, les labies de la plaie renouvelles, ainsi que le cuir seul soit reioinct delaisant la cartillaige. Puis apres ainsi que aux plaies recentes doibt estre appliqué médicament: & si ne se conglutinent point nous userons de médicament incarnatif. Et si aulcun aussi uenoit en noz mains, lequel pour desir de finir sa uie uienne à uulnerer son gosier, semblable curation doibt estre faicte.

De absces, ou tumeur.

Chapitre.

XXXIII.

AVsi en nostre quart liure asses, & abondamment auons dict absces de chair estre corruption, & mutation des parties charnues, & comment il prend naissance, & combien il y a de differences de absces: maintenant nous enseignerons ceulx la tant seulement, qui ont besoin d'operation manuelle. Et quand sera faicte parfaite mutation en pus, alors il nous fault uenir à la chirurgie. Facilement nous congnoistront, si le pus est fait, & colligé, si la douleur, & fiebure, qui parauant molestoient, sont diminuées: si aussi la rougeur, & pulsation, & aultres signes d'inflammation sont aucunement declinées: & si la tumeur uient en poincte, & aussi par compression de doictz le pus uient à ceder le lieu. Combien que cecy tant seulement est considéré aux absces, qui sont aux parties plus apparentes. Dont s'ensuit aucunes foys, que pour la profundité de l'absces aucune chose n'est sentie par l'attouchemēt, ne aussi la tumeur ne se mettra en poincte: non pourtant operation manuelle ne sera delaissee. Il fault aussi scauoir, que aucunes foys deuant la parfaite mutation de l'absces en pus, s'il estoit pres des articules, ou ioinctures, ou pres de quelque membre principal, il les fault inciser ung peu crudz (& non parfaitement meurs) effin que par la retention de la putrefaction aucun ligament semblablement, ou aucun membre necessaire

cessaire ne soit corrompu. Aussi ceulx la, qui uiennent
aupres des doïds, Hyppocrates commande estre ouuerts
auant la parfaicte maturation, affin qu'il ne procedent
point à la corrosion, & parforation d'oz. Les incisions
certainement ne sont point faictes d'une sorte: car sur le
front nous ensuiurons les lignes naturelles: & sur la teste
la naissance du poil, ayant tousiours regard à la decora-
tion du membre, qu'il fault inciser. Mais les bras, & iam-
bes doiuent estre incisées par longitude, selon leurs
muscles, & tendons. Parquoy nerfs, & arteres, & aul-
tres membres principaulx du corps euités, nous met-
trons peine par bonne estude de bailler nostre admini-
stration seure, maintenant en droict, maintenant en
oblique, ainsi que la chose le requiert, ouurant le dict
absces. Certainement les petits seront ouuerts d'une
seule incision. Les grands de plusieurs selon leur gran-
deur, par lignes ydoines, & gresles à l'exit de pus.
Ceulx, qui sont fort grands, & crudz, gresles, & mor-
tifiés, doiuent estre incisés plus amplement, en sorte que
la plaie soit faicte en figure triangulaire, ou de fueille de
myrte, ou aultre figure angulaire. Car celles, qui sont
incisées orbiculairement, ou en rotōdite, sont curées plus
difficilement. Et celles, qui ne sont point amples, ne
grandes, doiuent estre ouuertes de une simple inci-
sion. Et celles, qui ont grande profondite, si elles sont
couuertes de cuir charneux, lequel soit apte à glutina-
tion, suffira, qu'elles soient ouuertes par incisions idoy-
nes à l'exit du pus. Mais si le cuir est subtil, & sans chair,
ilz seront ouuerts par une simple ligne, tendant à longi-
tude,

tude, & les bords de la plaie doibuent estre couppés, si sont gresles, & sans chair. Apres l'operatiō du scalpelle, le lieu doibt estre abstergé diligemment avec esponge, Et si l'absces est petit, une foys ouuert par fer, nous uiendros à le curer par simples applications de charpies. Et s'il est grand, lequel soit ouuert par plusieurs incisions, nous mettrons dedans le pertuis des charpies posées en lōgitude: les Grecz l'appellent lemniscon. Semblablement ceulx, ou nous auons ouuert seulement le cuir, seront remplis de charpies. Et si effusion de sang s'ensuiuoit, nous userons d'eau froyde, ou de posca. Et si ainsi ne profitons rien, il fault insperger dessus pouldre de uitriol. Lequel uitriol certainement bien souuent uenons à appliquer pour la fluide putrefaction. Aussi en yuer, & aux parties nerveuses il fault moiller d'estoupades avec de uin meslé, & huille, & mettre dessus: & l'este, & aux parties charneuses de l'eau avec d'huille, ou du uin avec huille, mais qui soit froid. Et apres il fault bender, & le iour apres les fault humecter par celles mesmes liqueurs. Le troisieme iour apres la plaie desbédée, & abstergée avec esponge userons de charpies trempées en tetrapharmacō: c'est composition de quatre medicaments, c'est ascauoir de resine, poix, huille, & cire. Et si la plaie est sans inflammation, serons estoupades, comme par dessus arrousées, & les mettrons dessus pour la garde, & custode des charpies, & emplastres. Si inflammation y apparoiſſoit, premierement par fomentations conuenables sera fort commode de appliquer cathaplasme apte à resouldre, & dinger. Et l'inflammation finie, curerons par medicaments suppu

suppuratifs, & regeneratifs de chair. Aussi nous guerirons les profondeurs par glutinatifs, comme a este dict en nostre quatriesme liure.

Des strumes.

Chapitre.

xxxv.

STrumes sont comme aucunes glandules endurcies, lesquelles croissent en une partie du col, & aux aisselles, & inguines, & sont appellées en nom grec choerades: ou de choerades pierres aspres: ou des pourceaulx, qui sont dictz chery. Certainemēt c'est une beste, qui porte beaucoup de petits, & est seconde: ou pour ce que le col de telle beste est ueu auoir beaucoup de ces strumes. Mais les strumes naissent à la partie anterieure du col, ou tant seulement à l'autre, ou en tous les deux costés. Et telles maintenant une, maintenant deux, maintenant plusieurs, en une mesme membrane sont contenues, ainsi comme steathomata, atheromata, & mellicerides. Celles, qui molestent par douleur, ou attouchement, & sont irritées par medicaments, sont pires, & plus malignes. Et de aucuns sont dictes carcinodes. Et est notoire, qu'elles n'obeissent ny aufer, ny à la main. Parquoy cestes delaisées, à celles qui sont benignes tāt seulemēt, & au touchement, & à l'application des medicaments aptes, en la sorte, qui s'ensuit, la cure sera baillée. Et si elles viennent à ambuler sur le cuir, nous les uiendrons à tirer des parties subiectes faisant une simple diuision: puis apres uiedrōs à
d sepa

separer les labies de la chair, & du cuir en esleuât le cuir avec crochet, ainsi que auons dict au chapitre de l'extraction de ueines. Et en ceste sorte peu a peu les arracherôs. Et si elles sont plus grandes, il les fault esleuer avec crochet, & les fault inciser par dessoubz, ainsi qu'il est dict, en maniere qu'elles soient deliurées de leurs parties coherentes: euitant songneusement, ou que les arteres soporaires, ou nerfs reuersifz ne soient touchés. Mais si aucune ueine couppée faisoit empeschement à nostre operation par grande effusion de sang, doibt estre estraincte avec ung laqs. Si nō qu'elle fust trop grande, laquelle aussi faudra du tout couper. Et ainsi si la racine du strume uient à finir en lieu anguste, il la fault couper bien saigement, & le lieu doibt estre uisité avec le doigt dict index, pour ueoir, s'il y en a point d'autres: lesquelles fault extraire en la mesme sorte. Et s'il y a suspectiō, que au fons du strume n'y aye aucun grand uaisseau, il sera utile de ne user point de ferrement, mais conuiendra la serrer avec ung laqs fort, affin que peu à peu, & plus seuremēt, & de soy mesmes uienne à tomber. Auquel cas la curation est puis apres baillée par charpies: car apres qu'elle est excisée, les labies sont reioinctes. D'auātaige les incisions doibuent estre faictes par ligne droicte: & si rien ne sortoit hors du cuir, soubdain doibuent estre cousues ensemble. Et si aucune chose uenoit à issir, la partie incisée en figure de feuille de myrthe, sutures doibuent estre faictes, & mettre médicament conglutinant.

De seuations, pultations, & melli-
faues, dictz en grec steomata, atheros-
mata, & mellicerides.

Chapitre.

xxxvi.

LEs seuations (ausquelz est trouué substance sembla-
ble à suif) & les aultres aussi appellées pultations
(ausquelz est trouué humeur semblable à boullie) & mel-
lifania (ausquelz est trouué substance à la similitude de
miel) combien qu'il soient du genre d'absces, toutesfoys il
diffèrent en cecy. Car ceulx, qui sont proprement dictz
absces, sont pituiteux, & portent douleur, contenant hu-
meur acre, & corrodante, & ne sont point enclos d'une
propre membrane, ou tunique. Et certainement ceulx icy
diffèrent entre eulx: car en l'aposteme dicté seuation, l'hu-
meur, qui y est, est semblable à suif: & l'humeur, qui est en
l'autre dicté pultation, est semblable à boullie de froment:
& celle qui est en la mellifaue, est semblable au miel, com-
me l'appellation desdictz apostemes l'emporte. Mais
par les signes on les peult discerner: car seuation est plus
dure, que les aultres, & cede à l'attouchement, & chan-
ge de lieu, & a la racine plus estroicte. Mais si tu uiens
à toucher mellifaue, il paroist estre dedans comme ung
corps lent, & pesant: lequel quand il est pressé, il flue
tardement, mais bien reflue. Et à yceulx la curation
doibt estre baillée telle, que aux strumes, par incision, di-
duction, & aultres suturez. Tant seulement il fault eui-

ter, que la mēbrane soit gardée d'estre touchée, affin que l'humour respendu ne fasse grand empeschement à l'œu-
ure, & qu'il ne laisse aucunes particul'es, lesquelles puis
apres soient cause, que bien souuent pres l'articulation de
la main, ou au talon, & finablement en toutes les par-
ties, qui sont meues par articulatiō, de rechef tel maluien
ne à naistre. Ainsi comme faict la strume, quand elle est
toute deliſſée, ou partie d'elle. Et si telle chose semblable
aduient, il est meilleur de ne le coudre poinct, mais sera
fort cōmode de cōsumer la reste par medicamēts exedēts.

De dilatation dictē aneurisma.

Chapitre. xxxvii.

Dilatation, laquelle est dictē en grec aneurisma, est
tumeur molle, laquelle cede à l'attouchement des
doidz: de laquelle la naissance est de sang, & esprit. De
ce Galien parle en ceste maniere. L'orifice de l'artere ou-
uert (comme il dict) est faicte affection, laquelle est appel-
lée dilatation. Ce que aucunes foys aduient par plaie,
quād le cuir par dessus l'artere n'est poinct congelé, ne
obstruct de chair, & est mené à cicatrice. Laquelle affe-
ction, & par la pulsation; & aussi pour ceey est con-
gneue: car si elle est comprimée avec la main, la tumeur se
pert incontinent, en la substāce de l'artere, se retirant de-
dās l'artere, qui faisoit la dictē tumeur. Et cecy sont les pa-
rolles de Galien. Mais nous les distinguerons briuevement
en ceste sorte. Celles, qui sont faictes par orifices d'arte-

la diuision
artere n'est
e, n'estant
e n'y rejoin
ni bouchée
sair.
arteres
tance conta-
dans l'artere
e retirant
dans de
ere

res ouuertes, sont plus longues, & sont contenues plus
 parfondement. Et aussi par impression des doidz ilz sont
 quelque son. Mais celles, qui sont par uuln. ratiō, ne sont ^{ruption}
 point tel son, & sont plus rondes, & apparoissent estre ^{superficie}
 au dessus. Doncques à celles, qui seront soubz les aissela
 les, ou inguines, & au col; aussi à celles, qui apparois- ^{quand les}
 sent en aultres lieux fort grandes, nous recuserons de y ^{laisser}
 mettre la main pour la magnitude des uaisseaulx. Mais
 celles, qui serōt aux parties extremes, ou au bras, & iam-
 bes, & celles, qui uiennent à la teste, ne sera point estran-
 ge de les curer. La curation est telle. Si la tumeur est par
 apertion, le cuir doibt estre incisé longitudinalement
 par ligne droicte. Puis apres les labies separées avec cro-
 chet, l'artere de toute partie doibt estre descharnée, avec
 instruments aptes à ce, ainsi que nous auons dict au cha-
 pitre de l'exemption des veines. Aussi par semblable ap- ^{la section e}
 plication d'esguille, il fault user de ligature faicte de lin ^{uases}
 de toutes parties, premierement la partie de l'artere coup- ^{dessus e}
 pée, prise inanie, & uuidée. Aussi fault appliquer ^{dessous}
 medicaments, qui suppurent iusques à ce, que les filletz
 uiennent à tomber. Si la dilatation est faicte de rupture, il faut pre-
 toute par les doidz ensemble le cuir (tant que faire se- ^{avec les d}
 pourra) doibt estre prise. Puy apres avec une esguille ^{pourra de}
 ayant double fillet mise par dessoubz la partie prise. Et le cuir ^{tumeur}
 aussi le dict fillet couppé en sa concauite, en ceste sorte, ^{pres du tre}
 avec les deux bouts de toutes deux parts, la tumeur doit ^{laquille e}
 ca, & la estre liée, comme à este dict au chapitre de sta- ^{il est redi}
 phyloma. Et si nous craignōs, que les dictz filletz ne uiē- ^{glissent}
 ent à courir, nous passerons une aultre esguille enfilée ^{an desous}
 d 3. de de la tui

Et contenu, couperons le cuir a l'entour, baissant
ce qui est lie

54

LA CHIRURGIE

de double fillet, laquelle uienne à comprimer la premiere
este sorte partie. Et en ceste maniere le bout couppe nous lierons la
tumeur ^{de} quatre filletz doubles, de toutes deux parties,
p⁶⁶⁶ Ou nous couperons le cuir a l'entour, la tumeur ouuer-
te au milieu: et là lierons les parties delaissees. Puis par
preses application de coiffmetz mouillés en uin, et en huyle, et
apres par charpies ferons curation.

Du ramex du gosier dict en grec
branchocele.

Chapitre.

xxxviii.

BRanchocele est tumeur au col grande, et ronde, la
quelle a prins ceste appellation des parties interieu-
res: de laquelle sont deux especes. Les unes seuations, les
autres referent dilatations. Celles, qui referent dilatatiōs,
nous les congnoistrons par les mesmes signes, qui sont aux
dilatations. Et les laisserons cōme desesperées: car toutes
les dilatations promiscues, et douteuses, principallemēt
celles, qui sont iouxte le col, ne permettēt point ceuvre de
scalpelle pour la magnitude des arteres sans grand peril.
Mais nous curerons la maladie dictē steatodes comme les
seuations, les uaisseaulx separés, et euités, ainsi com-
me nous auons appris en la curation des strumes.

De contorsion de nerfz dict gan-
glium.

Chapitre.

xxxix.

Gan

G Anglium est contorsion de nerfz, laquelle adulent par coup, ou defatigation au noud de la main, ou au tallon, & bien souuent aux lieux, qui sont meuz par articulation: aulcunes foyz aux aultres parties du corps. Ceste affection tumeur d'une couleur resplendissant priuée de douleur l'ensuit. Laquelle tumeur pourtāt, si aucun la compressoit uiolentement, elle baille aucun sens torpide. Laquelle n'est point située profondement, mais a sa naissance soubz le cuir. Tant seulement tombant uers le costé, & non pas deuant, ne derriere, encores que uiolentement soit impellée. Celles, qui sont aux bras, ou aux iābes, ou aultres parties extremes, n'est pas seur les inciser: car il y a peril, que le membre ne soit rendu manque, & inutile. Et celles, qui aduienēt à la teste, ou au front, nous les curerōs en ceste maniere. Nous ouurons la summite du cuir avec scalpelle: puis apres si sont petites, nous les prenons avec pincettes, & arrachons hors de la racine. Et si elles sont grādes, avec crochetz tout à l'entour mis nous les tirons. Finalement conioingnons les labies avec sutures, & usons de medicament, lequel on met̃ aux plaies cruentes.

De mission de sang par ouuerture
de ueine.

Chapitre. XL.

I Acoit que la maniere d'ouuir la ueine soit à tous inotoire, toutesfōys affin que nous baillions les distinctions artificielles d'icelle, & que rien ne soit uen estre
d 4 laissé

laissé, qui appartienne au labeur de chirurgie, à present ne negligerons point de bailler lesdictes distinctions appartenantes à l'art de chirurgie en apertion de ueines. Le premier scope, & intention principale de la ueine, qui doibt estre ouuerte, est, que le sang redōdant soit euacué. Mais l'abondance du sang est en deux manieres: l'une quāt à la uertu, encōres que les mesmes ueines n'apparoissent point pleines: pour laquelle biē tost les hōmes sont réduz imbecilles, & debiles, ueu que nature ne peult point porter le faix, lequel est comme ung sac. L'autre est, quāt aux receptacles, qui contiennent le sang, c'est ascauoir l'effusion de sang considerée. Iacoit que nature n'est point ueue le porter molestement. De laquelle aulcunesfoys les crachatz sont sanguinolētz, par ueines rompues, ou aulcunes autres profusions de sang ont accoustumē de ensuiure. Et celle redondance de sang, quant à la uertu, est congneue par la grauation du corps. Et ceste redondance, quant aux ueines, est congneue par distention, & repletion de ueines. L'une, & l'autre requiert inanition estre procurée. Par quoy au premier iour de la maladie, si la necessite contraignoit, le sang doibt estre euacué: premierement la concoction du uentricule obseruée, ou iuste mutation en sang faicte au foye. Et si pour quelque cause la section de la ueine n'auoit este au commencement faicte, ne sera point absurde de la faire apres le septiesme iour: mais que la necessite le requiere, & la uertu du patient ne le refuse point. D'auantage celuy, qui ueult auoyr du sang par section, doibt aduiser, que retention de beaucoup d'excrements ne soyt faicte aux intestins:

testins : laquelle si y estoit trouuée , premierement fauldra user de clystere lenitif , à cause , que les ueines ne uiennent à tirer aucune substance putride des excrements . Aussi certainement à iceulx , qui ont indigence d'extraction de sang pour maladie presente , en tous temps nous la pourrons faire sans incommodite , euitée tant seulement la uigueur , & puissance de l'accez de siebure , Mais si la siebure continue infestoit , le temps du matin sera plus commode . Mais à ceulx , qui plus par tutelle , ou preservation , que par aucune maladie requierent inanition de sang , le printemps leur compete , & conuient plus . Mais aux aagés il conuient euitier , comme iusques au quatorziesme an (iacoit , que aucuns Arabes n'aient poinct regard à l'aage , quant à la flebothomie , comme est celui , qui flebothoma son enfant à quatre ans) ainsi apres le soixantiesme an le sang ne soit point euacué , sinon , que aucune neceßite irrecusable te contrainct . Aussi cela te sera perpetuel d'euitier destruction de sang à ceulx , qui ont les uertus imbecilles . Certainemēt en l'inflammation recente des membres , extraction ne doibt estre faicte de la partie aduerse , mais à la loingtaine , & longue partie des prochaines . Laquelle certainement euacuation est faicte cōmunement de beaucoup d'autres lieux du corps . Mais le plus souuent aussi de la partie interieure du coulde . Parquoy il ne fault point ignorer , l'artere , & le nerf par tout estre dessoubz la ueine interieure dicte axilaire . Mais la superieure , laquelle est dicte humerale , estre hors de ceste craincte . Aussi certainement aux maladies de la teste l'humerale

d s doibt

doibt estre ouuerte : & en icelles, qui infestent aux bras d'un col, l'axillaire: & à toutes deux la mediane doibt estre ouuerte. Il fault doncques une partie du bras pres des muscles avec une petite bende estroicte lier, puis apres avec esgalle frication de mains il fault inciser la ueine remplie, laquelle est ydoine à l'usaige, par ligne transuersalle tant seulement à la latitude d'icelle. Certainement les grandes plaies difficillement se agglutinent, & guerissent: & les petites outre ce, qu'il empeschent l'exit du gros sang, aussi il prouocquēt inflammation. Mais quand nous esperons encores auoir du sang deux, ou troys, ou quatre iours apres ce, que aucunes foys aduiant, la ueine doibt estre couppée par ligne oblique, & par inflexion de main la section apres se uient à ouurir, & ne se coalesce point facilement. Et ainsi le ueult Antillus. La quantite de l'humeur, qui doibt estre extraicte, doibt estre mesurée selon la force de la uertu, & la grandeur de la maladie. Quand doncques il y aura grande quantite d'humeur, & seruente en une foys iusques au deffault de uertu, le sang doibt estre tiré: quand le malade deffault ayant encores bonne uertu, & force, non point par effusion d'aucune humeur à l'estomach: de laquelle cause est faict, que plusieurs incontinent au commencement auant, qu'il en soit tiré en suffisance, ilz ont deffault de cucur. Mais il est de besoing, que le deffault leur aduienne par raison de l'euacuation. Certes si la chose requiert grande inanition, & la uertu est imbecille, ceste curation doibt estre diuisée, de sorte, que au premier iour nous en tirions moins, que ne debuons. Et le second

cond de rechef soit tiré, ce qui reste: aussi le troisieme, s'il est besoing. Et non tant seulement pour la constitution pleine du corps, laquelle est dictée plethora, nous euacuoons ensemble tout le corps, cōme dict Galien: mais aussi pour la uehemençe d'aucune affection, iacoit, que tout le corps soit constitué en equalité d'humeurs: ainsi cōme des narilles, ou de quelque aultre lieu: si non, que la multitude soit grande. Aussi nous ouurons la ueine des parties opposites à cause de destourner la matiere. Semblablement à une grande inflammation, ou aux colliques, ou aux reins calculeux, ou à lippitude des yeulx, & aux aultres, qui ainsi molestent aiguement. Certes la douleur, & chaleur du mēbre inflammé est cause, que fluxion s'ensuit, iacoit que tout le corps soit sans excrementz: laquelle necessairement fault minuer par euacuation, qui conuienne fort à la nature, & à l'aage du patient. Aussi ayant raison du temps, de la region, & de la coustume. Mais si aupres de la ueine incisée il y aura aucune inflammation, comme aux laterales, & aux affections du foye, il sera comme d'attendre la mutation du sang, tant en couleur, que en substance. Certes le sang inflammé n'est pas semblable au naturel. Car le sang bien fort eschauffé, si parauant estoit ung peu crud, il se faiēt plus rouge, & flauē. Et si premieremēt il estoit de ceste sorte, il se cōuertist par adustio en sang noir. Toutesfoys ne fault pas tousiours attendre ceste mutatio, mais aucunesfoys cesser auāt, qu'elle soit faicte: ce qui aduiēt par deux causes, ou par malignite d'inflamatio, laquelle ne cesse point, mais est tousiours fixe: ou par imbecilite de uertu, laquelle tu pourras cōgnoistre

gnoistre par la retraction du poulx: car tu congnoistras à une uehemençe, & magnitude de maladie le poulx obscur, & inegal. Aussi la teneur de la fluxion rompue manifeste la uertu estre debilitée. Mais si rien de tout cecy n'empeschoit, & le malade soit d'aage competent, ceste mutation doib estre attendue: & plus pource que ung corps mieulx temperé ne soit baillé. Et si le sang estoit retiré auant, que detraction conuenable (ce qui se faict, ou pour timidite, ou pour sincopis, ou pour coagulation d'humcur, ou par trop grande stricture) il faudra secourir à une chascune d'icelles. Nous resfoiillerons le sincopis avec liqueurs mises pres du nez. A la constriction secourerons en relaschant la ligature. A la coagulation du sang, ou avec huile appliqué, ou avec les doidx reschaufferons le lieu. Le residu, quant à mission de sang, est à tous notoire. Et ainsi, que nous auons dict, est faict au coulde. (C'est adire aux ueines cubitales.) Mais quand il fault faire extraction de sang au front, comme est aux douleurs de la teste, elle est faicte en ceste sorte: premierement nous fomentons le lieu avec ablution: puis apres nous lyons le col avec une seruiette, mettā le doid par dedans, & le lien suspendu pres du gosier, à cause, que strangulation ne s'ensuiue. Et ainsi avec pointte de lancette ouurons la ueine apparente au front. Semblablement aussi nous ouurons avec la partie large du specil le les ueines iugulaires en la sommité du cuir. Aussi nous ouurons les ueines de dessoubz la langue en angine trāuersallement delaisant la constriction. Il y a aucuns aussi, qui uiennent à ouurir semblablement celles, qui apparoissent

roissent au grands angletz, en maladies antiques de la teste, ou des yeulx. Semblablement celles, qui sont dedans les narilles, avec le bout du specille les comprimant, ou avec instruments aspres les irritant pour les rompre. Aussi aux maladies de la teste on a accoustumé d'ouvir celles, qui sont derriere les oreilles, ainsi comme on faict celles, qui sont aux poplites, quand les reins sont malades. Mais celles, qui sont à la sommité du membre, lesquelles sont par dessus les ligatures, sont diuisées là, ou elles se uient à apparoir, par frication de mains, ensemble, ou aux piedz par cheminer. A ceulx, qui ont uice de ratelle à la main gausche, principallemēt celle, qui est entre le petit doigt, & son prochain. A ceulx, qui ont uice du foye la mesme ueine, mais, que ce soyt à la dextre. Certainement la uacuation des extremités ainsi qu'elle est faicte de loing, tout ainsi elle faict la uersion plus efficace. Mais au pied il fault euacuer de celle, qui est par dessus le maleole interieur tant aux coxendiques, que aux maladies de matrice.

De l'application des cucurbitules.

Chapitre.

XLI.

IL ne fault point user de cucurbitules ne aux corps plethoriques, ne aux commencements des maladies: mais apres, que tout le corps est purgé, & qu'il n'ya plus de fluxion, & qu'il est necessaire d'esmouuoir aulcune chose en quelque membre, & le tirer à la partie exterieure.

Parquoy

Parquoy une legiere, & simple cucurbitule deliure les inflammations, & sede la fluxion d'estomach, attire le sang, siste le flux de sang, si elle est mise de la partie contraire. Et ce qui est au parfond, le tire à la superficie. Finalement elle faict attraction d'humeurs, & extraction des espritz. Mais celle, qui est mise avec scarification, baille une euentation plus efficace aux causes des maladies, tellemēt, que (ce qui est ueu par sens exterieur) les matieres, qui affligent, sont attirées des parties profondes. Et certainemēt elle ne euacue point tant le sang, que aussi les autres humeurs: principalemēt si elle est appliquée avec plus grande flamme. Et si le sang doit estre tiré de membre charneux, nous mettrons une cucurbitule avec scarification premierement de cuir: & si le mēbre est extenué, ou gresle n'ayant point de chair, nous mettrons simple cucurbitule: puis apres, quand le membre sera esleue en tumeur, nous ferons incision, & de rechef l'appliquerons par dessus. Et s'il n'en fault gueres tirer, nous userōs d'une incision. Si d'aumentage, de plusieurs. Et si le sang est trop subtil, legierement à la summité nous applicquerons le scalpelle. Et s'il estoit plus gros, nous le mettrons plus parfond. Prenons exemple, ou il y aura du sang concret, par percussion il le faudra uacuer. La crassitude du cuir nous enseignera la profondeur de l'incision. Aulcuns ont excogité ung instrument, auquel sont troys scalpelles, afin de faire ensemble à ung coup troys incisions. Mais nous estimant cela inutile applicquons simple scalpelle. il y a d'autres, lesquelz usent de cucurbitules de verre, pource, que par ycelles la quantite du sang, qui est tiré, est ueue.

est ueue. Mais celles, qui sont d'arain, sont plus efficaces à attirer : car cestes soubstiennent plus grande flamme, & celles de uerre facilement se rompent. Certainement aussi ceulx, qui applicquent des cornetz de la partie superieure, à laquelle y a ung petit pertuis, ilz attirent l'air avec la bouche par ledict pertuis, & tirent moins, & ne desseichent rien. Ainsi comme sont celles, qui sont mises avec flammes. Et certainement en applicquant les cucurbitules nous debuons faire cela, que nous constituions premierement la partie du corps droicte, puis apres nous conioignions la cucurbitule à ceste partie du costé. Car si nous mettons par dessus les membres gisans de charpies enflammées, cela mis sur le cuir bruslera, & sera moleste sans, que necessite le requiere. Il fault scauoir, que la magnitude de la cucurbitule doit estre aulcunesfoys accommodée au membre subgect. Parquoy est fait, qu'il y en aye beaulcoup, & diuerses, ayant difference en grandeur, & petitesse, ainsi comme nous en faisons aulcunes ayant le col plus long, & le uentre plus large, lesquelles sont plus aptes, que les aultres à attirer. Il se fault donner garde grandement, que les cucurbitules ne soient point appliquées aux mammelles : car aulcunesfoys, quand elles y sont appliquées, les mammelles se uiennent à enfler : parquoy on ne les peult tirer sans grande douleur : auquel cas doibuent estre aydées avec esponges trempées en caue chaulde : certainement ainsi ont accoustumé de sortir, & laisser la partie. Et si cela ne profite en rien, il fault uenir à la perforation d'icelles.

De l'adustion faicte par art en l'aisselle.

Chapitre.

XLII.

IL aduient à aucuns en la reduction de l'humere luxée, que le chef du bras, ou par redundante humidité, ou par aulcune coustume du lieu, lequel aura este au parauant hors de son siege, frequemment, & souuent uienne à sortir. En laquelle chose adustion doibt estre faicte. Parquoy le patient à l'enuers situé, ou sur le costé sain le cuir interieur de l'aisselle sera bruslé, au lieu principalement, ou l'article est luxé, avec les doidz de la main sinistre, ou avec des crochetz tenants le bras esleué faisons adustion avec ferrements longz, & gresles: de sorte, que le cautere penetrant en l'autre partie, fasse deux ulceres d'une impression. Et s'il y auoit grand interualle entre ces deux adustions, nous ferons une aultre adustion au milieu (le specille premierement mis par les deux pertuis) iusques à ce, que le serrement uienne à toucher. Il coit, que Hyppocrates ueult, que deux aultres soient faictes uers toutes les deux parties, en sorte qu'il uiennent à cōstituer la figure carrée, distāte par interualles esgaulx de celles deux. Et ne fault point adurir plus par fond, que au cuir, à cause que les nerf, & les glandules appelées adenes, & aultres choses, qui sont par dedans, portent inflammation nō mediocre, & difficulté. Puis apres il fault user de pourreaux pillés avec sel, & les appliquer,

quer, & aultres choses, comme nous auons dict à la curation des uſtions. Puis apres fault euitier, que le bras, & la main ne se exerce point à trop grande agitation.

Des doidz superflus nez pres l'ung de l'autre: par lesquelz on est dict six doidz.

Chapitre. XLIII.

A Vlcunesfoys les doidz uiennent à naistre pres des grands doidz, & aucunesfoys pres des petits: & bien rare est ueu pres des aultres. Doncques de ces doidz aucuns sont entierement de chair: les aultres ont aucunesfoys des oz, & des ongles. Ceulx, qui ont les oz, aucuns sont ioinctz avec l'autre doid à l'article commun. Les aultres ont leur naissance par dedans les noudz. (Et totalement sont sans mouuement) les aultres aucunesfoys ont mouuement. Certainement il est facile de couper ceulx, qui sont tous de chair: car tout à ung coup avec le scalpelle nous couppons ce, qui est superflu. Et ceulx, qui ont naissance de la ioincture, difficilement sont couppés. Mais ceulx, qui uiennent des noudz, nous les curons en ceste sorte: premierement de toutes parts nous couppons la chair tout alentour iusques à l'oz: puis apres uenons à cōminuer l'oz avec scalpelle, ou avec une serre: puis baillerons le demourant de la curation, en radant, & cōglutinant, ainsi comme il a este dict aux plaie des oz.

De l'adustion de suppuration de tabes.

Chapitre.

XLIIII.

ADustion aux suppures est trouuée ayde de grande efficace : laquelle nous faisons en ceste maniere. Nous prenons la racine de l'aristolochie longue trempée en huille: puis apres par dessus elle en beaucoup de lieux faisons ulcere avec fer bien ardent: l'une plaie faicte entre la conionction des oz furculaires, le cuir retiré en hault, deux aultres hors des arteres soporaires pres du menton, & soient faictes moins profondes. Aultres deux par dessoubz les mammelles entre la tierce, & la quarte coste, imprimant le fer plus amplement: aultres deux entre la quarte, & la cinquiesme tirant aulcunement vers le dos; aussi au milieu de la poictrine une aultre dessus l'oz du uentricule. Mais sur le dos nous usons de troys adustions, l'une au milieu du dos, d'ung costé, & d'aultre de l'esspine, & à la superieure partie: les deux aultres plus parfondement. Mais les aultres, comme dict Leonides, bruslent entre les costes en telle partie, en laquelle sera l'absces noté, iusques au pus avec ferremēt gresle de figure d'oz d'oliue biē ardent. Il y a aulcuns, qui n'osent appliquer le scalpelle entre la cinquiesme, & sixiesme coste par ligne transuersalle coupant le cuir, mais ung peu oblique: puis apres avec ung consteau poinctu mis par dedans les costes la membrane perforée gectent hors le pus.

le pus. Mais & ceulx icy, & ceulx, qui bruslent iusques au pus totalement, ou il portent la mort, car l'esprit uniuersel uital ensemble avec le pus se eximanie: ou induisent fistules insanables.

De chancre.

Chapitre.

xlv.

CHANCER est tumeur inegal, aspre, puant, subliuide, molestant par douleur. Aulcunesfoys sans ulcere: lequel aussi Hyppocrates a nommé occulte: lequel c'est à scauoir est irrité plutoſt par curation: aulcunesfoys prouenant avec ulcere. Et cōme il soit faict de colere noire, le plus souuent ambule en mengeant, & corrodat. Il a sa naissance en plusieurs parties du corps, mais principalement pres de la uulue, & des mammelles des femmes: il a des ueines à l'entour esleuées, & enflées, & ainsi cōme cancer animal a des piedz, dont la maladie a prins son nom. Parquoy doncques de sa curation faicte par medicamēts, & de cestuy la, qui uient pres de la uulue, nous l'auons assés dict en nostre troysiesme, & quatriesme liure. Mais cestuy, qui est caché dedans la uulue, ne peult point prendre curation de main, ne de scalpelle: & combien, qu'il peult admettre labour de main, non pour ce trouueroit il aulcun ayde en soy. Maintenant nous baillerons la curation de ceulx, qui uiennent dehors, & principalement aupres des tetins. Aulcuns uiennent à oster la partie uiciée avec cauterres. Les autres coup-

pent toute la mammelle, puis apres usent de aduſtion. Mais Galien tant ſeulement permettoit l'excifion, eſcriuant en ceſte maniere. Si tu ueulx curer le chancre par ſcapelle, premierement tu commenceras à la purgation de l'humeur de colere noire. Puis apres toute la partie affligée diligemment à l'entour couppée de ſorte, qu'il ne demoure aucune racine, permettras ſuir le ſang. Et ne le ſiſteras point auāt, que les ueines, qui ſont à l'entour, ſoient bien comprimées, & que tout le ſang gros ſoit exprimé. Apres uſeras de la meſme curation des autres ulceres: & cecy dict Galien. Mais les autres ulceres malignes, & putreſcentes, ainſi comme fagedenes, & gangrenes, & ſemblables, doibuent eſtre curées par ſemblable raiſon.

De ceulx, auſquelz les tetins ſont eſleués à la ſemblance de ceulx des femmes.

Chapitre.

XLVI.

Certainement aux maſles ainſi comme aux femmes ſe uient l'aage de la puberte les tetins aucunement ſont eſleués. Mais à pluſieurs de rechef ſont reprimés, & applaniz. Mais à aucuns, depuis que une ſoys ſont produictz, ne ceſſent point de proceder à cauſe de certaine greſſe, laquelle ſe uient à enfler. Laquelle choſe non ſans cauſe permet la curation du ſcapelle, uen, que elle uient à apporter de ſhonneur à la nature feminine. Donc
ques

ques l'incision faicte au deſſoubz de la mammelle de figure lunaire, & le cuir ſeparé de la chair nous tirons la greſſe. Puis apres conioignons les labies de la plaie par ſuture. Si parauanture la māmelle pour ſa groſſeur, comme il faict aux femmes, declinoit uers la partie inferieure, il fault ouurir en la meſme partie inferieure de deux lignes lunaires, de ſorte, que les extremités entre ſoy conioinctes la moindre doit eſtre comprinſe de la grande: & le cuir eſcorché entre les deux incisions: la greſſe, qui y eſtoit auſſi oſtée, il fault uſer de ſutures cōme parauant. Et ſi nous auions erré, & qu'il euſt eſté moins couppe, qu'il ne debuoit, de rechef on tirera ce, qui reſte, avec ung petit lien, & puis le couldre: & mettre mediquement ainſi comme aux plaies recentes.

De l'aduſtion du foye.

Chapitre.

XLVII.

SI douleur infeſtoit avec grande grauité ceulx, qui ſont abſces au foye, elle denote le corps charneux du dict foye eſtre affect. Et ſi la douleur eſt ague, elle monſtre le vice eſtre plus en la tunique. Et l'aduſtiō ſera ainſi faicte, nous mettrons cauterres oliuaires fort chaultz au deſſus l'inguine pres de la fin du foye, & tout le cuir brulé iuſques à la tunique, nous tirons en apres le pus. Et apres l'eximantion, nous uſons de lenticule, & de miel, & des medecaments faictz d'eau mulſe, & de medecaments rempliſſants, & puis apres cicatriſants.

De l'adustion de ratelle.

Chapitre.

XLVIII.

NOus esleuons le cuir avec crochet, qui est mis dessus la ratelle: puis apres avec ung fer long chault totalement penetrons dedans, à cause, que par une impression de fer deux incisions soiēt faictes: & faisons cela troys foyz, affin, que en apres qu'elles soient faictes six. Iacoit, que Marcellus usant de fer fuscinal, auoit de coustume en ung coup faire troys incisions.

De adustion d'estomach.

Chapitre.

XLIX.

LEs medecins recents ont de coustume de faire adustion aux frequentes fluxions d'estomach. Les aucuns avec ferrements oliuaires ulcerent en trois lieux, l'ung iouxte la cartilage gladiale: les autres deux au desousbuz cōstituées ainsi faictes, qu'elles uiennent à faire figure triagulaire à la profondeur du cuir tāt seulēmēt. Les autres sont cōtents d'une seule adustion, mais plus large pres de l'orifice du uentricule. Mais il ya aucuns, lesquels certainement n'appliquent point de fer, mais usent de ceulx, qui bruslent, qui s'appellent Isce. Isce sont aucunes pillules spongieuses, lesquelles naissent aux noiers, & aux chesnes, & sont en grand usaige entre les barbares.

baires. Et apres l'adustion laissent par aucuns temps les ulceres ouuertes, ouy aussi les retirent, affin, que grande euëtation par elles faicte, l'orifice de l'estomach demeure sain sans fluxion.

De l'eaue intercutanée.

Chapitre.

L.

Nous auons baillé au troiesme liure, quelle soit l'habitude des ydropiques, & combien il y a de différences d'icelles, & quelles sont les causes: aussi comment telles maladies se peuuent congnoistre, & curer par medicaments. Aussi auons monsté audict liure, que tant seulement Ascites permettoit la curation manuelle. Maintenant il fault dire, cōment la dicte operation doibt estre faicte. L'homme doibt estre constitué tout droit: sinon soit assis en ung siege. Car celuy, qui ne peut point endurer cecy pour l'imbecillite de la uertu, il est iugé n'estre point ydoine à ceste curation. Doncques l'homme droitement situé, commanderons au ministre demourant derriere de comprimer le uentre avec les mains, & dehors presser la tumeur iusques au parfond de l'abdomen. Mais nous avec ung instrument bien poinctu, & tranchant, ou avec ung phlebothome, si ceste maladie a heu sa naissāce des icestins, couperōs le cuir iusques à la membrane par dessoubz l'ūbilio droitement distāt quatre doirdz au dessoubz. Et s'il est suruenus à une aultre maladie, de la fenestre ptie ferōs icisiō. Et s'il uiet de la ratelle,

du costé droit de l'abdomen ferons la dicte incision. Il fault certainement euitier, que ne fassions incision en la partie, sus laquelle il se doit coucher: puis apres avec la poincte d'ung instrument le cuir ung peu separé de la membrane, nous ferons une plaie, parforerons la même membrane ung peu plus hault, que la premiere plaie n'a esté faite, iusques à ce, que le serrement soit receu au lieu uide. Puis apres cecy il fault mettre ung tuiau d'arain, qui soit taillé en similitude d'une plume d'escriptoire, & le mettre dedans le pertuis de la membrane, & de l'abdomen: & par ledict tuiau l'humeur doit estre mise dehors ayant regard à la uertu: laquelle nous sera manifestée par l'observation du poulx. Laquelle chose apres que sera faite, il fault recepuoir ledict tuiau, & ainsi l'effusion de l'eau sera arrestée. Certainement par ceste incision reiterée il est fait, que tout incontimēt, que ledict tuiau sera osté, le flux cessera. Mais nous, affin que la chose soit plus seure, mettons tant seulement des charpies torses dedans la plaie de l'abdomen. Puis apres l'homme constitué dedans le liēt, & resfoillé, de rechef le iour ensuiuant nous mettrons hors par ledict tuiau ung peu de l'humeur selon la uertu: & en ceste sorte, nous ferons aux iours suiuaunts, iusques à ce, que biē peu de l'humeur soit laissée, avec bonne diligence d'euitier, que nous ne euacuons point ensemble l'uniuerselle humeur. Certainement plusieurs traitant ignoramment cecy ont occis le patient par euacuation d'humeur uniuerselle, ensemble l'esprit uital. Mais ceulx, qui consulent à la securité, ont de coustume de faire en ceste maniere: car il euacuet par ceste chirurgie aultāt de l'humeur

l'humeur, qu'il est ueu que la uertu du patient le peult porter. Mais le demourant de l'humeur il consument avec medicaments, qui euacuent l'eau, avec harene, soleil, & soif, aussi avec aliments desseichants. Aulcuns aussi appliquent adustions à l'estomach, au foye, à la ratelle, à l'abdomen, & à l'umbilic avec ferrements gresles: les autres appliquent Iscis, ou autre telle matiere. Il y a plusieurs, qui ont este gueriz par ceste uoye plustost sans auoir enduré aucune parforation.

Des umbilicques esleués, & prominents.

Chapitre.

LI.

LEuice de l'umbilic prominent est faict de diuerses causes. Aulcunesfoys que la membrane est rompue en telle partie de l'abdomen, à ceste cause l'omentum, ou intestin uient à cheoir là dedans. Aulcunesfoys parumeur hebetes assemblé soubz l'umbilic: aussi par excroissance de chair. Aulcunesfoys pour sang sorti de ueine, ou d'artere rompue, comme est aux dilatations: aussi aulcunesfoys tant seulement pour esprit là dedans enclos. Et si l'omentum estoit rompu, la tumeur est d'une couleur molle, n'ayant point de douleur, & aussi inegale. Et si l'intestin y tombe, la tumeur est plus inegale: mais aux autres elle est semblable, & se pert par compression de doïdz: aulcunesfoys se uient à ouurir: aulcunesfoys à croistre par baings, & distentions. Et s'il y aumeur interieure, sembla-

blement la tumeur est molle: & quand elle est pressée, elle n'obeist point, & n'est point diminuée, ne augmentée. Mais l'excrecence de la chair oultre les aulres indices rend le lieu plus liuide, & plus dur: lequel aussi est tousiours uen en une mesme grandeur. L'esprit faict la tumeur molle: lequel s'il est pulsé, rend son, & se euanoist, s'il est pressé. La curation doibt estre traictée en ceste maniere: nous commanderons au patient droict constitué de estendre le uentre avec retention d'esprit: puis apres toute l'excroissance de l'umbilic notée à l'entour avec encre d'escriptoire, mettrons à la renuerse le patient, & scarifierons avec le scalpelle tout à l'entour, au lieu marqué. Puis apres la partie du milieu avec crochet esleuée, nous la lierons avec fillet de lin, ou nerfs pour scarifier, car en ceste maniere la partie sera mieulx retenue, & ne pourra pas si tost couler, serrant la conionction du fillet, avec une torsion, & non point avec noudz. Puis apres la tumeur en sa sommite ouuerte, laquelle estoit serrée, nous lascherons, & avec diligence regarderons, si aucune portion de omentum, ou aucune inuolution d'intestin seroit ensemble liée avec la tumeur. Et si l'intestin estoit compris, en laschant la conionction du fillet, nous le pousserons dedans. Et s'il y auoit de l'omentum, nous le tirerons, & couperons sa partie superflue, premierement auoir osté les ueines. Apres cecy nous mettrons deux esguilles ayant simple fillet par dedās la scarification, & les boutz du fillet couppés comme a este dict en la dilatation, avec les quatre boutz nous serrerōs diuerses parties. Et apres la partie morte par dessus les ligatures, & cheute nous

curerons avec charpies, & donnerös ordre, que en apres la cicatrice soit faicte plus esgalle. Et en ceste sorte est faict, si l'omētum, ou intestin auoit causé la maladie. Mais si la chair, ou l'humeur, ou le sang y estoit, la partie moyenne de la tumeur couppee à l'entour, tirerons hors tout ce, qui sera dedans: puis apres nous remplirons la plaie avec medicaments remplissants. Mais à ceulx, qui sont faictz par dilatation, ou effusion d'esprit, nous recuserons de leur bailler medicamēts ainsi cōme aux dilatatiōs.

Des plaies en la membrane de l'abdomē, & de la cheute de l'intestin, ou de omentum : là ou aussi la maniere de coudre le uentre est baillée de Galien.

Chapitre.

LII.

IL fault cōsiderer, cōment la mēbrane de l'abdomē uulnérée peult estre biē traictée. Et si la plaie est si petite, que l'intestin tombe, lequel soit enflé, nullement ne puisse estre repoulseé dedans, il est necessite de consumer l'inflation, ou dilater la plaie. Certainement il est meilleur premierement, mais que la chose soit possible, de inanier l'inflation, mais nous ne le pourrons mieulx faire, que d'oster la cause, qui enfle l'intestin. Mais, qui est doncques ceste cause? Froideur de l'air circonuant: dont le remede

remede est baillé par calefaction. Doncques l'intestin sera fomenté d'eau chaude exprimée d'éponge: & aussi à cecy un austere sera préparé chaud: lequel tout ainsi qu'il eschauffe plus que l'eau, ainsi aussi baille force aux intestins. Et si l'inflammation perseueroit, nonobstant cecy appliqué, la membrane doit estre coupée, iusque à ce qu'il puisse manifester l'intestin cheut. Et pour faire la dicte incision, il fault prendre les instruments dictz recta fistulamina. Il est aussi fort utile, que le malade se incline à la renuerse, si la plaie est aux parties inferieures. Et si la lesion estoit en la dextre, se inclinera uers la senestre: & si à la senestre, uers la dextre: ce qui est aussi aux grandes, & aux petites commun. Certainement les situations des intestins requierent ministre docte aux grandes plaies pour les remettre en leurs propre siege. Certes il doit les labies prinses avec les mains par dehors, retourner dedans, & contraindre, & peu à peu lascher lesdictes labies à celuy, qui fera la cousture, & ce, qui sera ioinct par cousture mediocrement, le laisser, iusques à ce, que la cousture soit absolue. Mais à ceste heure il fault dire, quelle est la maniere ydoine de ferrer le uentre par cousture. Comme ainsi soit, que l'abdomen doit estre agglutiné à la membrane, commençant au cuir, l'esguille doit estre mise uers l'exterieure partie tendant à l'interieure: laquelle apres qu'elle aura passé le cuir, & tout le droit muscle, la partie de la membrane adiacente delassée, l'autre uers l'interieure partie doit estre parforée tendant à l'exterieure. Puis apres les labies de l'abdomen cōiointes doit estre parforée en ceste maniere: & de rechef
celle

celle mesme au dehors mise au dedans, semblablement la membrane subiacente delaissee, il fault uenir à la partie opposite. Et celle doit estre par dedans cousue tendant dehors ensemble la labie superiacente de l'abdome. Et ainsi fault faire trois, ou quatre foyz, & plus, iusques à ce, que toute la plaie soit serrée. Certes la suture doit estre fort serrée, affin que la plaie soit serrée. Et affin que le cuir demoure entier, ne le fault pas faire fort souuēt: par quoy l'ung, & l'autre extreme euité, mediocrite doit estre obseruée. Semblablement fault faire en la bende, car celle, qui est trop dure, rompt le cuir: & celle, qui est trop molle, se rompt. Aussi tout ainsi que le cuir, qui est tède, lequel est delaisé, travaille, si l'esguille est mise par les extremités dernières des labies, & souuent est rompue en endurant force. Et si la suture est comprins plus bas des labies, la plaie demoure sans soy agglutiner. Et ainsi certainement tout cecy doit estre principalement obserué en cousant le uentre. Iacoit qu'il soit commun à toutes plaies. Doncques en ceste maniere, que nous auons dict parauant, il faudra faire, pouruoyant, que la membrane uienne à coalescer avec l'abdome: ce qui se faict difficilement, à cause qu'elle est nerueuse: ou nous ferons cōme les aultres, conioingnant les parties, qui sont par nature semblables, comme membrane à membrane, & abdo me à l'abdome. Ce, que ie adioustera y icy. Semblablement l'abdome seul uers la partie exterieure doit estre cousu tendant à l'interieure. Puis apres les deux labies de la mēbrane prinses avec l'esguille, de rechef l'esguille doit estre reprins, & la mettre par celles mesmes deux labies:

labies: semblablement uers l'exteriure partie à l'interieur: puis apres de l'interieure partie par l'autre labie de l'abdomen l'esguille doit estre tirée. Ceste maniere dif-
 fere du commun, & plus soubdain usaige en cecy, car ilz
 conioingnent tout ensemble avec l'esguille les quatre la-
 bies: ce que bien fort occulte la membrane soubz l'abdom-
 en. Puis apres les medicaments, qui sont d'une mesme ma-
 tiere avec ceulx, qui sont appliqués aux plaies cruentes,
 seront aptement mis. Et affin que aucun membre prin-
 cipal ne soit affligé d'une mesme contagion, fault fomen-
 ter toute celle partie, qui est entre les inguines, & aissel-
 les avec huille chaulde moderément repceu en laine mol-
 le: & sera meilleur, si le mesme huille est getté dedans les
 intestins par clystere. Et si aucune partie des intestins
 a senti la plaie, il fault getter du uin tiede noir, & austere:
 & plus fort, si aucun intestin est tout blessé. Certes les
 intestins gros se guerissent plus facilement, & les gresles
 plus difficilement: mais le ieunum ne permet point au-
 cune curation, uen qu'il contient copie, & magnitude de
 uaisseaulx, & qu'il a la tunique nerueuse, & gresle: aussi
 il repcoit toute la colere pure, & aussi qui soit le plus pro-
 chain des autres au foye. Medicament doit estre applica-
 qué à ceulx, qui sont plus charneux au dessoubz du uentre:
 certes aucunes foys il profite, non point pource, qu'ilz
 soient plus gros, mais aussi que plus commodement le lieu
 permet les medicaments arrester. Celles, qui sont en la
 regio du uentre, ou de l'estomach situées (excepté que la
 seule entrée, ou les medicaments paruiennent) aussi par
 trop de sentiment, que celles parties ont, reffusent cura-
 tion.

tion. Mais quand la membrane de l'abdomen est rompue, & l'omentum vient à cheoir, il fault considerer, si aulcune partie de l'omentum est liuide, ou noire, & toute ceste partie, & premierement ung petit laqs passé par dessus la partie morte, pour euiter peril de effusion de sang, il la fault couper au dessoubz du laqs. Puis apres à la fin de la cousture les chefs du fillet doibuent estre serrés, de sorte qu'ilz pèdent bas, affin que plus facilement ont les puis se geëter à la naissance du pus.

Des recutifz, ou ceulx, ausquelz une partie du prepuce deffault.

Chapitre.

LIII.

AVx recutifs, c'est adire à ceulx, ausquelz à la peau il deffault quelque chose du prepuce, aucuns à cause de decoration ont excogité double maniere de curatiō. Aulcunesfoys aupres du penil il couppent le cuir de la verge en rotondite, affin que la continuite diuisée se puisse tirer, & estendre en bas, iusques à ce qu'il couure le gland. (uulgairement dict Balanum .) Aulcunesfoys par dessoubz le cercle dudict Balanum viennent à ramener le cuir faisant diuision avec le scalpelle du cuir vers l'interieure partie du mēbre, & estēdēt la dicte peau outre le glād. Puis apres avec drappeau delié, liēt le prepuce tout

tout alentour, une partie interposée; entre le cuir, & la uerge, sur la partie, en laquelle l'extension à este faicte, afin que ne se agglutine point avec le gland. Ceste maniere icy approuue mieulx Anthylus, & l'explique plus copieusement. Mais nous tant seulement auôs pource sommairement referé, car bien à tard telle maladie requiert ceuvre de medecine: car aussi ce vice ne porte point aucune difficulté à la fonction, & n'est aussi indecent, que aucun uueille experimenter le tourment, qui est faict par ceuvre de main.

De ceulx, qui ont le meat urinal
retiré en bas hors du gland,
dict en grec hypof
padiei.

Chapitre. LIIII.

A Plusieurs depuis leur naissance le glâd n'est point parforé: mais ilz ont le pertuis soubz celle partie, qui est dictée canis, qui est en la fin du gland. Ceulx icy ne peuuent pisser uers la partie interieure, s'ilz ne reuersent le membre bien fort iouxte l'ab dome: ne aussi peuuent procréer enfans, ueu que la semence ne peult point estre gettée droitement dedans la uulue. Aussi aduient, que ce vice porte deshonneur bien grand. La maniere de curer ceulx icy tout ainsi que elle est simple, ainsi est la plus seure de toutes par amputation. Doncques l'homme reuersé le gland doit estre prins avec les doidx de la main senestre, & doit estre bien fort attirée, & apres avec la
pointe

pointe du scalpelle doit estre couppée pres de la courōne, ou du cercle. Et cela ne sera point fait par section oblique: mais ronde, & caue affin, que au milieu soit delaissee une eminance semblable au gland. Et comme ainsi soit, que profusion de sang bien souuent s'ensuit, en apres userons de medicaments arrestants le sang: & si ce ne profite, brulerons avec ferrements gresles.

De constriction de prepuce pres du gland dicte phimosiſ.

Chapitre.

L V.

LA cause de cōstriction, ou phimosiſ, a accoustumē d'estre double. Aulcunesfoys le prepuce couurant le gland de rechef ne se peult point retirer. Aulcunesfoys, quand il est retiré, il ne se peult plus estendre: laquelle proprement est appelée periphimosiſ, ou circonstriction. La premiere espece est faicte ou de cicatrice, ou prepuce, ou de excroissance de chair. La seconde est produicte par inflammation de membre, quand la pellicule ainsi retirée le glād se enfle ainsi, qu'il ne recoipue point de rechef le prepuce. La constriction est curée en ceste sorte: l'homme constitué en figure accommodée, nous baillos le prepuce à la partie anterieure à tirer aux ministres avec trois, ou quatre crochets mis à distendre, & ouvrir tant que faire se pourra: puis apres si par cicatrice le cuir
f sera

sera retiré au dehors uers l'interieure partie, en trois, ou quatre lieux coupperons avec le phlebotome, ou instrument poinctu, de sorte que les lignes soient distantes en l'ogitude par esgalle espace. Mais comme il soit ainsi, que le prepuce soit double uers le gland, l'orifice doit estre diuisé uers l'interieure partie en ceste sorte: si la retraction resoluë estoit retirée par cicatrice, puis apres facilement nous pourrions reduire le prepuce. Mais si excroissance de chair par dehors a fait ceste constriction, nous ferons toutes les scarifications sur la chair, le cuir retiré. Puis apres nous raserons les eminences de la chair, qui seront entre les incisions: en apres prendrons ung tuyau de plomb ayant pertuis esgal à l'une, & l'autre partie enuironné de papier, le appliquerons à l'entour du gland. Et en ceste sorte certainement sera fait, que la peau de rechef reduite soit deffendue de adherer au gland, & aussi separée du plomb, & du papier enuveloppé, lequel estoit enflé par madefaction: la dicte peau plus fort l'esueue du membre. Et si en ceste maniere, ou par cicatrice, ou excroissance de chair phimosis consiste, nous auons de coustume le curer ainsi. Mais si aucun labeure de construction, laquelle soit ia inueterée, & pource soit serrée, tel ne peult plus estre curé, si non, ainsi qu'ung recutit, uueille estre curé. Et si la peau n'est poinct encore serrée, elle doit estre scarifiée d'une part, & d'autre par troys, ou quatre, ou plusieurs lignes en l'ogitude: puis apres par beaucoup d'huyle tiede soit sōmentée: & en la sorte en l'ulterieure partie doit estre tirée.

Du prepuce adherant au gland.

Chapitre.

LVI.

Avlcunesfoys est faict, que par exulceration ou du gland, ou du prepuce ces deux parties se uiennent à adherer. Laquelle chose aduenant, il fault avec le scalpelle, ou ferrement propre à coupper les polypes faict en maniere d'ung cousteau inciser, & diuiser avec grande cautelle, affin, que le gland uienne à estre separé du prepuce sans lesion. Laquelle chose si elle estoit difficile, il uault mieulx tirer aulcune partie du gland, que du prepuce. Certainement le prepuce facilement est perforé, ueu qu'il est tenure. Apres l'absolution de l'œuure manuelle il fault inserer ung petit drappeau delié trempé en eue froide entre le gland, & le prepuce, affin que de rechef ne seioignent poinct : puis apres avec uin astringeant fault cicatrizer.

De ceulx, qu'il fault circuncire pour maladie.

Chapitre.

LVII

APresent nous ne faisons poinct de propos de ceulx, qui sôt circūcis par aulcune religiō. Mais de ceulx, ausquelz le prepuce est noir par aulcune affectiō. Certaine mēt à yceulx il fault coupper en rotōdite tout ce, qui sera noir, avec squane d'erain, & miel, au aussi melicorium, & f 2 cruum,

eruum, en facon de charpies mettre dessus. Et si le sang fluist, il fault user de cauterres lunaires. Lesquelz certainement sont fort commodes tant à l'ulcere, gardant qu'elle ne chemine, que à reprimer l'effusion du sang. Et si par aventure le gland estoit consumé, nous mettrons dedans le meat urinaire fistule de plomb: & par elle commanderons rendre l'urine.

Des tubercules sur la uerge, dictz thymi.

Chapitre.

LVIII.

THymi dictz tubercules, sont aucunes carnosités comme petites uerrues uenant aucunes fois sur le prepuce, aucunes fois sur le gland: desquelles aucunes sont malignes: & les autres non pas tant. Certes les benignes sont couppees avec poincte de scalpelle: puis apres inspergez dessus de pouldre de uitriol. Mais aux malignes apres l'incision l'adustion est necessaire. Et si au contraire sur le cuir estoient produictes, les unes à l'interieure partie, les autres à l'exterieure, nous ne debuons point tout à une fois à toutes appliquer la main, à cause que la pellicule, qui est fort tenue, imprudemment par nous ne soit perforée: mais premierement debuons couper les interieures, & les cicatrizer: puis apres seurement on uendra aux exterieures. Mais aucuns les plus recets ont de coustume de les inciser avec ciseaulx: puis apres avec foye de cheual serrées les curēt: les autres bruslēt avec cauterres froidz.

De

De application de syringue, & lauement de uescie,

Chapitre. LIX.

Quand l'urine est supprimée, & retenue en la uescie, ou que calcule, ou quelque cöcretion faicte de sang, ou aultre aulcune chose l'obstrue, & retient, nous auons accoustumé de user de mission de fistule pour recevoir l'excrement: laquelle est ainsi faicte. Nous prenons des fistules accömodées à tout aage, & genre, & les preparos à ceci. La maniere de la preparation est ceste. Nous lions ung peu de laine au milieu du fillet: puis apres avec ce fillet delié ung petit ionc mis par dedans le pertuis de la fistule nous inserons la layne à la derniere bouche de la fistule, de sorte, que si par dehors quelque chose apparoißoit, qu'elle soit couppée avec ciseaux: & mettons la fistule dedans l'huile. Puis apres le patient bien situé en ung siege, & premieremēt fömenté, si nō que aulcune chose l'empeschast, nous mettons dedans la fistule droite iusques à la fin du membre: puis apres le membre reflexé en hault uers l'umbilic, car uers ceste partie le meat de la uescie est oblique, nous poulsions plus auant. Aussi en apres qu'il sera uenu iusques à la ptie dicte premiere aupres du fondemēt, de rechef le mēbre retourné en son habitude naturelle, ensemble avec l'instrumēt mis, car uers ce lieu de la uescie dicte interfemineum le meat tend en hault, nous

f 1 poulsions

poulsions la fistule, iusques à ce, qu'elle soit repceue dedàs le grand espace uuide de la uescie. Après cecy nous tirons le fillet, qui est dedans la fistule, affin, que ensemble l'urine aussi attirée avec la laine s'ensuiue tout ainsi qu'il a accoustumé d'estre faict aux instruments dictz syphones (lesquelz sont tuiaulx d'une trompe.) Et ainsi est la maniere de mettre la fistule. Mais pource, que souuentefois il aduient, qu'il fault lauer la uescie ulcerée, nous userōs à cecy de clisteres auriculaires mis en la maniere, qui s'ensuit, mais, que l'infusion puisse estre mise avec ceulx icy en la uescie: & si nō avec cuir delié, ou uescie de bœuf adaptée à la fistule: & par icelle l'infusion sera faicte pour faire le dict lauement.

Des calculs.

Chapitre. LX.

Comme ainsi soit, que en aultre part i'aye parlé de la generation des calculs, & demōstré, yceulx aux enfans n'aistre en la uescie: & aux plus eagès aux reins, le lieu requiert, que nous baillions la maniere de les inciser. Ce que nous ferons, apres auoir exposé les signes, par lesquelz nous pourrōs congnoistre les calculs estre en la uescie. Quand ilz pissent, sortēt excremētz aqueux, lesquelz ont ypostase areneuse: & sont molestes par ung frequent prurit du mēbre: dont aussi le dict mēbre est relaxé: sans raison, & maniere maintenant se eslicue. car il a accoustumé d'estre irrité: principalement ont accoustume de le

de le froter souuent. Aussi soudainement la retention de l'urine est faicte, quand par auanture le calcule tombe au col de la uescie. Les enfans sont ydoines à l'excision, iusques à l'age de quatorze ans. Certes ceulx icy plus facilement pour la moleste du corps deuient uieulx. Mais les uieulx par le contraire sont ineptes au corps, desquelz les ulceres à peine iamais sont reduictes à santé. Mais l'eage moyen est entre iceulx moyennemēt iugée. Aussi ceulx, qui ont grands calculs, plus facilement pource sont curés, car ilz sont accoustumés à tolerer inflātions: mais ceulx, qui trauaillent par petitx calculs, plus difficilement, pour causes contraires. Et tout cecy ainsi estre, quand nous uiendrons à l'œuure du scalpelle, nous donnerons premierement ordre, que agitation soit faicte ou par le ministre, ou du malade mesmes, saillant de quelcque lieu asses hault, affin, que le calcule soit getté au col de la uescie. Puis apres lh'omme colloqué en la figure, en laquelle lh'omme a de coustume de seoir droict, avec ses mains mises soubz les cuisses, affin que la uescie soit compellée en lieu anguste, nous toucherons le dict lieu. Et si le calcule en atouchant le dict lieu occurre en l'espace dict inter-femineum, c'est adire en ceste espace, qui est entre les cuisses (appelées femina en latin) depuis les testicules iusques au fondement, & la par concussion mis tout incontinent nous uiendrons à l'incision. Et si la n'estoit point senti, le doyd de la main senestre appelé index, s'il estoit enfant, & s'il estoit par cas plus eagé, celluy du milieu oingt avec huile premierement mettrons dedans le fondement, & avec les reflectis nous le chercherons.

Et apres qu'il sera trouué, petit à petit le conduirez iusques au col de la uescie: & la inclus, & contrainct doit estre gecté à la partie exterieure. Puis apres fault commander à deux ministres, à l'ung, qu'il comprime avec les mains la uescie: & l'autre, qu'il tire avec la dextre les testicules en hault, & avec la fenestre qu'il estende le lieu dict interfemineum uers l'autre partie d'ycelle: en laquelle la section doit estre faicte. Et cecy faict, avec serrement propre à l'extraction des calculs, lequel on appelle lithotomum, nous couperons la partie dict interfemineum entre le fondement, & les testicules, non pas au milieu, mais uers la fesse fenestre par ligne oblique contre le dict calcul: en ceste maniere que la plaie par dehors soit plus large, par dedans ne soit point plus large que le calcul, lequel puisse facilement sortir par icelle. Aulcunes fois il est faict, que par compression de doidx, ou du doid dedans le fondement, tout incontinent qu'il est couppe, sans iniection d'aucun instrument asses commodément le calcul uienne à sortir. Laquelle chose si elle n'aduiant, il le fault tirer avec instrument dict uncus, à ceste cause faict, lequel les Grecz de l'extraction des calculs appellent lithulus. Apres l'extraction du calcul la fluxion du sang doit estre sistée avec medicamentz arides sistantz le sang, lesquelz seront faicts de manne, encens, aloes, solidago, ou aussi mysi, & autres semblables: puis apres il fault mettre sur l'ulcere de laime, ou ung linge double trempé en uin, auquel soit meslée huile: & en apres fault user des ligatures calculaires, c'est à dire sexicrures. Et s'il y a crainte de profusion de sang,

nous mettrons par dessus ung linteole double, trempé en posca, ou huyle rosat, auquel soit meslée eue: & en apres le malade recliné il fault madesier. Et le troysiesme iour apres desliant la plaie, oingdrös d'eue meslée avec huyle: puis apres applicquerons tetrapharmakon repceu avec charpies, frequemment desliant la plaie pour l'acrimonie de l'urine. Et si aultune inflammation suruenoit, nous userons de cathaplasmes, & fomentations accommodées à ce, & mettrons par dedans la uescie huyle rosat, ou chamemelin, ou beurre, sinon, que aucune inflammation empeschast. Semblablement si aucun ulcere serpent, ou en aucune aulre maniere maligne, nous accommoderons à yceulx medicaments conuenables. S'il n'y auoit point d'inflammation, nous baignerons premierement l'ablution faicte emplastre de sucz appellée diachilon sur les lambes, & sur l'inférieure partie de l'abdomen: obseruant ceste chose par tout le temps de la curation, que aussi les cuisses soient tenues liées, affin, que les remedes puissent reposer. Car aultrement leur operation est nulle, & se trouue sans efficace. Mais si la pierre estoit petite, & qu'elle tombe dedans le chemin de l'urine, & qu'elle ne se puisse point gecter hors en urinant, il fault ainsi proceder. Il fault fort attirer l'extremité du cuir du prepuce, de sorte, qu'il couure le gland, & la il le fault lier: puis apres aussi aupres du penil à la fin de la uescie avec ung petit lien, il fault lier le membre: & aussi il fault couper de l'inférieure partie contre ledict calcul, & aussi le ployer: & ainsi le calcul doit estre mis dehors. Puis apres le lien deslié, il fault

dehors de la plaie tout le sang coagulé. Certes le lien a esté mis à la partie inferieure du penil, affin que le calcul ne retourne au dedans. Et à la partie superieure, affin que apres l'exemption du calcul, le cuir remis uienne à couvrir le membre couppe apres la solution faicte.

Des parties, qui sont à l'entour des testicules.

Chapitre. L X I I.

Comme ainsi soit, que les diffinitions des parties, qui sont à l'entour des testicules, conuiennent à la doctrine des medecins herniaires, elles tout premiere-
ment à present par nous doibuent estre proposées. Doncques testicule est substance glanduleuse, & fragile, laquelle faict à la uertu genitale de la semence. Les parties assistentes, lesquelles sont dictes suspendicula, sont nervez produictz de la membrane de la spine medule; lesquels paruiennent iusques aux testicules avec ueines arterielles, par lesquelles la semence est enuoyée dedans le membre. Les uaisseaulx seminaires sont ueines, lesquelles sont portées dedans les testicules de la ueine caue, par reflexion sinueuse, ausquelz aussi testicules elles baillent aliment. Erytroides est tunique de sa nature nerueuse, laquelle se adioinct au testicule uers la partie gibbeuse anterieure absolue de la concaue posterieure, ayant naissance de la membrane de l'abdomen: & appellent celle partie, qui adhere au testicule, inherence posterieure. Darté sont membranes

membranes agglutinantes la peau extérieure à la tunique dictée erytroides, & à icelle inherantes vers icelle partie, vers laquelle la tunique est annexée aux testicules à la partie postérieure. Mais ceste extérieure laxa, & rugueuse peau, laquelle est tout à l'entour des testicules mise, il l'appellent *scrotum*.

De hernie aqueuse.

Chapitre. LXII.

AUcune humeur ocieuse, & hebetée, laquelle est amassée en ces parties, qui sont cōioinctes au *scrotum*, faisant tumeur evidente au sentiment, est appelée hernie aqueuse, par les Grecs *hydrocele*. Bien souvent ceste humeur est cōtraimctée à l'entour du testicule dedans ceste tunique dictée erytroides, en ceste partie, en laquelle est séparée du testicule: bien peu souvent hors de la dictée tunique: aussi bien souvent est contenue en la propre membrane. Laquelle chose quand elle est faicte, les chirurgiens ont accoustumé l'appeller *hernia* en la tunique, qui est engendrée dessus. Doncques si par cause precedente (par exēple) ce vice soit par infirmité de ceste partie, le sang, qui est porté là à raison d'alimēt, est changé en substance aqueuse, ou sereuse, & ocieuse: si par percussion il est cōtenu matiere cruenta, ou fēculente. Les communs signes sont ceulx yci: la tumeur est sans douleur, laquelle demeure dedās le *scrotum*, & par nul cas quelcōques qu'il soit, ne se cache point (ou ne se perd point) mais quand elle est pressée, elle obeist, si peu d'humeur est contenue,

car s'il y en a beaucoup, elle ne obeist point. A scauoir si elle est en la erytroide, par cecy peult estre congneu, que la tumeur est ronde, mais bien peu oblongue en figure d'oeuf: & le testicule en ceste partie totalement est caché, ainsi comme il est tout à l'entour circundé. Et si elle estoit hors de la erytroide soubz les membranules appelées darté, elle est sentie estre contenue bien pres. Et si l'humeur estoit en la tunique supergenite, pource qu'elle est de toutes parts compacte, & est tumeur conglobée, elle baille figure d'ung aultre testicule. Et si la matiere est aqueuse, elle est d'une couleur. Et si elle est feculente, elle apparoist par la tunique rouge, ou liuide, car il fault scauoir yceulx auoir deux hernies dictz bihernij, ausquelz en toutes les deux parties du scrotum ces signes sont. La curation, c'est à scauoir celle, qui requiert le scapelle, est telle: le penil rasé, & aussi le scrotum, sinon qu'il soit enfant, le patient doibt estre mis en une chaire à la renuerse ung orillier mis soubz les fesses, & une grande esponge au scrote: en apres le medecin doibt se asseoir à la senestre partie, & commander au ministre se asseoir à la dextre, affin que le membre renuersé en l'aultre partie, il estende la peau en hault uers l'abdomen. Cecy faict, luy auec le scalpelle par incision droicte couppera le scrotum, en l'ogitude comencant à la partie moyenne iusques au pres du penil, laquelle incision soit distâte esgalement de la ligne du scrotum, & aussi descendra iusques à la erytroide. Et si l'humeur est en la supergenite tunique, le scalpelle sera mis en ceste partie, en laquelle la sommite de la tunique supergenite se monstrera: & la

plaie

plaie faicte les labies doibuent estre ouuertes avec crochets, & menées d'ung costé, & d'autre avec specille herniere, ou scalpelle: la erytroide doibt estre desnée des tuniques appellées darté, & avec le phebothome doibt estre diuisée par le milieu principalement en ceste partie, en laquelle elle est separée du testicule: & ainsi l'humeur mise dehors dedās ung petit uaisseau par tout, ou de la plus grande partie, avec crochets erytroides c'est adire sa partie la plus tenue doibt estre tirée. Puis apres Antylus use de sutures, & curation ainsi qu'aux plaies recentes: mais les modernes ont accoustumé de appliquer emplastres incarnatifz. Mais certainement si le testicule est trouué affecté de putrefaction, ou aulcun aultre uice, le nerf doibt estre couppé premierement, les uenues premierement liées, qui sont annexées au suspendicule, c'est adire au nerf dict en grec cremasteris: & apres le testicule doibt estre couppé. Semblablement (comme par dessus) aux bihernies. Mais le fault faire deux foyes de l'une, & de l'autre partie iouxte les inguines la bourse des testicules premierement incisée. Et ces choses ainsi constituées, nous appareillerons la dicte bourse le chef du specille mis en bas pour inciser, & là nous incisons ung peu avec la pointe du scalpelle, affin que soit donnée issue au sang concret, & au pus. Apres avec le mesme bout du specille par icelluy petit pertuis dedans la plaie iusques au superieur ploy gectrons dedās de charpies, c'est adire lenniscus en l'ogitude: puis apres les plaies deterfes par dehors avec espōge, laine trempée en huille doibt estre mise au dehors par la plaie iusques au testicule: &

le: & une aultre aussi trempée en uin, au quel soit meslée huille, par dehors sera mise à la bourse, & à l'abdomen, & aux lumbes, inguines, & perineum, dict inter femineum: apres il fault estendre ung drappeau en trois doubles, & avec ligatures dictes sexicrures, & user d'autres ligatures cōmodēs. Puis apres l'homme recliné nous mettons de laine soubz la bourse affin qu'il repose, & estendons alute molle pour recepuoir l'inspersion des fomentations. Certes nous fomentons iusques au troisieme iour d'huille chaulde: & apres le troisieme iour deslions, & mettons dedans la plaie charpies imbeues de tetrapharmacon, & changeons les charpies par fleur de fourment, & par dehors mouillons pour inflammations: puis mettrons medicaments par dessus pour garder les charpies l'ulcere mondifiée, & la chair aucunement induite: puis apres le malade doit estre lauē. Apres les charpies doibuent estre extraictes, & le demourant de la curation doit estre fait comme a este dict par dessus. Et si inflammation, ou profusion de sang, ou aucun tel mal suruenoit, à ung chascun par propres remedes debbons secourir, affin que ie ne soye point contrainct si souuent repeter une mesme chose. D'auantage si nous ayons mieulx en ce uice icy l'adustion (ce qui plaist aux plus recēts) toutes les choses neantmoins qu'elles sont dictes, ou deuant, ou apres l'operation manuelle excepté seulement la section, qui a este faite par fer, & celle petite incisiō faite au bas au dessoubz à l'exit du pus: aussi seront faites cestes adustions avec dix, ou douze ferremēts ardants en figure de lettre grecque dictē gamma, γ, & aussi

Et aussi avec deux cousteaulx, tout premierement nous bruslons la bourse au milieu avec les ferrements susdictz. Puis apres les petites membranes estendues avec spicille, ou crochet recurué, coupons les parties resolues avec cultelaire ardent. Apres la tunique dict'e erytroides desnuée, laquelle facilement est congneue par sa blancheur, et solidité, et bruslée avec le grand ferrement de figure telle, y mettons hors l'humeur: et tout ce, qui est absolu d'icelle avec crochetz esleué coupons avec ung aultre cultelaire ardent.

De l'espece de hernie dict'e
ramex carnosus,
& tofaceus.

Chapitre. LXIII.

LA chair en aulcune partie concroist, et s'engendre aulcunesfoys entre les tuniques de la bourse, et faict ce vice, lequel on appelle sarcocèle. Ceste est faicte d'aulcune cause obscure, ou que le testicule a enduré fluxion, ou est endurci. Aulcunesfoys par percussion, ou par negligente curation apres la section de la hernie. Et à ceulx icy, qui sont de ceste sorte, la tumeur est d'une couleur, ensemble avec dureté: et à celles, qui sont faictes par induration, elles sont sans couleur, et sans sentiment: mais douleurs pungentes ensuiuent les malignes. En la curation nous situerōs l'homme, en la maniere, que par dessus est dict, et ferons incision.

Mais

Mais si à l'entour du testicule la chair est creue, toutes les deux tuniques celles appellées darté, & erytroides doibuent estre couppees. Puis apres le testicule doibt estre attiré, & doibt estre receu par la tunique erytroides: en apres les ueines separées du nerf doibuent estre liées, & celuy nerf, duquel le testicule depend, doibt estre couppe: en apres le testicule comme aliene, & estrange, doibt estre mis hors. Mais si ceste concretion estoit en aulcune tunique, ou uaisseau, les membranes subiectes couppees, tout ce, qui est occupé de l'excroissance de la chair, doibt estre couppe. Et si la posterieure partie, par laquelle la tunique erytroides se adioinct au testicule, endureit ce vice, toutes les parties, qui tout à l'entour sont, couppees, aussi nous extrairons ce testicule: certes nullement ne peult estre fait, que le testicule demeure sans telle conionction. Mais les pierres dictes Tofi, ou à l'entour du testicule, ou dedans la erytroides ont accoustumé de croistre: lesquelles sont discernées de la hernie charneuse, ou aqueuse, par grande dreté, & asperité. Et aussi par inequalité. A' celles icy semblable curation est baillée, que à sarcocèle.

De hernie uariqueuse, & spiritueuse.

Chapitre.

LXIIII.

Certes quand les ueines de la bourse, ou des membranes dictes darté se enflent absolument, on a accoustumé

coustumé les appeller uarices. Et si à celles, qui baillent aliment aux testicules, cecy aduenoit, on l'appelle hernie uariqueuse. Les signes de ceste yci sont manifestes: la tumeur ung peu moindre, aucunement oblique, compacte en facon de raisin: aussi euidente relaxation de testicule apparoiſt. D'auantaige aultres empeschemens des fonctions sont congneuz principalement en courant, & aultres exercitations, & en chemin. La curation, qui est baillée manuellement, est telle. Apres, que l'homme sera colloqué en figure ydoime, la bourse prise nous poulsos le nerf à la partie inférieure, duquel le testicule descend: lequel certes par cecy sera facillemēt compris, car ainsi qu'il est fort, & puissant, & il est sentu plus gresle, & plus solide, & plus renitent, & apporte plus grande douleur, s'il est comprimé: d'auantaige il est constitué pres de la uerge: lequel deprimé bien fort avec les doigz nostres, & de nostre ministre estendons les ueines en la bourse ca, & là apprehendées. Apres nous coupons la peau contre ses ueines legieremēt avec la poimēte du scalpelle, souefuement menée: apres avec crochet mis prenons les parties subiectes les diuisant du cuir, & les ueines desnüées, tout ainsi, que nous auōs dict en l'exemption des ueines, & dilatations, nous passerōs une esguille enfilée de double fillet de lin, & les serrons avec laqs en deux lieux, le noud du fillet couppé, & en la partie la ou cōmence la uarication, & là ou elle finist: toutesfoys l'incision premieremēt faicte en longitude, & le sang mis dehors: puis apres nous curons avec medicamēts, qui engendrent pus, iusques à ce, que les liens ensemble avec les

ueines tombent. Leonides commande d'estre fait en ceste sorte, quand aucunes ueines de celles, qui nourriſſent le teſticule, ſont uariquées: car ſi toutes ſont ainſi affectes, le teſticule auſſi enſemble avec elle doit eſtre arraché, afin qu'il ne ſe ſeiche point par ſon aliment perdu. Mais de la hernie ſpiritueuſe, laquelle on appelle pneumatocelē, ueu qu'elle eſt d'eſpece de dilatatiō, iceluy meſmes Leonides eſt d'opinion, que operation manuelle ne ſoit point faiſte pour le grand peril, & ſubit de grande profuſion de ſang: mais les plus recents, ueu qu'il y a double naiſſance de ce uice, & aultremēt de ces quatre vaiſſeaulx, qui baillent nourriſſement au teſticule, la hernie eſt faiſte, aultrement de celles arteres, qui ſont aux tuniques darts, & à la bourse, ce dernier icy comme maladie deſeſperée la laiſſent comme incurable, & curent la premiere. Certainement elles ſont diſcernées en ceste maniere: car celle, qui eſt faiſte des arteres, ſe euanouiſt par compreſſion de doigz: & celle, qui eſt faiſte de ueines, qui nourriſſent le teſticule, elle totalement n'a point occultation aucune, ou bien petite. Semblable curation eſt baillée à ceulx icy, que à ceulx, qui ont la hernie uariquée: toutes les ueines priſes, & liées,

De hernie inteſtinale.

Chapitre.

LXV.

Hernie d'intestin, eſt cheute d'intestin dedans la bourse: laquelle eſt faiſte ou par rupture de la membrane

brane de l'abdome pres des hypocondres, ou par laxation: & ceste l'une, & l'autre ruption, & laxation uien-
 nent par aulcune uiolence precedente: ainsi comme par
 coup, sault, ou clameur. Mais laxation priuement par re-
 solution, ou aultre imbecillite de corps a accoustumé de
 uenir. Les signes à l'ung, & à l'autre communs sont ceulx
 icy: tumeur euidente est en la bourse, laquelle en exerci-
 tations, ou eschauffement, par retention d'esprit, ou au-
 tres semblables accidets est faicte plus grande: & quand
 elle est comprimée avec les doigz, elle se eslongne tar-
 dement, mais de rechef bien tost retombe. D'auantaige
 l'intestin en la figuration supine du corps en hault à
 yceulx en son siege demeure. Et quand il seront droitz,
 il tombe dedans la bourse, de sorte, que bien souuent
 la matiere fecalle incluse dedans la bourse apporte grand
 dangier: certes il infeste par grande douleur, & faict
 son, & routs à la compression des doig. Et certaine-
 ment ceulx icy sont signes communs: mais à present les
 signes de chascune particulierement s'ensuiuront. En
 celle, qui uient par laxation de membrane, l'intestin
 tombe, non pas du tout soubdainement, mais peu à peu
 en partie: aulcunesfoys d'une chascune cause: & la tu-
 meur est esgalle, & apparoiſt en lieu plus occulte: c'est à
 scauoir quand l'intestin, qui est cheut, soit tenu cōtrainct
 par la mēbrane. Mais celle, qui uiēt par rupture, & soub-
 dain du cōmencement, & tant seullemēt est faicte des cau-
 ses certaines, porte grande tumeur, & inegalle: laquelle
 tout soubdain est sentie soubz le cuir, pource que l'intē-
 stin a rompu la membrane. Toutesfoys si la membra-

ne rompue, l'omentum tomboit dedans la bourse, elle est appellée epiplocele, c'est à dire hernie de omentum. Mais si les intestins ont suyui tout ensemble le oment, elle est appellée enteropiplocele, c'est à dire hernie d'intestin, & de oment. Mais si aussi avec ceulx yci eue estoit contenue en la tunique appellée erytroides, elle aura appellation composée de trois noms, dictée hydrenteropiplocele, c'est à dire d'eue d'intestin, de l'omentum est hernie nommée. D'avantage ne aussi à ces hernies composées, ne à la simple, la main doit estre applicquée, si elle est faicte de rupture: mais celle tant seulement, laquelle est faicte de laxation, doit estre curée en ceste maniere. L'homme aptement renuersé, le cuir de l'inguine esleué par nous, & le ministre, le ouurons par incision transuersale, comme a este dict à l'exemption des ueines: iacoit qu'il y en ayt d'autres, qui usent de sectiō droite, & non point transuersale: puis apres un crochet appliqué nous ouurons la plaie en telle latitude, par laquelle le testicule attiré puisse commodement estre mis hors: en apres de rechef, aultant de crochets fixés, ou mis au parfond du cuir, que la largeur de la plaie le requerra, attirons les membranules, & la gresse, avec crochet recurue, ou specille, & coupons avec le scalpelle: & la membrane de l'abdome tout à l'entour deliurée, & expedée, nous mettrons le doigt dict index dedans une partie de la bourse entre ceste membrane, & les tuniques: & en apres deliurons ceste posterieure inherence. Apres cecy avec la main dextre le bout d'icelle doublé, avec la fenestre nous attirons la membrane de l'abdome à icelle plaie: & le

Et le testicule ensemble avec la tunique erytroide tirer, le
 baillons au ministre à esleuer . Et lors totalement celle
 inherence posterieure absolue, nous considerons en la
 touchât avec les doigdz, ascauoir si aucune anfractuosi-
 te de l'intestin est contenue en erytroide : laquelle si elle
 est trouuee, pars dehors la poulsons dedans le uentre.
 Et tout cecy ainsi constitué une esguille prise grande,
 laquelle aye double fillet dix foys tors la mettons au mi-
 lieu de l'extremite de la membrane de l'abdomen, laquelle
 est pres de la plaie: Et le bout couppé, en maniere qu'il y
 aye quatre chefs de fillet, de l'une, Et l'autre partie nous
 ferons la membrane bien fort, yceulx boutz entre soy-
 mesmes cōioincts d'un cousté, Et d'autre decussatim,
 c'est à dire en figure telle, X : Et de rechef repetons la
 constriction ces mesmes boutz circonuolus par doubles
 noudz, de sorte, que aucune ueine ne puisse point
 bailler aliment à celle partie, à cause, que si cela estoit
 faict, que aucune inflammation n'y suruienne . En apres
 nous mettons ung second lien distant du premier moins
 d'interuale de deux doigz: Et celle partie, qui est laissée
 à la membrane sans liens, à la grandeur d'ung doig, la
 coupons ensemble, avec elle aussi le testicule couppé.
 Finablement la bourse ung peu au dessus couppée, affin
 que la sanie puisse sortir, nous insererons de charpies:
 Et puis par dessus de laine trempée en huile mise nous
 ferons les ligatures tout ainsi, que la hernie aqueuse:
 Et toutes les autres choses, comme a esté dict là, ainsi
 les ferons . Mais l'ay congneu aucuns chirurgiens cer-
 tes non indoctes, lesquelz apres l'incision de erytroide,

par crainte de'ffusion de sang, comme il est aulcunes
foys ueu aduenir, ilz brusloyent le bout d'icelle avec fer-
rements ardants: & yceulx mesmes apres l'œuure du
scalpelle mettoient le malade tout incontinent dedans
une chaire de bois longue faicte en maniere de coffre,
& y laissoient d'eau chaude par dedans l'espace de
sept iours: & principalement es enfans, ausquelz on
commandoit d'user cinq foys de ce baing icy en chascun
iour: & la chose leur succedoit merueilleusement bien,
d'autant qu'il n'estoient point infestés d'aucune in-
flammation, & les liens bien tout ensemble avec les par-
ties serrés tomboient: neantmoins par ce temps la, qui
estoit entre les ablutions, ilz usoient des asportions, &
fomentations dessusdictes. Adiouste aussi d'auantage,
que aucun aultre oultre tout cecy par ce temps il auoit
de coustume de frotter l'espine du dos avec poyure broié
en huille.

De hernie de l'inguine.

Chapitre.

LXVI.

LA hernie de l'inguine a accoustumé de preceder la
cheute de l'intestin, laquelle est faicte par laxa-
tion: car quand la membrane de l'abdomen commence à
s'estendre, premierement l'intestin laxé tombe dedans
l'inguine, & là il faict hernie d'inguine: à la quelle les
anciens baillēt avec le scalpelle telle curation. Puis apres
qu'ilz auoiēt ouuert l'inguine en ceste partie, en laquelle
est la

est la tumeur, avec incision transuersale longue de trois
doigz, & auoient mis hors les petites membranes, & la
grosse, il comprimoient avec le bout du specille la mem-
brane de l'abdomen desnuee en ceste partie, là ou est esle-
uée la tumeur: certainement ainsi estoit faict, que les in-
testins fussent repellés en hault: & les deux parties de la
membrane, lesquelles estoient esleuées d'ung costé, &
d'autre du specille, il les cōioingnoient entre soy par su-
tures: apres le specille extraict, ilz curoient par medi-
caments applicqués aux plaies cruentes sans auoir coup-
pé aucune membrane, ou osté aucun testicule, ne aucu-
ne autre chose faicte. D'auātaige uen, que adustion pour
les plus recents en ces manieres de uices a accoustumé
estre preferée, aussi icelle baillerons. Il fault donc faire,
que le malade ung peu fort uienne à tousir apres auoir
cheminé modérément, & par retentiō d'esprit soit estē-
due. Et apres, que la tumeur apparoiſtra à l'inguine,
nous marquerons le lieu, qui doit estre bruslé, avec en-
cre d'escriptoire, ou collyre en figure triāgulaire, au des-
sus iouxte la situation de l'inguine constituant une ligne
transuersale: & au milieu du triangle marquez ung
point: puis apres l'homme recliné nous applicquerons
ferrements ardants: premieremēt au point du milieu fer
de figure d'ung clou: en apres aux costés de ferrements
de figure de, γ, lettre grecque: finalement avec de simili-
tude de lentille, ou latercule nous applanirons tout la figu-
re triāgulaire: le ministre abstergeāt avec drappeau la sa-
nie en tout le tēps de l'adustiō: & ce doit estre faict aul-
tāt, iusques à ce, que nous descēdiōs à si grāde pfondité;

que la gresse soit attaincte au corps de moyenne habitude. Car ne à ceulx, qui totalement n'ont point de gresse, serrement punctual ne doibt point estre imprimé au point du milieu, à cause de la grande extenuation, affin que par aduanture ne bruslions point la membrane interieure imprudemment : ne aussi à gens trop gras, ou repletz, ausquelz aussi parauant, que on aye asses bruslé, la gresse sort. En laquelle chose, affin que trouuions mediocre habitude, il est de besoing d'aucune coniecture artificielle. Apres l'adustion ilz appliquent ung porreau pillé avec sel sus l'escarre: apres usét de ligatures in guimalles, c'est à dire de figure de telle lettre, X. Aux iours suyuantz ilz poursuyuent la curation avec medicaments resoluantz l'escarre, comme sont yci faictz de lentilles, & miel, & aultres semblables.

De laxation de bourse, laquelle ont appelle rhacofin.

Chapitre.

LXVII.

Q Vand le cuir de la bourse est laxé, les parties interieures demourant en leur siege, rhacofis aduiuent, certainement uice fort indecent. Lequel Leonides curoit ainsi : l'homme renuersé contre quelque table, ou sur aucun cuir dur, la peau superflue avec scalpelle coupée, faisoit sutures. Mais Antyllus premierement trois, ou quatre sutures faictes, puis apres la couppoit avec ciseaux pointus, ou scalpelle par dessus ses sutures. laquelle

Laquelle chose apres qu'il auoit, faicte, il medicinoit par medicamentz conglutimatifs.

De la maniere de chastrer.

Chapitre.

LXVIII.

Comme ainsi soit que le scope, & la fin de cestuy nostre art soit de restituer les corps de l'affection contrenature en la naturelle, la raison de chastrer est ueue auoir une contraire profession. Mais pource que bien souuēt aduiēt, que nous sōmes cōtrainctz sans nostre uoloir de chastrer les hōmes par causes aucunes plus puissātes, & grandes, la maniere de ceste chose il la fault dire le plutost qu'il sera possible. La raison de chastrer est double: l'une par collision: l'autre par excision. Par collision il est faict en ceste sorte: nous situons les enfans, qui sont encores d'ung an, ou deux en ung uaisseau plein de eau chaude, en sorte qu'il puissent arrester la dedans. Puis apres, que les parties remollies par eau seront laxées, nous les comprimons, & ensemble les pressons avec les doids iusques à ce, que disipées elles euanouissent, & ne uiennent poinct à estre senties par attouchement. Mais l'exemption est administrée en ceste maniere: nous mettons l'homme sur ung siege à la renuerse, puis apres extendons la bourse comprimée ensemble avec les testicules avec les doidz de la main senestre, & couppons la dicte bourse avec scalpelle en droict par deux lignes à chascun testicule. Apres que les testicules apparoistrōt hors, nous

les separons diligemment des aultres parties, & les deduisons, & couppons delaisant la seule, & tenue continue naturelle des uaisseaulx. Ceste maniere derniere en cecy est meilleure, que la collisiō: car ceulx, qui ont enduré collision à cause que aucune partie des testicules (comme est uray semblable) se occulte en la collidant, ou frontant, elle demoure: parquoy ilz ne laissent point d'appeter luxure.

Des hermaphrodites, c'est adire ayantz l'ung, & l'autre sexe,

Chapitre.

LXXIX.

LE uice des hermaphrodites a prins le nom composé *Lex herme*, & *aphrodite*, c'est adire de mercure, & *uenus*: & est fort indecent à l'ung, & à l'autre sexe. Car comme ainsi soit, que selon l'opinion de Leonides, il y aye quatre differences, de celuy, trois sont aux masles: & une aux femelles. Certainemēt aux masles aucunesfoys soubz la bourse au lieu dict *interfemineum*, aucunesfoys au milieu de la bourse la forme de la uulue environnée, & couverte de poil est ueue. Aucunesfoys aussi en la mesmes bourse aucune petite fente quasi en figure de sexe féminin apparoist, par laquelle l'urine distille. Mais aux femmes au dessus du sexe au penil biē souuēt est trouuée espèce de membre uiril: laquelle est constituée de trois parties eminentes, l'une comme membre uiril, les aultres deux aux
deux

deux parties comme testicules. Celle tierce espee, qui aduient aux masles, par laquelle l'urine par la bourse sort par gouttes, est insanable: les aultres trois permettēt curation. Certainement les parties superflues comppees, en la sorte, que les aultres ulceres ont accoustumē, seront curées.

De l'incision de la nymphe, & de queue.

Chapitre.

LXX.

Aulcunes la nymphe croist si fort, qu'elle est fort indecente: & tout ainsi, que aucuns disent auoir ueu, il y a aucunes femmes, qui aucunes fois ont accoustumē de esleuer ceste particule ainsi comme les hommes, & sont incitées à l'uxure. Parquoy la femme située à la renuerse, la nymphe doit estre prinse avec pincettes, & couppee avec scalpelle: mais il fault euitier, que nous ne couppions poinct trop hault à cause que ne s'ensuiue une affection dictē rhyadica, c'est adire conduict par lequel l'humeur continuellement efflue. Mais caudation, laquelle est une petite chair, qui naist à l'orifice de la uulue, & remplit tout le sexe feminin, & croist aucunes fois si fort, que dehors est emimente, en figure de queue, ceste doit estre couppee ainsi que la nymphe.

Des

Des tubercules dictz thymi, &
condylomata, & aussi emor
rhoïdes, aux lieux du
sexe féminin.

Chapitre.

LXXI.

THymus est tubercule aulcunes foys rouge, aulcun
nes foys blanc : le plus souuent sans douleur, sem
blable à l'herbe dicte thymus à ses petitx corymbes, ou
grains. Mais condylomata sont extuberations rugueuses:
car tout ainsi qu'elles sont semblables aux emorrhoydes
du fondement, aussi aulcunes foys uiennent à fluir sang.
Doncques toutes ces choses apres, que on les uoirra,
& qu'elles seront desnüées prinses avec pincettes avec
la pointte d'une demie spatule sont couppées. Et cecy
faict, sont curées avec alun de roche, & galles pulue
risées: les Chirurgiens anciës, & plus scauants n'approu
uent point de les serrer avec fillet de lin.

Des parties du sexe féminin
compactes, & serrées
dictes phis
mosis.

Chapitre.

LXXII.

Aulcunesfoys les parties genitales aux femmes de leur naissance sont cōpactes: aulcunesfoys par cause qui survient, cest ascauoir quand aulcune maladie a precedé: laquelle chose aulcunesfoys profondement, & aulcunesfoys en ses labies, ou parties intercedètes: & cecy p conglutination, ou obstruction a accoustumé de uenir: mais obstruction aduient ou par chair, ou par membrane opposite. D'auantaige ce vice, ou en habitant avec l'homme, ou concepuant, ou à l'enfantement, & aussi aulcunesfoys en la purgation des menstrues porte grand empeschemēt: c'est ascauoir si la mēbrane, ou la chair uient totalement à faire obstruction: car en aulcunes ung pertuis estroict apparoiſt au milieu. Parquoy la cause inuentée, ou par raison expedice si la chose est prōpte, l'instrument mys dedans la uulue pour l'ouurir, appellé exploratoriū speculum, en grec dioptra, s'il y a conglutination, & celle par ligne droicte, avec scalpelle accommodé à l'incision des fistules la resoluons: & s'il y a obstruction par aulcune chose, qui le couure, avec ung mesmes scalpelle la diuisions, premieremēt crochets applicqués: puis apres applicquons medicamentz cicatrisans, premierement l'effusion de sang reprimée par medicamētz deseichants sans inordination, & dessus mys le priapiscū (c'est adire charpie long faict en forme de mēbre uiril, lequel parauāt sera trēpe en medicamēt cōglutinatif) & cecy est principalement faict, là ou incision n'est pas fort par fonde, à cause, que les parties de rechef ne se rassemblent. Semblablemēt la preclusion

clusion de l'orifice de la uulue, laquelle est dicté *phimus*, doit estre curée en ceste maniere.

De l'absces de la uulue.

Chapitre.

LXXIII.

Q Vant à l'entour de la uulue absces est engendré, lequel puisse tolerer œuure de main, nous ne devons pas nous haster de faire incision: mais pour la preeminence de la uulue il fault attendre iusques à ce, que la disposition d'icelle soit absolue, & l'inflammation soit du tout augmentée, & les parties humides superiacentes soient attenuées, & alors fault uenir à la Chirurgie. Doncques auât toutes choses la femme doit estre située en une chaire, en sorte que les iambes, & cuisses entre elles soient ploïées, & les tienne uers les hypocondres, & ses coudes soient adioincts au dessoubz du genoil, & avec ligatures accommodées les fault attacher pres du col. En apres le medecin assis à la partie dextre doit ouurir la uulue avec *speculum ydoine* à son eage appelé *dioptra*: toutesfoys parauant la profondeur de la cauite de la uulue doit estre mesurée avec *specille*, à cause que si la iambe dudict *dioptre* estoit trop longue, la uulue ne soit comprimée. Et si la longueur dudict *dioptre* est trouuée plus grande, que la cauite, il fault inserer double linge aux aisles, aux costés, & au dessus le dict instrument soit fermé. La iâbe du *dioptre* aye une uiz en la partie superieure, & se mette au parfond sans ouuerture: & apres soit tournée, affin,

affin que les conionctions dudict instrument soient eslargies, & la cauite de la femme soit distendue. Et si absces aduenoit, & qu'il fust mol, ou tenue, ce qui est congneu par l'atouchement des doidz, doit estre incisè pres du col avec spathe polypique, ou avec scalpelle propre à ce: puis apres le pus exprimé il fault remplir la plaie de charpies trempées en huile rosat selon la longueur de la dicte plaie, ou plustost sans compression les mettre doucement par dessus. Mais au dehors au dessous des costes, au dessus du uentre inferieur, & des lumbes mettrons laine succide, ou pure trempée en huile. Le troisieme iour apres la femme sera asise en lieu propre, & luy fomenters lesdictes parties d'eau chaude avec huile, ou decoction de malue abstergeant apres les humidités: & mettrons en la plaie charpies longues trempées avec seul tetrapharmacon, ou miel cuit: mais premiere-ment il fault tremper, ou dissouldre le tetrapharmacon avec beurre, ou huile rosat: & au dehors il fault appliquer les cataplasmes: affin que l'ulcere soit gardée d'inflammation, & se absterge. Mais si il se purge avec difficulte: avec clistere auriculaire, fault mettre dedans decoction yridis, ou aristolochie, ou de miel pour le absterger, & lauer. Finalement il fault faire cicatrice avec emplastres composés de cadmia dissolu en uin (& les charpies trempées en iceluy seront appliquées pour cicatrifer.) Mais si dedans l'orifice de la uulue absces y estoit, on doit euer l'operation manuelle.

De l'extraction, & incision des enfants morts au uentre de la mere.

Chapitre.

LXXIIII.

Nous auons baillé en nostre troisieme liure la curati-
on de celles, qui ont difficulte de enfanter. Par
quoy si la chose ne succede en ceste maniere (c'est adire,
que par medicamentz l'enfant ne puisse sortir) il fault ius-
tement uenir à l'ayde faicte par mains: premierement l'af-
fection de la femme notée, & entendue, à scauoir mon si el-
le est en fiebure, ou non: car si la sante est esperée, nous
debuons uenir à l'operation: & si ne pretendions point
restitution, la chirurgie doit estre delaissee. Les signes
de celles, qui en doibuent mourir, sont ceulx icy: elles tom-
bent en ung long sommeil, & profond, & sont resolues,
& à grande difficulte elles sont esueillées. Et si elles uien-
nent à esleuer les yeulx, à l'occasion du grand bruit, que
on leur faict, derechef, apres auoir imbecillement respon-
du, se rendorment. Aussi à aucunes aduient conuulsion,
& contraction de nerfs: aultres ne sentent point l'ali-
ment, & à celles icy certainement le poulx est fort esle-
ué, toutesfoys il est obscur, & debile. Mais à icelles, qui
n'ont point de ces signes, esperance de sante est preferée,
& à telles curatiō doit estre baillée. Doucques la femme
doibt estre couchée sur ung liēt à la reuerse: de sorte que
la teste soit plus basse, & les iambes plus haultes, & soit
tenue

tenue d'ung costé, & d'aultre par femmes, ou ministres. Et s'il n'y auoit poinct de ministres, ou femmes, elle doibt estre liée sur le liét avec liens applicqués à la poitrine, affin que le demourant du corps ne soit poinct debilité, & retenu à l'extraction du fetus. Puis apres le medecin doibt mettre la main oingte les doidz serrés dedans l'orifice de la uulue premierement la separation faicte des labies de la uulue par le ministre, & la main mise par dedans, la doibt ouurir: aussi auant, que la mettre, oingdra le dict orifice d'huyle, & la main mise dedans il doibt chercher, & ueoir, cōment l'instrument dict uncus doibt estre mis dedans. Les lieux ydoines pour appliquer le dict instrument, en yceulx, qui sont applicqués à la teste, sont les yeulx, occipitium, l'oz du palastre, le menton, & les iūgules, aussi les lieux des costes, & de l'ypochondre: mais en yceulx, qui sortēt les pieds les premiers nous deb- uons prendre l'oz pubis, ou les oz intercostaulx, & aussi les iūgules. Et apres, que le medecin aura consideré les- dicts lieux, il tiendra le dict instrument avec la main dex- tre, de sorte que petit à petit il mettra dedans la sommité retorſe cachée entre les doidz de la main senestre. Puis apres à aucun des lieux susdictz il fichera le dict instru- ment, iusques à ce que la pointte soit sentie en lieu uuide: apres il en mettra ung aultre de la ptie, affin qu'il ne soit plus tiré de l'aultre costé: magis esgallément. Et tout cecy ainsi faict il doibt attirer esgallēmēt, & nō tant seulemēt en droict, mais aussi uers les costes: tout ainsi qu'on faict à l'extractiō des dētz, & en faisant l'operatiō on ne doibt delaisser aucune chose de son intention: puis apres avec

le doïd dict index bien oingt, ou plusieurs aultres doïd^x mys dedās entre l'oz de la uulue, & le corps de ceste partie, qui est estroïcte, & applicqués en rotondite, doibt amener le dict corps, & le separer des aultres parties. Mais pour raison de l'extraction le dict instrument uncu se abaisse (ainsi que le corps) en apres le dict instrument doibt estre transferé, & mis aux parties superieures, iusques à ce, que le dict corps parfaictement soit tiré. Et si la main de l'enfant mise derriere ne pouuoit estre extraicte pour la stricture du lieu, elle doibt estre aucunement tirée avec ung pānicule, ou drappeau, mys à l'entour, affin qu'il ne uienne à retomber: & apres qu'elle sera tombée, il la fault toute couper iusques à l'espaule. Semblablement fault faire, si toutes deux sortent dehors. Semblablement aussi si les iambes pendentes sortoient ne suiuant poinct le demeurant du corps, doib^t estre incisées pres des inguines: & apres fault donner œuure, que le demeurant du corps soit extraict dehors. Mais si trop grande teste faict estroïsseur du lieu, il est faict en ceste maniere. Et si l'enfant estoit hydrocephalus, nous couppons sa caluaire, affin que par inanitiō d'humeur sa teste soit extenuée avec ung instrument dict spatha polypica, ou aultre dict catiades, ou avec cousteau poinctu caché entre les doïd^x. Mais si la teste estoit naturellement si grosse, certainement nous ouurons la caluaire: puis apres avec ci seaulx accōmodés ou aux dēts, ou aux oz nous couppōs. Et si aucuns oz aussi apparoiſſent dehors: nous les couppons. Mais si apres la teste tirée le thorax enflé empeſchoit, les parties, qui sont pres des ingules, sont couppées avec

avec le mesmes instrument, si parfondement appliqué, qu'il penetre iusques aux interieures: & certainement ainsi est faict, que l'humeur respendu le thorax uienne à iôber. Et si pour cecy ne sortoit poinct, il fault aussi couper les iugules: & les extraire, & en apres certainement il est necessaire, que totalement il tombe. Par une mesme raison quand l'abdomen de l'enfant mort est ueu, & apperceu estre enflé par hydropisie, ou par aultre cause, il fault euacuer tout ensemble avec les interieures. Et si celuy, qui sort dehors le pied premier, est couché ung peu de trauers, il est dirigé à l'orifice de la uulue sans difficulte: & si le thorax, ou le uentre baille obstruction, doit estre extraict avec ung linge mis à l'enuiron, & doit estre euacué, à la maniere, qui a este dictée. Mais si la teste seule est demourée, & retenue, toutes les aultres parties tirées, nous debuons mettre la main senestre par dedās l'orifice de la uulue, s'il est ouuert, iusques en bas au fonds: & apres, que nous auons trouué la teste, avec les doïdx la destourner iusques audict orifice: en apres la tirer avec ung, ou deux crochets: mais si l'orifice est ferré, il n'est poinct de necessite de bailler aulcune uiolence, à cause que ne s'ensuiue inflammation: mais plus tost user de instillations douces, & copieuses, & arrestantes, & aussi d'inspersions, & cathaplasmes, affin que en ceste sorte l'orifice de la uulue ouuert plus commodement, comme par auant a este dict, puisse estre extraict. L'enfant estant de trauers, si peut estre dirigé, & conduit, doit estre osté avec les reigles dictes. Et s'il ne se peut faire, il doit estre au dedans incisé, & coupé, & par membres, ou

particules estre mis dehors. Donnant diligence, que aucune partie latente ne soit poinct demourée dedans. Toutes ces choses ainsi faictes il fault user de curation, qui est administrée aux inflammations de la uulue: & si effusion de sang s'ensuit, tu as heu desia les remedes par cy deuant baillés à icelle.

De la retention de la secondine.

Chapitre.

LXXV.

Bien souuent aduient, que apres l'extraction de l'enfant la couuerture (laquelle aussi nous appellons secondine) est retenue. Si doncques l'orifice de la uulue est ouuert, & la secondine separée de la uulue demoure assemblée en rotondite en aucun lieu, facilement elle pourroit estre extraicte en ceste maniere. La main senestre bien chauffée, & bien oingte doibt estre mise dedans la uulue, & la secondine trouuée est tirée hors. Mais si elle adhère au fons de la uulue, semblablement la main y doibt estre mise, & apres l'auoir prinse, & trouuée, doibt estre mise dehors: non seulement en droict, affin que ne soit faicte procidence, ou cheute de la uulue: ne aussi avec grande uolence: mais premierement doucement, en obeissant des costes ca, & la, doibt estre agitée, & apres ung peu plus fort attirée: certainement est ainsi faict, qu'elle deliurée de l'adherence, puis apres plus facilement sorte dehors. Et si l'orifice de la uulue est aucunement caché, il faudra applicquer telles medecines, que on a dict par auât, iacoit que

que auſſi la uertu fuſt debile: alors nous pourrons uſer de medicamentz premouents ſternutations, & parfonds dedans pots aromatiques. Et apres qu'elle ſera ouuerte, il fault eſſayer la main miſe dedans de tirer en ſemblable ſortela ſecondine: mais ſi en ceſte maniere ne peut eſtre extraicte, il n'eſt point beſoing de moleſter plus la patiëte: car apres biẽ peu de iours elle eſt cõſumée, & diſſolue en ſanie: finalement de ſoy meſmes uient à tomber. Mais à cauſe, que elle uient à moleſter la teſte par feteur, & faſcher l'eſtomac, les parfuns à ce accommodés ſeront propres à cecy: du genre deſquelz ſont prouués cartamum: & principalement les figues ſeiches.

De aduſtion de coxendix.

Chapitre.

LXXVI.

TOut ainſi comme l'oz humeral requiert aduſtion, ainſi auſſi l'oz de la cuiſſe tombé en bas en aucuns ueult aduſtiõ. De laquelle choſe Hyppocrates parle ainſi. Atous ceulx, auſquelz l'oz de la cuiſſe ſe relache, par douleur frequente de la ioincture coxendique la iambe eſt bleſſée, & yceulx clochent, & ſont boyteux, ſi nõ, que aduſtion ſoit applicquée. Dõcques auſſi il doiht faire aduſtion, principalemẽt au lieu, auquel l'article eſt au dehors: certainement il eſt ainſi faiet, que l'humour redondante ſoit deſeichée, & le lieu deſeiché par cicatrice, nõ point plus permette rechute d'oz, parquoy il fault bruſler fort

h 3 parſon

parfondement. Mais les plus recents, non tant seulement ont accoustumé de faire une adustion, mais bien troiss: l'une à la partie posterieure à la concavite de la fesse: l'autre à l'exterieure par dessus le genoil: la tierce ung peu par dessus le tallon exterieur en la partie, en laquelle le lieu plus carnisforme est plus commode à ceste sorte de medecine.

Des fistules, & faues.

Chapitre.

LXXVII.

Comme ainsi soit, que le lieu à present requiere, que nous traictons des fistules du fondement, il ne sera point inutile, si premieremēt en general nous explicquōs aulcune chose des fistules. Doncques fistule est cavite calleuse, aulcunemēt priuée de douleur: laquelle en plusieurs membres a sa naissance, & est faicte le plus souvent des absces mal curés. Mais callus est chair aulcune compacte, blanche, & priuée de expiration: dont, aussi ne sent point de douleur, ne ueyne, ne aulcuns nerfs paruiennēt à elle. Certainemēt aux fistules aulcunesfoys la cavite y est seiche, aulcunesfoys humide, & aussi aulcunesfoys l'humour y est portée frequemment, aulcunesfoys il y a intermission, c'est ascauoir quand aulcun temps l'orifice est fermé, & de rechef se uient à ouurir. Et les unes se finissent aux oz, les autres aux nerfs, ou à aulcunes autres principales parties: & aussi celles cy sont ou droictes, ou obliques, ou elles ont ung orifice, ou plusieurs: celles, qui paruiennēt

parviennēt aux grands arteres, ou nerfs, ou tendons, ou à la membrane, laquelle enuironne les costes, ou à aucune telle partie principale, elles doibuent estre ou du tout délaissées, ou avec grande diligence, ou art doibuent estre curées. Mais les aultres nous les curerons en ceste maniere: premierement on doit regarder, si elles sont droictes, une espee de specille mys dedans dict coparium: si elles sont, obliques, avec ung aultre specille dict dipyrenum ayant teste des deux costés, lequel sera flexille: comme sont ceulx, qui sont d'estaim, & aussi d'erain, si sont gresles. Mais celles, qui ont deux, ou plusieurs orifices, lesquelles ne peuuent poinct estre tentées, ou esprouuées par instrument, sont ainsi congneues. Nous compellons liqueur par ung orifice avec syringe, & par son cours aux aultres orifices facilement nous congnoisson, s'il y a une fistule, qui aye plusieurs orifices, ou plusieurs fistules. Ces choses ainsi ueues, si la cauite est en la sommite, & soit estroicte, avec le specille mis dedans la fault ouurir, & par dessus figure accommodée, fault couper avec scalpelle: & apres le calle doit estre tiré ou avec les ongles, ou avec la poincte du scalpelle en rasclant. Et si elle est estendue plus amplement, neantmoins il la faudra couper avec toutes ses parties. Mais si soubz le cuir ne sont poinct portées transuersalement, mais toutes droictes au dedans elles penetrent apres que la cauite sera couppée tāt parfondemēt qu'on pourra, tout le calle à l'etour seblamēt doit estre couppé. Et s'il estoit laissé aucune chose du calle, il le fault cōsumer avec quelque medicament caustic: & s'il y en a beaucoup, lequel ne obeisse au medica-

mēt, il les fault brusler avec ferremēts ardāts. Mais quād la fistule finist à loz, si l'oz est entier, tāt seulēmēt il doibt estre rasspē: mais s'il est uitié de carie, & antiquite, ou aultre mal, toute ceste partie corrompue doibt estre coup-
 pée avec scalpres incisoi- res : mais premierement il est de besoing de pertuiser, ou terebrer, iacoit, que le uice pene- tre iusques à la cauite, ou iusques à la médulle. Mais si aucun oz est rompu estant comme par trauers, il le fault couper avec une serre: ce que ainsi faisons : nous pre-
 nons deux attaches, & de l'une dicelles nous serrons à l'oz plus eminent au milieu de la cauite, & les baillons au ministre à tenir, & estendre: l'autre, qui doibt estre plus groz, & doibt estre faict de laine, semblablement à la chair, qui est par dessoubz l'oz doibt estre inseré: & cō-
 mandons à l'autre ministre de attirer en bas cex deux boutz de sorte, que la chair pressée en bas ne puisse poinct estre diminuée des dentz de la serre: & ainsi coup-
 pons. Mais ou aulcune des principales parties est subian- cente, comme est la membrane enuironnant les costes, ou la medulle du dos, ou aulcune telle chose, quād nous coup-
 pons les oz, ou que nous les serrons, une platine gardant la membrane doibt estre mise dessus. Mais si l'oz n'est poinct uitié, mais qu'il soit tout desnüé de chair à l'etour, non pource laissera l'on de couper en la maniere susdi-
 cte. Certainement il ne peult estre aultrement faict, que les oz, qui sont totalement desnüés de chair, soient dere-
 chef couuerts. Par raisō semblable si aulcune partie d'oz, laquelle se termine pres de l'article, est corrompue, il fault
 dra couper avec une serre. Et cela n'est poinct faict aux
 parties

parties: mais aussi bien souvent si aucun oz du tout est nitié, comme est le coulde, ou radius, ou tibia, & aultres semblables, il le fault du tout tirer: toutesfoys si au chef de la cuisse, ou en la cuisse, ou aussi à aucune uertebre du doz, encores qu'elles soient corrompues, nous recuseros de appliquer tel genre de medecine, pour le grād peril, qui y est des arteres adioinctes. Certes cela tousiours te soit perpetuellement obserué, que nous ayons regard par tout, & en toutes choses, comme est situation, uicinite, & congnation des parties affectes, & de la grandeur de la maladie, & la uertu de l'egrotant. Aussi certainement fauus, ueu que c'est cauité fistuleuse, laquelle sanie semblable à miel, requiert semblables, & mesmes aydes tant de medicaments, que operation manuelle, que les fistules.

Des fistules du fondement.

Chapitre.

LXXVIII.

Les fistules du fondement sont ainsi manifestées: les occultes sont congneues par cecy: car nul orifice apparent, la douleur moleste ceste partie: & aucune humeur pululente flue par le fondement: aussi bien souvent aduient, que premierement il y a eu indices de absces. Les manifestes sont cōgneues par le specille, ou poil de porc mis dedans. Certainement l'instrument descend si par fondement iusques à ce qu'il trouue le lieu uuide, & se cōgnoist avec le doigt dict index, lequel mettrons par dedās

le fondement, asscauoir si la fistule est parforée en la partie interieure: car si au dedans n'a point de pertuis, il ne se apparroist pas si soubdainement au doig: mais elle est sentie estre soubz la chair. Les obliques, & tortueuses sont congneues par cecy: car l'instrument mis au dedans est ung peu agité: mais le plus selon la paruite sort copieusement. Celles, qui paruiennēt pres de l'intestin, peuuent estre par cecy aduisées: car aucunesfoys & les lumbriques, & matiere fecalle sortent dehors par l'orifice: aussi presque toutes ont aucun calle pres de l'orifice. D'auantaige celles, qui ont perforé ou le col de la vessie, ou qui sont uenues iusques à l'articulation de la cuisse, ou au droit intestin, nullement peuuent estre curées. Mais celles, qui sont occluses, & serrées, ou qui sont plusieurs, ou qui viennent à se terminer en oz, en grande difficulté sont curées: les aultres facilement, & le plus souuent recoiuent curation. Certainemēt à ice lles, que nous secourons ainsi par ceinture de main doit estre fait en ceste sorte: l'homme sera couché sur le uentre de sorte, que les iambes esleuées les cuisses se uiennēt à mettre contre le uentre, ainsi comme on a accoustumé de faire aux ablutions du uentre (dictz clisteres) & si nous sentons, que la fistule se termine à la sommite du cuir, le specille mis par l'orifice au dessus couppons le cuir par ligne simple: & si elle ua profondement dedans le fondement, semblablement nous mettons le specille: & si nous trouuons la fistule perforée vers l'aultre bout, avec le doig dict index mis au dedans du fondement, lequel est de l'aultre main, laquelle est opposite à la fesse malade, prenons le

chef du specille, & le tirons en le recuruant ung peu:
 apres avec une simple diuision tout ce, qui est par dessus
 le specille, ouurirons. Mais si elle n'est point encores
 pertuisée, mais au dedans tende au fondement, & le bout
 du specille, quand nous cherchons, uienne à rencontrer
 le doigt dict index, au dessoubz du cuir squameux, ou
 membraneux, nous ferons ainsi. Le specille par uiolence
 mis dedans nous parforerons le lieu, & le specille mis par
 le fondement, avec le scalpelle couperons par dessus en
 la maniere dictée. Nous pouuons aussi avec la poincte
 d'une petite faucerle accommodée à l'incision des fistu-
 les le fons de la cavitée, qui est dedans le fondement, per-
 forer, & par ung mesmes instrument mis par dedans le
 fondement, tout ce, qui est au milieu, avec la poincte de
 la petite faucerle couper: & apres, que cela sera faict
 avec pincettes, ou ciseaux ydoines à prendre l'uuule,
 toutes les parties circuniacentes doibuent estre tirées:
 car se sont presque tous calles: mais grandemēt fault eui-
 ter, que sphincter, c'est à dire le muscle, qui serre, ne soit
 point blessé. Certainement aucuns, quand ilz operent
 indoctement, & trop profondement couppent, le bles-
 sent: & pour cecy aduient, que inuoluntaire eiection de
 matiere fecalle s'ensuiue. Mais si aucun par timidite
 refuse le scalpelle, commodement pourra user de la liga-
 ture hypocratique. Hypocrates commāde de lin crud
 cinq foyz tors mis dedans ung specille parforé, & le trās-
 mettre par la fistule, & le lier par les boutz ensa-
 ble conioinctz, & serrés, & tous les iours serrer les
 nouz, iusques à ce, que ce, qui est entre les deux orifices,
 soit

soit couppée en ceste sorte, & que le lin tombe. Et s'il tarde trop à faire cecy, il fault illimir le lin avec pserrum, ou avec quelque aultre chose seiche, & par la fistule de ca, & dela le ramener. Mais il y en a aucuns, qui passent par le pertuis de la faucerle fistulaire du lin, & à la maniere, que nous auons dicté, le deduisent ca, & la: ce que ie croy, qui ne doibt point estre fait: car quand il ueult euitier la chirurgie, non tant seulement ne font cecy, mais aussi ilz procurent curations plus longues. Mais des fistules occultes Leonides parle en ceste sorte: quand la fistule sera profonde, & qu'elle aura perforé le muscle, qui est dict sphincter, ou elle aye commencé uers le fondement, ou aussi plus loing de luy, mais que paruienne au dict muscle, l'inquisition faicte du siege avec instrument laxatoire, c'est adire avec ung petit speculum appellé dioptra nous ouurons le fondement tout ainsi, que la cavitée de la uulue: & quand en ceste sorte l'orifice de la fistule apparoistra, nous poulerons le bout du specille mis au dedans iusques au fons, & par dessus luy couperons toute la fistule avec instrument dict semispatula, ou spatule fistulaire. Mais nous quand auons trouué ceste maniere d'affection, nullement auons peu user de ceste maniere de chirurgie. Car le pertuis de la fistule, quand il est entre le fondement, & le muscle dict sphincter uers la dextre partie constitué, il ne pouuoit point estre ueu, & l'instrument dilatoire plustost nuisoit à l'operation en portant ombre. Mais quand nous dilations le fondement avec les doigz, aucune petite fissure se uenoit à descouurir à une des rugues du fondement, tout ainsi, que aucu
ne defluxion

ne defluxion de la fistule: certainement le pus par icelle fluoit: & nous auons par icelle tenté de mettre le bout du specille dedans la fistule presque conduict de la main. Puis apres avec le doig de la dextre main mis au sphin-
cter, nous auons cõgneu aulcun corps moyen gresle estre entre le doig, & l'instrumēt: dont le fer uiolēmēt poulsé cõtre le doig nous auions perforé le fons de la fistule uers la partie superieure: & le bout du specille mis hors tout ce, qui estoit mis entre les deux orifices, estoit ueu par nous, c'est à dire, que depuis ce, que du commencement estoit caché iusques à ce, qui a este faict par nous avec le scalpelle, nous coupasmes, & attirasmes le specille.

Des hemorrhoydes, chefz de ueines fluantz le sang.

Chapitre. LXXIX.

Comme ainsi soit, que la signification des hemor-
rhoides soit manifeste, par icelle humeur, qui se
manifeste, & pert, auant que nous commencons l'œuure,
debuons user de grande ablutiõ, affin que les excrementz
des intestins soient euacués, & le fondemēt soit faict plus
prompt à incision, & exit. Puis apres le malade doit
estre colloqué à la renuerse en air cler: & si nous uou-
lons user de ligature, avec lin cinq foys tors mis à l'en-
tour du ferrement, du quel nous auons accoustumé de
brusler

brûler les hemorrhoides, ou uales, nous ferrons une chascune hemorrhoidie par les extremités des ueines, tant seulement une delaisée, par laquelle la deriuation de l'humeur redondante puisse estre faicte. Ainsi certainement commande Hypocrates: & apres, que seront serrées, fault mettre ung drappeau de lin trempé en huyl le dessus, & fault faire une ligature accommodée au siege: en apres le malade se doit reposer, & user d'huile chaulde, & d'eau mulse en la curation du uentre: puis apres nous mettrons ung cathaplasme fait de safran, & papillons: & apres qu'elles sont tombées, nous cicatrifions avec un. Certainement Leonides n'applicque point de ligature, mais avec pincettes propres aux boutz des hemorrhoides dictes uues, aucunement attirées coupe avec scalpelle. Apres l'operation il curoit avec manne, & amylon avec uitriol: ou mettoit emplastre fait d'une esponge brûlée avec de la poix. Aussi il est permis de user de Pastile faustim, pour faire parfaite adustion d'icelles, duquel les autres ont usé.

Les uentricules, & cauités du serrement, du quel l'uuie est brûlée, remplies de medicament caustic, il brûlent les hemorrhoides, en telle maniere, qu'ilz font l'uuie.

Des condylomates, ou noudz, & eminences, & fistures.

LE condylome du fondement par nulle aultre chose differe de ceulx, qui sont aux lieux de uulue, si non par le lieu tant seulement: car aussi certainement il est appellé aucune extubération rugueuse uenue par inflammation, ou scissure précédente: laquelle certainement premierement est appellée eminence, puis apres qu'elle est dure, elle est appellée nodus, ou condyloma. Doncques cestuy cy du fondement doibt estre curé en telle manière, que l'aultre de la uulue. Il est tiré, & prins avec pincettes: puis apres il est curé avec médicament faisant crouste. Mais les fissures, qui principalement sont faictes par dureffe d'excrements, quand nous uenons à faire cicatrice, elles demeurent dures, à cause, qu'elles deuiennent calleuses, ilz les fault eschorcher, & ulcerer avec les ongles, ou scalpelle, & ainsi commodement les reduire à cicatrice.

De fondement occulte, & non manifeste.

SANS doubte le fondement aux enfans est caché, & occulté de leur naissance, quand il est trouué, & par extension de membranes est obstruict. Ausquelz enfans la mēbrane, s'il se peult faire, doibt estre rompue avec les doigz. Et s'il ne se peult faire, doibt estre ouuert avec la poincte du scalpelle, & avec uin sera curé: mais aussi biē souuent

souuent aduient aux grands par mauuaisè curation d'ulcere, que le fondement est serré: de ceulx icy aussi la curation doibt estre baillée: nous rompons la coherence avec instrument apte à ceste maladie: puis apres nous usons de curation propre. Mais par tout le temps de la curation il fault tenir dedans le fondement une fistule de plomb, ou ung petit coing, affin que de rechef ne se reioingne, lequel sera premierement oingt de medicaments cicatrisants.

De la section des uarices.

Chapitre.

LXXXII.

V Arix est dilatation de ueine, laquelle aucunesfoys aduient aux temples, au uentre soubz l'ombilic, & aussi pres des testicules, mais principalement aux iambes: & le plussouuent à sa naissance de matiere melencolique. Mais nous auons desia baillé la curation d'icelles, qui uiennent aux testicules, quand nous traitions de hernie uariqueuse. Et à ycelles, qui uiennent aux iambes, la main doibt estre appliquée, c'est à scauoir vers la partie interieure de la cuisse, là ou le plussouuent la naissance d'elles est trouuée: certes au bas elles dispersées, & diuisées en plusieurs rameaux baillent difficile curation. Doncques tout premierement l'homme lauë nous lions à la supérieure partie de la cuisse, & luy commandons de cheminer, & la ueine ainsi pleine la marquons avec encre, ou collire selon sa situation, les trois doigz interposés par

sés par longitude, ou ung peu plus hault. Puis apres le patient couché estendant sa iambe applicquons une autre ligature ung peu par dessus le genoil: & legierement par dessus la marque incisons la ueine enflée, de sorte, que la seule peau soit incisée: puis apres avec crochetz mis aux labies de la plaie estédons les membranules avec specilles flexilles hermaires, & la ueine de toute part desnouons, & descouurons: en apres les ligatures de la cuisse destachées, & la ueine suspendue avec crochet recurue nous mettons une esguille par dessoubz ayant double fillet, puis couppons la cavité du lin, de sorte, que en soit faict deux. En apres la ueine diuisée avec phlebothome par le milieu, & le sang euacué aultant qu'il en sera besoing, avec ung aultre lin nous serrons la superieure partie de la ueine, & la iambe dressée nous baillons diligence d'exprimer tout le sang avec les mains affin, que tout ce lieu, qui est en la iambe, soit mani, & perdu: laquelle chose apres qu'elle est faicte, nous lions la ueine de l'autre partie avec ung aultre lin: mais celle partie de la ueine, qui est entre les deux liens, ou tout incontinent la couppons, ou la laissons, iusques à ce, qu'elle putresfiée par soy mesmes ensemble avec les liens uienne à tomber: & charpie seiche doit estre mise en la plaie, & par dessus estouppades, ou cōpresses, trempées en eue, & huyle, & soient liées: apres avec emplastres, ou charpies imbeues de medicament engendrant pus, la curation doit estre paracheuée. Toutesfoys ie ne ignore point estre aucuns des anciens, lesquelz n'applicquent point de liës, mais tout incontinēt, que la ueine est descharnée, la coup

pent, ou elle aussi adherente au profond uiolamment tirantz la uiennent à rompre: mais icy a este baillée par nous maniere de chirurgie plus seure. Aussi les uarices uiennent au uentre; lesquelles semblablement seront curées. Aussi celles, qui sont aux temples, par celle raison, que nous auons dicté à l'exemptiō des ueines, sont ostées.

Des draconcules.

Chapitre

LXXXIII.

Des draconcules, car il baillent grande ayde aux medecaments, au quatriesme liure par nous en a este assez parlé.

De la section des extremes parties.

Chapitre

LXXXIII.

Les parties extremes aulcunesfoys sont putresfiées, comme la main, ou le pied, de sorte, que aussi les oz corrompus, ou par cause commençant, laquelle nous appellons primitiue, soient rompus, ou par precedente soient putresfiés, lesquels requierent amputation. Mais parauant, que les oz soient couppés, il est de necessite d'inciser la chair, qui est à l'entour: laquelle chose quand elle se faict (pource, qu'ung long temps puis apres est baillée en serrant l'oz) est à craindre, que profusion grā
de

de de sang ne s'ensuiue. Et pource Leonides ne couppoit toute la chair, sinon, que du tout elle fust putrescée, & morte: mais seulement celle partie, en laquelle il pensoit estre peu de ueines, ou arteres, premierement, & soudain iusques à l'oz il l'ouuroit: puis apres il serroit ledict oz aussi le plus legierement qu'il pouuoit, ung drappeau de lin mis par dessus les labies de la plaie, affin que la sere conduicte, & reduicte par celles ne feist douleur. Puis apres tout le demeurant exempt, il brusloit les uaisseaux avec ferrements ardants: & en apres ainsi faiet, il usoit de ligature propre, le flux de sang reprimé par charpies mises dessus, & curoit avec medicaments mouuants pus.

Des pterygies, ou excroissances de chair pres des ongles.

Chapitre

LXXXV.

P'nnula à l'entour des ongles est excroissance de chair, qui couure une partie de l'ongle, principalement eминēt tant aux poulces des piedz, que des mains, mais aux piedz biē souuēt p'offensio: aux mains elle uiēt pars absces (lequel est diēt en grec paronychium) quād le mal mis en negligēce est inflamé, & aussi cōuertī en pus: mais le pus quād il sera inueteré māgera la racine de l'ongle, & la corrompt, & biē souuēt cōsome tout l'ongle, mais bien souuent la moytie delaiissant pres de la racine au cu-

ne partie putrescée, aulcunes foys toute la racine corrodée: aussi aulcunes foys elle corrompt l'oz: auquel cas est sentie puanteur, & le doigt en sa sommite est esleué, & est ueu liuide. Telz doibuent estre curés en ceste maniere: tout le demeurant de l'ongle doibt estre diuisé, & osté avec poincte de scalpelle, & l'ulceration doibt estre ostée avec cauterres. Certes pinnula est du genre des maladies, qui corrodent, & ambulent, laquelle ne cesse de ambuler sinon, que soit corrigée avec feu: & aussi certainement si elle est negligée, corrompt tout le doigt. Mais si l'exterieur anglet de l'ongle entrât dedás la chair l'oz, & l'ongle demourant entiers uienne à poindre, & irriter ceste partie, de sorte, que soit faicte cause d'inflammation, nous debuons couper celle partie de l'ongle, laquelle uexe, avec specille gresle appliqué, ou suspendre aucun aultre instrument, & oster avec poincte de scalpelle. Et ce, qui demoure, le consumer par medicaments, qui bruslent. Et certainement avec ceste maniere de chirurgie plusieurs ont este curés. Et si ce, qui reste, est plus grand, premierement doibt estre couppé à l'entour avec scalpelle: puis apres médicament y doibt estre mis.

Des ongles contuz.

Chapitre.

LXXXVI.

Pource, que souuent s'ensuiuent grandes douleurs des ongles par contusion collisés, lesquelles nous cōtraignent à l'œuure de scalpelle, il suffira, si nous appliquons

quons les parolles de Galien. Certes il parle ainsi: nous auons experimenté ayde, qui sede douleur, totalement des ongles contuz en euacuant le sang. Quand doncques le poulz du cerueau, & uehementes douleurs aduiennēt, l'ongle doibt estre couppé non pas droictement de la superieure partie à l'inférieure: mais par ligne oblique, de sorte, que aucune partie dudit ongle couppée, & le sãg euacué, non plus la partie de l'ongle y soit: mais aucun quasi opercule de chair subiecte. Car si tu couppes en droict despuis la superieure partie iusques en bas à la racine, là ou la chair uient à croistre par dessus l'ongle, il est faict, que la chair, qui est subiecte à l'ongle par celle diuision uienne à croistre: & ainsi quand elle est comprimée par l'ongle, il faict grand' douleur, ainsi, que aux paronyches. Mais par nostre ceste incision tu uerras la douleur totalement estre sedée. Nous pouuons aussi les iours ensuiuants esleuer petit à petit celle partie de l'ongle couppée par dessoubz, & la sanie de l'ongle euacuée de rechef comme aucune couuerture le mettre (comme i'ay dict) sur la chair subiecte: d'auantaige en ensuiuant il fault user du demourant de la curation de tout le doigt tant en mitiguant, que en resecant.

Des cloux, formiques, & uerruques.

Chapitre.

LXXXVII.

CLou est calle rond, blanc, fort semblable au chef d'ũg clou: lequel certes en toute la partie du corps
i 3 croist,

croist, & principalement aux plantes, & doigz des piedz: & porte douleur, & empesche la fonction ambulatiue. En ceste maniere il peult estre osté: il fault scarifier tout à l'étour: après prins avec pincettes doit estre osté avec scalpelle agu, tout ainsi que avec ung phlebotome, & couppe hors de ses racmes. Aulcuns aussi appliquent ferremets ardants, affin qu'il ne renaisse point. Formication, ou formique est aulcune extuberation petite, calleuse, ronde, & grosse, en la sommité du cuir adhérente, par racmes estendues, & larges, lesquelles en frottements d'aulcunes punctions baillent sentiment semblable aux morsures de formies. Et aussi encores, qu'elle vienne au demourant du corps, toutesfoys le plus souvent aux mains. Parquoy aulcuns, entre lesquelz est aussi Galien, pensent avec ung canon d'aulcune plume dure, comme est de uieulx coqs, ou oysons, ou aigles, tout à l'entour fort pressée, & torse pour scarifier la formique, & ainsi pensent l'attirer du plus profond de ses racmes. Les autres font semblable chose avec fistule d'ercain, ou de fer. Mais il a mieulx pleu aux plus recents de couper comme les clouz, les formiques purgées tout à l'entour, & après avec pincettes attirées les couper avec scalpelle. Mais la verruque est aulcun petit tubercule calleux, sans douleur, à la sommite du cuir le plus souvent rond, pres du cuir serré, de sorte qu'il soit ueu pendre: dont il est appelé en diction grecque acrochordon, à cause qu'il est semblable à la sommite d'une corde. Parquoy nous coupons son eminence esleuée: & si ne pouuons, avec du lin, ou cheueu nous serrons. Toutesfoys ie ne ignore point, qu'il

qu'il y a plusieurs, lesquels tât ceulx icy, que les susdictz tubercules ont accoustumé de consommer avec ce, qui est appellé cautere froid.

De l'extraction des fleches.

Chapitre

LXXXVIII.

Celle partie de chirurgie, laquelle consiste à attirer les fleches, estre fort necessaire, Homere poëte par ses uers le testifie. Certainement ung seul est à comparer à plusieurs aultres hommes medecins, lequel doctement a congneu oster les fleches fixes. Et aux plaies donner medicans doulx. Mais premierement auant, que dire de ceste chose, aucunes petites choses de la difference des fleches doibuent estre exposées. Doncques les fleches entre soy different par matiere, forme, magnitude, nombre, maniere, & force. Par matiere, car aucunes sont appellées hastilles, aultres lineares, aultres sont arundinées. Aussi ces fleches aucunesfoys sont ueues de fer, ou d'erain, ou d'estain, ou de plomb, ou corne, ou d'oz, ou de uerre, & aussi de canne, ou de bois. Et certainement la difference est trouuée principalement uers les Egyptiens en grande diuersité. Aussi la forme est variable, car les ungs sont ronds, les aultres angulaires, comme sont ceulx, qui sont triangles: aucuns sont poinctus, & faisant canal, comme sont ceulx, qui ont le fer à trois poinctes. Aucuns aussi sont comme espics, ayants trois, ou quatre poinctes: aucuns

n'ont point de poinctes: & entre ceulx, qui ont poincte, les aucuns sont munis de poinctes tirant en arriere, de sorte, que en leur extraction sont fichées plusfort: les autres les ont en bas, de sorte, que en les sortant dehors, & en donnant le coup, il font une mesme chose. Aussi il y en a aucuns, ausquelz il y a de poinctes vers les deux parties en similitude de foudre: & quand on les tire hors, & quand ilz entrent, ilz dissipent le corps. Aussi il y en a aucuns, ausquelz le fer est ainsi ueu par aucuns petitz uertilz, de sorte, que les poinctes agitées à l'entrée du corps, quand on les ueult tirer, ilz demourent, & ainsi empeschent, que la fleche ne puisse point estre tirée sans grand peril. Aussi la grandeur baille diuersite, car aucuns sont longs de troys doigz: les autres ne excèdent point la longueur d'ung, & sont appellées en Egypte myia. Les autres sont moyës entre ceulx icy. Aussi en iceulx est considéré le nombre. Certes aucuns sont simples, & aucuns composés. car quand aucunes pieces de fer sont annexées à aucunes, lesquelles en l'extraction facilement ne sont pas ueues, sont delaisées au parfond. Mais la maniere, & l'habitude est telle, que aucuns ont le fer fiché aux hastes: les autres ont les hastes inserées dedans le pertuis du fer: & les autres ont le fer ferme: les autres ne sont pas fermes, de sorte, que quand on les tire ilz demourent dedans. Finalement en uertu, & faculte la difference est telle, car aucuns sont enuenimés: les autres non. Et ainsi certainement sont faites les differences des fleches, ou d'ars. Mais à ceste heure nous fault venir à l'extraction d'icelles, ou aucun soit bleßé en bataille, ou hors

ou hors de bataille, ou spontanément, ou contraincte de chascune cause, ou de quelque matiere, que les fleches soient. Donc la maniere d'extraire les fleches de la chair est double: l'une par attraction: l'autre par poulsement, Car si la fleche est en la sommite, doibt estre repceue derriere par attraction. Aussi aulcunes fois est faict semblablement encores qu'il soit mys par fond, c'est ascauoir si le corps se ouure de la partie opposite, & est ueu danger ou de profusion de sang, ou du consentement des autres membres. Mais nous auons accoustumé de user de poulsement, quand la fleche est fort par fonde, & uers la partie opposite bien peu de chair entiere demeure, & aussi rien n'empesche ne nerfz, ne oz, ou aultre chose semblable, qui ne puisse estre persée commodemēt de la poincte. Mais des oz blezēs il n'est pas seur de arracher les fleches, si non par attraction. Mais si la fleche est ueue soubdain, tout ainsi, qu'elle est, la fault tirer. Mais si elle est, cachée, Hyppocrates commande estre ainsi faict. Nous debuons figurer le corps du nauré, en l'estat, auquel il estoit, s'il est possible, & ainsi congnoistre là, ou la fleche est peu aller: & si le malade ne peut ce faire, à tout le moins doibt estre ainsi situé luy estat couché, de sorte, que le plus pres qu'il pourra, il vienne à ceste figure: en apres nous avec le specille ayant faict l'inquisition, s'il est en la chair, avec les doidz le tirerons, ou avec adioustement, lequel aussi on appelle hastile, lequel le plus souuent est de boys, si non, que desia il soit tombé: car s'il est desia tombé, avec tenailles propres à tirer les dentz, ou de celles, que nous usons à tirer les racines des dentz, ou avec in-

strument attirant les fleches, ou aultre à cecy accommo-
 dé l'ysſue doibt eſtre moyennée. En laquelle choſe aul-
 cunes ſoys la plaie doibt eſtre dilatée, ſi elle ne peut rece-
 puoir l'inſtrument. Et ſi la fleche a tiré plus oultre, &
 que ne ſe puiſſe facilement tirer par le pertuis, par ou elle
 eſt entrée, la uoye doibt eſtre ouuerte avec ſcalpelle de la
 partie contraire, & par icelle doibt eſtre ſortie: ce qui ſe-
 ra fait, ou en attirant en la maniere dictée, ou en pouſſant.
 Mais il doibt eſtre pouſſé avec ung aultre boys, ſ'il eſt ſer-
 ré dedans: & ſ'il eſt tombé, avec inſtrument pouſſant, ou
 propulſaire doibt eſtre mis dehors: tousiours donnant di-
 ligence, que le nerf, ou artere, ou aultre choſe ſemblable
 ne ſoit point coupée. Certes c'eſt choſe d'eſhonneste
 en attirant les fleches, de faire plus grand nuysance, que
 n'ont fait les fleches meſmes. Et ſi le fer eſt avec queue,
 ce qui eſt congneu avec inquiſiion de ſpecille, nous met-
 trons la femelle de l'inſtrument propulſaire: & ſi la ca-
 uite, le maile, & ainſi pouſſerons le fer prins avec l'in-
 ſtrument, iuſques à ce, que facilement puiſſe eſtre mis
 hors. Et ſi le fer tiré eſt uen auoir aucuns crenes, ou
 crochets, auſquelz aucun fer greſle pourra eſtre in-
 ſéré, de rechef regarderons avec ſpecille mis dedans: &
 ſi aucune choſe eſt trouuée, nous recepurons en ſembla-
 ble ſorte. Et ſi la fleche ceinte de pointes uers les deux
 parties ne tombe point ſur les deux parties oppoſites,
 aupres de ſoy par aultre incision le lieu doibt eſtre de-
 monſtré, ſi non, que ueine, ou quelque aultre choſe n'em-
 peſche: & en apres le fer tout à l'entour deſcouuert doibt
 eſtre attiré ſans aucune diſſipation. Auſſi aucuns cou-
 urent,

urent, & enuironnent les poinctes des fers, affin que ne blessent les parties circuniacentes, avec canons, lesquelz fichent dedans: puis apres uiennent ainsi à tirer (par dedans le canon). Et apres, que la fleche sera tirée par ces moyes, la plaie (posé qu'il n'y aye inflāmatiō) sutures faictes doit estre curée avec medicamēts, lesquelz auos accoustumé incontīnēt aux plaies cruētes: & s'il y a aulcune inflammation, pour la curer, il fault mettre de laine imbeue, & cataplasmes. Mais si la plaie est faicte d'une fleche enuenimée, nous couperons la chair tout à l'entour: celle principalement, si faire peult, qui a este changée par le uenim: & elle facilement peult estre congneue, car elle est fort diuerse de la chair saine, d'autant qu'elle est fort pasle, & aulcunement liuide, & apparoiſt quasi morte. Ilz disent, que les Daces, & Dalmates ont de coustume de oingdre les poinctes avec helenium, & de celuy, qui est appelle nimum: lesquelz certainement ueu qu'ilz sont enuenimés, meslés avec le sang en la plaie ilz occisent: aussi goustés par eulx il ne porte poinct aulcun nocumēt. Mais si la fleche estoit fichée dedans l'oz, en semblable maniere nous tenterons avec le specille: & si la chair empeschoit, nous la couperons, ou dilaterons. Et si elle est allée plus profond, ce qui se pourra par cecy cōgnoistre, car la fleche incluse encōres, que baillōs uiolēce, elle ne tōbe poinct: par quoy s'il est ainsi, la ptie de l'oz mise à l'entour cōminuerōs avec scalpres, mais premieremēt, & principalement si l'oz est gros, il fault terebrer le lieu tout à l'entour, & ainsi nous gectērōs la fleche absolue, & desnuee:

mais

mais si aucun des principaulx membres est bleſſé, comme est le cerueau, le cueur, gosier, poulmon, foye, uentre, intestins, reins, uulue, ou uescie, & si desia les signes mortelz apparoiſſent, & que l'extractiō ne se puisse faire sans grā de diſipation, nous recuserons à y meſtre la main: affin que ne baillions poinct, auant que de rien profiter, occasion aux ignorantz de uituperer, & mal dire de nostre office. Et si alors le aduenement est incertain, il fault pre-
dire le grand peril, en quoy la chose est: & en apres nous uiendrons à l'extractiō. Certes il aduiet à plusieurs, que en aucun absces, le quel a sa naissance d'aucun des membres necessaires, qu'il ayent eu sans espoir santé. Car aussi il est ueu une des fibres du foye, ou une partie de l'oment, ou partie de la membrane de l'abdome, & aussi certainement bien souuent toute la uulue tirée hors sans peril de mort. Aussi certainement souuent le gosier expressement doit estre couppé aux angines: comme desia nous auons dict en la section du gosier. Donc si en ces cas icy nous laissons dedans la fleche, affin que ie laisse ce, qui peut estre existimé de nostre art estre hors de toute humanité: aussi la mort sans aucune doubte necessairement s'ensuiura: & si nous les oſtons dehors, aussi parauenture la restitution de sante s'ensuiura. Il n'est pas difficile de congnoistre la uulneration des membres principaulx. Car en partie par aucune propriete d'accidents, ou des choses, qui sortent hors de la plaie, aussi ces signes sont de la situatiō du lieu affect. Les membranes du cerueau bleſſées la douleur de la teste est grande, inflammation des yeulx, avec rougeur de langue, & alienation d'entendement. Et si en-
semble

semble avec les mēbranes le cerueau aussi soit bleſé, l'hōme subitement tombe, & est muet: il destort sa face aussi nomissement de colere s'ensuit, & effusion de sang par les narilles, & oreilles: aussi aulcune humeur blanche, cōme boullie: & si le cerueau a uoye, il sort par la plaie. Si la fleche est incluse dedans les parties uuides du thorax, & le pertuis appert, l'esprit est senti yſſir par la. Le cueur bleſé iouxte la mammelle senestre, la fleche apparoiſt estre repceue non poinct en lieu uague, mais comme à aulcun aultre corps: aussi aultunes fōys elle porte mouuement pulsatile. Le sang noir flue par la plaie, si l'y est donné exit. Les pties extremes se font froides: sueur, & deffault de cueur aduiennent, & finalement s'ensuit mort seure. Les signes du poulmon nauré sont ceulx icy: le sang spu- mant est porté par la plaie, si elle est grande: & si non, il sort par la bouche. Les ueines à l'entour du col enflent, la langue a sa couleur changée, ilz inspirent grandement, & desirent chose froide. Et quand le septum transversum a repceu plaie, la fleche est ueue fichée aux costes nothes: l'inspiration est faicte grande, & avec douleur, & gemissement par tout l'espace, qui est contenu entre les deux humeres. Le uentre nauré, nous congnoiſſons ce, qui est bleſé au dedans par les choses, qui sortent de la plaie: ou alors tout incontinent, si uoye est manifeste, ou à tout le moins apres, que la fleche est tirée, ou de dedans le boys rompu baillera la plaie uague. Certes du uentre il sort li- queur: des intestins matiere fecalle: aussi aulcunes fōys l'o- mentum, ou l'intestin tombe en la plaie. Mais quand la uescie est percussée, l'urine sort par la plaie. Donc en la

uulne

uulneration du cerueau, ou de ses membranes nous sortiront
 hors le tele la caluaire à l'entour terebrée comme nous di-
 rons en apres aux fractures de la teste. Mais quand le
 thorax est bleffé, si non qu'il uienne par l'incision mode-
 rée des parties intercostalles, une coste doit estre coup-
 pée, instrument mis sur la membrane pour garde d'icelle,
 & par la fleche doit estre tirée. Semblablement au uen-
 tre, & à la uescie, & aultres membres, qui sont au pro-
 fons, si la fleche y estoit, sans bailler aultre cure doit estre
 tirée: & si non la plaie doit estre dilatée, & doit estre
 curée comme les plairs: iacoit, que au uentre s'il est de bea-
 soing, coustures aussi peuuent estre faictes, desquelles au-
 dessus a este parlé. Mais quand en aucun grand uais-
 seau, cōme est aux profonds iugulaires, ou soporaires, ou
 à ceulx, qui sont soubz aisselles, ou inguines, & grandz
 arteres, la fleche est fixe, il y a peril de grande profusion
 de sang, si elle est tirée: & parauant, que cela se fasse, il
 doit estre lié des deux parts avec lien. Mais si aucun mē-
 bre est serré avec l'aultre par la fleche, comme seroit le
 bras avec le thorax, ou le coulede à aucune aultre partie
 du corps, ou les iambes entre soy, il fault faire en ceste sor-
 te. Si la sagette, ou haste ne penetre point du tout l'ung,
 & l'aultre mēbre, nous la tirerons prinse au dehors, tout
 ainsi que auons accoustumé de faire en ung membre. Et si
 totalement l'ung, & l'aultre membre est transfixé, pre-
 mierement nous couperons le bois moyen entre les deux
 membres avec serre en deux parties: puis apres ces par-
 ties le plus facilement, que nous pourrons, tirerons peu à
 peu. Pour ce, que aussi bien souuent les pierres, & murrées
 (c'est

(c'est adire ser triangulaire) & glandes plombées, & aulcunes aultres choses semblables, geectées avec frondes, tant par la force de celuy, qui les geecte, que aussi par leurs angles, desquelz elles sont munies, elles sont geectées contre le corps, & sont cachées: nous serons conduictz en la congnoissance par ces signes yci. Si nous touchons le lieu, la tumeur est sentie dessoubz aspre, & inegalle: la plaie n'est point totalement droicte, mais aussi plus grande: aussi la chair est ueue contuse, & liuide: d'auantaige la douleur moleste avec grande pesanteur: toutes ces choses icy doibuent estre prinſes, & tirées avec hameſſon, ou calyculles, ou specille uulneraire. Elles peuluent aussi estre prinſes avec tenailles propres aux dentz, si la plaie le permet. Mais aulcunes fôys est faict (ce que à plusieurs aduient) que, quand les fleches fixées sont cachées, de sorte, que nullement ne peuluent estre trouuées, les plaies soiēt gueries: & en apres (mais par lōg temps apres) la fleche à sortir par absces faict à l'entour de ce lieu, & rompu.

Des fractures, & quelles sont les differences d'elles.

Chapitre

LXXXIX.

MAintenāt (pour ce, que asses auōs mōstré des choses, qui requierent l'œuure de la main en la chair)
des

des aultres choses qui aduiēnēt aux oz fault differer, c'est ascauoir des fractures, & luxatiōs: uen, que aussi elles sōt subiectes au gēre de Chirurgie. Mais premieremēt il fault dire des fractures, & cōmencer à icelles principallemēt, qui uiēnēt à la teste, en partie, que ceste administration de Chirurgie est moyēne entre celle, qui est faicte en la chair, & celle, qui est faicte aux oz: en partie aussi, car la caluairre excède toutes les aultres parties. Donc la fracture (asfin, que nous parlions uniuersellement) est diuision, ou ruption, ou section d'oz faicte par uolence d'aucune chose estrange. De laquelle sont plusieurs especes: l'une certainement se faict ainsi comme ung rissort: l'autre en sorte de scandulles, c'est à dire petites lamines: l'autre est faicte en sorte de ongle: l'autre en farine. Aussi il y en a aucune faicte par abruption. En rissort la ruption de l'oz est faicte de trauers, laquelle aussi aucuns appellent en saxon de concombre, & de chou par, la similitude de concombre, & choux rompuz. Par scandulles est faicte ruption d'oz fendu en longitude. L'autre est faicte par ongles, quand ruption d'oz est faicte: laquelle combiē qu'elle soit droicte en aucune partie, toutesfoys à la fin elle est lunaire: laquelle aussi par aucuns est appelée faicte par arondes. Par farine la ruption de l'oz est multipliée en parties petites: aussi appelée nucatum (c'est adire par noix.) Abruption, ou abscession est detraction d'aucune partie de l'oz par la rompure de superficie, de sorte, que la partie separée est hors nageant dessus. Et cestes sont les especes des fractures.

Des fractures de
la teste.

Chapitre

x c.

Certes priuément parlant, la fracture en la teste est diuision de caluaire, aulcunesfoys simple, aulcunesfoys multipliée, & diuerse faite par uiolence exterieure: de laquelle sont cestes differences, fission, expression, desfession, cameration, & aux enfans collision. Fission est diuision de caluaire ou en la sômité, ou aussi profondemēt: nō pource de sorte, que soit aucune cōmotion d'oz en la partie exterieure. Excisiō est diuision de caluaire avec refraction. Et si la partie rōpue du tout est hors du demourāt de l'oz, est appelée par aucuns dedolation. Expression est diuision d'oz diuerse: en laquelle aucuns fragmēts en bas cheus, pressent la membrane du cerueau. Desfession est diuision de caluaire, là ou l'oz offensé tombe en bas de la naturelle situation, & contrainct la membrane du cerueau. Cameration est diuision de caluaire, en laquelle les parties de l'oz rompu esleuées sont incuruées, ou cōme dict Galien, elles demourent aux parties interieures, & sont concavités, ce qui est semblable à l'expression. Ainsi certes il l'extime. Aulcuns adioustent à cestes differences capillation: mais capillation est subtile: laquelle ueu, qu'elle ne se peult ueoir, bien souuent pour ceste cause, est cachée: ne aussi elle baille aucune signification certaine, & porte cause de mort. Mais collision, laquelle certainement n'est

k point

point de diuision d'oz, ne aussi par droict doit estre dicte fracture, mais impulsion, & quasi inflexion de caluaire en partie interieure, laquelle fait concavité sans aucune solatiō de cōtinuité: tout ainsi, qu'il se peult ueoir, si au dehors sont frappés, aux uasculs d'ecrain, & de cuir. Il y a deux especes de collision: certes l'oz ou il est collidé par toute son espaisseur, de sorte, que bien souuent la membrane du cerueau se recule, ou bien soit comprimée de la caluaire: ou non point de toute son espaisseur, mais tant seulement par dehors en la superficie dense iusques à la duplication, il endure. Par aucuns à cestes icy est adioustée repercuSSION, ou resonation: laquelle est, comme ilz disent, dicision de caluaire de la contraire partie du coup: mais ilz sont de peceux. Certainement n'est point uray semblable en la teste (comme ilz ueulent) ainsi, que aux uaisseaux de uerre: certes à yceulx à cause qu'ilz sōt unides, cela aduiēt: mais la caluaire est pleine, & solide: car quād parauanture aduiēt, comme en plusieurs autres lieux, non point tant seulement icy, ou la plaie apparoist, comme est fait en tombant, que le chef soit frappé, & en aucun lieu l'oz soit fendu avec la continuite entiere du cuir: & la puis apres l'absces fait, & ouuert la fente uiet à estre ueue, ilz opiment icelle fente de la partie contraire du coup: ce qui est faulx: mais ceste fission icy permet telle curation, que la premiere. Et pourra estre manifeste, si le chef est rompu, tant par la somnité de la partie, qui est frappée, que la grauite, duresse, & impetuosité violente: aussi par ces choses, qui aduiennent à l'homme blessé: car ou il est fait auengle, ou muet, ou tombe soub-

daine

dainement: principalement quand le cerueau est comprimé ou par despression, ou collision, ou oppression, ou par enfoncement d'oz uers la partie interieure. D'auantage il fault congnoistre au sens par notation exposée: car si la plaie du cuir est plus large, par icelle nous pouuons regarder manifestement, s'il n'ya point de diuision, ou si elle est estroicte: & si nous auons doubte, que l'oz soit rompu, le cuir doit estre ouuert, & fault faire inquisition en partie par la ueue, & en partie par specille mis dedans. S'il y a aulcune aultre fracture, elle est incontinent congneue. Mais petite fente, & capillaire, à cause qu'elle n'apparoist pas au sens uisible, ainsi doit estre cherchée. Il fault mettre sur l'oz aulcun médicament noir, & liquide, ou encre d'escriptoire, en apres raser le dict oz avec scalpre: certes ce, qui est fendu, retient noirceur: laquelle si elle apparoit, il fault autant demourer à la rasure, iusques à ce, que le uestige de la scissure se perde. Et si la fente descend iusques à la membrane du cerueau, la rasure laissée il fault considerer, à scauoir mon si la membrane s'est ostée de l'oz, ou si encores elle demeure annexe. Nous pouuons congnoistre par ces signes, si elle demeure encores: mediocre inflammation moleste la plaie, le malade peu a peu est destitué de fiebre: le pus apparoit meur: mais si elle est dehors, & douleur, & fiebre sont augmentés, l'oz chage de couleur: d'auantage le pus sort dehors tenue, & indigest. Et si le medecin neglige, & qu'ilz ne fasse incōtinēt parforatiō, choses beaucoup plus griefues s'ensuyuent: nommēmēt de colere, cōuulsion,

delire, & fiebure ague: ausquelz cas la Chirurgie doit estre refusée. Mais quand ces choses icy ne setrouueront poinct, & que la membrane ne sera poinct dehors, mais tant seulement y aura une rime, ou fente, elle pourra estre curée, encores qu'elle soit profonde, avec le seul scalpre rasoire. Et si tant seulement elle descend iusques à la duplication, aussi raperons iusques à ycelle. Et si l'oz est rasé, nous le tirerons, cōme nous monstrerons puis apres. Et si l'oz est concaissé en petites parties, semblablement en diligence avec instrument à ce ydoime nous les tirerons toutes. Et si la membrane est dehors, & que le bleſé tout incontinent du commencement uienne entre tes mains, tu donneras ordre par grande diligence, que totalement tu gectes l'oz dehors deuât le quatorziesme iour, si c'est en uuer: & si c'est en este, auant le septiesme, deuant, que les susdictz accidentz aduiennent. Mais s'il fault faire en ceste maniere: premierement le poil rasé tu couperas le cuir par dessus la plaie par deux lignes ensemble par trauers se diuisant en angletz droictz à la semblance de X lettre: desquelles toutesfoys l'une doit estre celle, que tu prendras du coup: puis en la sommité tu couperas par dessoubz les quatre angletz, affin que tout l'oz, qui est concaissé, apparoiſſe descouuert: & s'il sort sang, avec charpies trempées en posca, & si non tous secz inseris dedans, & avec ung petit drap de linge mouillé en uin, au quel soil meslé ung peu d'huille mis par dessus tu useras de ligature conuenable. Le iour ensuiuant, mais que aucune chose nouuelle ne aduienne poinct, qui nous empesche, ilz fault commencer la terebration de l'oz. Donc
l'homme

l'homme situé aptement en ung siege, ou au liét, comme la plaie le requerra, & ses oreilles avec laine closes, affin qu'elles ne soiēt molestées du bruit de la pulsation, le chef doit estre deslié, & deliuré, & toutes les charpies mises hors: & le lieu detergé avec esponge, ilz fault commander à deux ministres, que avec aucunes bandes gresles mises à l'entour qu'ilz uienent à esleuer les quatre angletz du cuir, & ainsi quilz ouurēt l'oz: en apres si l'oz est foible par nature, ou par fraction, doit estre couppé avec scalpres opposites, tout premierement applicqués instrumentz dictz calyculata, & yceulx fort larges, commençant au plus amples du commencement en allant aux plus estroictz: en apres avec excisoires legierement iointes au maleole, affin que le malade ne soit uexé par trop grande discussion du chef. Mais si l'oz est ualide, tout premierement il le fault perforer avec ce genre de terebre, lequel pource est appelé indemersile: car ung peu par dessus la poincte il a quelques eminences, par lesquelles facilement est retenu de descendre, & emergir dedans la membrane: puis apres doit estre appliquée excision faicte par scalpre: aussi l'oz doit estre osté, non poinct tout à une fois, mais par parties avec les doidz, s'il se peult faire: & si non, avec tenaille dentaire, ou des oz, ou avec pincettes capillaires, ou aultre semblable instrument ydoime: mais tant seulement entre le pertuis doit estre laissé ung moyen diuisant aussi grand, que est la longueur du bout du specille: la profondeur des cauernes doit descendre iusques à ce qu'elle uienne pres de la interieure superficie de l'oz. il fault euter grandement,

que le trepan ne uienne à toucher la membrane: & pour ceste cause plusieurs choses doibuent estre preparées, & ce trepan doibt estre prins, qui soit commode à la grosseur de l'oz: car si la fracture ne excède point la duplication de la caluaire tant seulement: aussi iusques à icelle le trepan sera mis: & puis apres que l'oz sera ainsi osté, & diminué, nous polirons l'asperité de la caluaire: laquelle est faicte par l'excision, ou terebration avec aucun scalpre, ou rasoire, ou excisoire: toutesfoys une lamine sera mise au dessus de la membrane comme garde d'icelle: apres les petits oz, ou pointes diligemment colligées, si aucunes en y auoit, nous mettrons par dessus charpies, & ainsi en apres curerons. Et certainement ceste maniere de curation est la commune, ensemble & la plus facile, & sans aucun peril. Aussi bien fort est louée de Galien ceste excision d'oz, laquelle est faicte de scalpre lenticulaire, si elle est faicte sans terebration, la ou le lieu sera tant seulement caué à l'entour avec instruments dictz calyculaires. Certainement il parle ainsi: apres, que tu auras unefoys desnué ceste partie, le scalpre doibt estre applicqué, lequel aura en la sommité de la teste une eminence lenticulaire recuruée, & bien legiere, mais uers le costé sera pointu: & ainsi la partie large du lenticule par dessus la membrane située, avec marteau doibt estre poulcée uers le costé. Et ainsi la caluaire doibt estre diuisée. Certes en ceste maniere yci toutes les choses, que nous auons voulu, nous sont aduenues. Car la membrane ainsi ne peult estre aucunement blecée, encores, que le medecin feist son operation en dormât, quand elle est touchée de la seule partie large

large du lenticule: & si en aulcune partie de la membrane adhère à l'oz, sans aulcune douleur elle est ostée avec l'extremité orbiculaire du lenticule: laquelle chose faicte, tout incontinent s'ensuit le scalpre couppant la caluaire, comme manifeste, de sorte qu'il n'est possible de trouuer maniere plus seure de terebrer, ne plus soubdaine, que ceste cy. Car de la faire avec serres, & modioles, il est re-
prouué des plus recents. Et encores, que nous ayons bail-
lées choses aux fixions, toutesfoys aux aultres fractures
de la caluaire elles conuiennent. Mais combien il fault
coupper d'oz, aussi celui mesmes Galien nous l'apprendra,
ainsi parlant. Mais combien il te fault coupper de l'oz
bleissé, en apres ie le te exposeray. Celuy, qui est fort con-
teré, il doibt estre tout osté. Mais si de lui a'auantage aul-
cunes rimes procedent, ainsi que aulcunesfoys aduiant, el-
les ne seront poinct poursuites iusques à la fin: car si les
aultres choses sont droictement administrées, il te fault
scauoir, qu'il n'aduiendra aucun dommage. Apres la
Chirurgie nous couurerons la membrane avec ung lin-
teole simple, trempé en huille rosat accommodé à la
grandeur de la plaie: & par dessus semblablement me-
trons petits bouchons de laine trempés en huille.
En apres nous mettrons dessus double linge trem-
pé d'eauë, & d'huille, ou aussi du mesmes rosat: tou-
tesfoys obseruant cecy diligemment, que la membra-
ne ne soit pas trop grauée. Apres cecy nous uscrons
de ligature large, & non fort serrée: apres tant seule-
ment nous garderons charpies, & donnerons la vie sedāt
k. 4. inflam

inflammation, & accõmodée à fiebures: en apres la membrane sera madesiée d'huille rosat. Le troiesme iour les bendes dessaiçtes il fault user d'espõges à absterger la plaie, & de medicaments, qui sont ydoines aux plaies recentes, & qui deffendent inflammation: & mettre aucune chose à la membrane des choses seiches: lesquelles sont appellées cephalica, iusques à ce, que la chair commence de croistre. Aulcunes foys aussi l'oz doit estre rasclé, si la chose le requiert, ou pour aulcunes parties rudes, ou que trop tost la chair creust. D'auantaige le demourant de matiere des medicamets doit estre appliqué, comme nous auons dict aux plaies.

De l'inflammation de la membrane du cerueau.

Chapitre xci.

Certes il aduient bien souuent, que apres l'operation manuelle, la membrane du cerueau est fort inflam-
mée, & non tant seulement elle penetre la crassitude de la caluaire: mais aussi elle transperse le cuir avec aucune repercussion. Et ainsi le mouuement naturel de la membrane empesché, il s'ensuit principalement conuulsion, & aultres symptomes, & accidents griefz, ou aussi mort. Mais ceste inflammation prouient ou par aucune em-
nèce d'oz spineuse, laquelle est laissée dedans, ou par compression de drappeaulx: aulcunes foys pour la froideur, ou
trop

trop grand vsaige de viande, ou par potion de uin, ou par aucune incertaine cause. Et si la cause est certaine, elle doit incontinent estre cherchée: & si elle est incertaine, il fault plus trauailler, car alors nous debuons faire phlebotomie, mais que aultre chose n'empesche: apres à cause de l'inflammation il fault user de viandes accommodees, & les remedes doibuent estre baillés selon le lieu: comme est insperſion d'huile roſat chaulde, ou ſomentations de decoction faicte de alhea, ſenugrec, ſemence de lin, ou de camomille, ou d'aultre ſemblable. Auſſi cataplaſmes faictz par diſſolution crue, ou de la ſemence du lin de la decoction predicte, & greſſe de geline, doibuent estre applicqués: & auſſi ſera commode user de laine trempée en cecy: debuons auſſi iſtiller aucune huile de celles, qui ſont propres aux inflammations, par deſſus la teſte, & au derriere, & dedans les oreilles: & fault auoir regard aux uiſceres, & aux unctions de tout le corps, & de baings d'eau. Et ſi l'inflammation perſeuerencore, & que par aucune aultre choſe ne puiſſe estre deſſendue, Hyppocrates commande de bailler mediquement euacuant la colere.

De membrane noircie.

Chapitre XCII.

MAis la membrane noircie, ſi la noirceur eſt en la ſommité, elle eſt curée par medecament ayant uertu de aſterger, cōme eſt celui, qui a trois parties de miel
k 5 meslées

meslées avec huille rosat , & mis dessus avec charpies: mais que les aultres choses aussi conuenientes soient baillées. Mais si spontanément elle est faicte noire , & que ceste noirceur descende fort au profond , principalement avec aultres griefues indices , certainement le salut est desespéré: car il est signifié mortificatiõ de chaleur naturelle . Certainement i'ay congneu aulcun , lequel ung an apres , qu'il auoit repceu plaie en la teste , & que la caluaire luy auoit esté terebrée , eschappa: & il auoit au deuant de la teste fracture faicte par sagette , laquelle auoit exit de pus , dont la membrane fut gardée sans blessure.

Des narilles contuses, & rompues.

Chapitre

XCIII.

LA partie inférieure des narilles , qui est cartilagineuse , ne se rompt point , mais se concasse , & baisse , & est distorte : mais la supérieure , ueu qu'elle est de nature d'os , aulcunes fois elle se uient à rompre. En ycelles Hyppocrates refuse ligature , laquelle certainement fasse plus le nez renuersé , & plus fort il le distorque : sinon que aucune chose par impulsion apparaisse , & s'esleue au milieu des narilles : certainement alors elle permet ligature avec application de médicaments , pource que le nez compressé en ceste partie , est restitué en figure naturelle. Donc si en la partie inférieure les narilles sont rompues , elles doibuent estre estendues , & reduictes avec le doig

doigt dict index, ou le moindre, iusques à ce, que par dehors soient reduictes en leur situation naturelle. Si cela interieurement aduenoit, le bout du specille mis au dedans, il fault faire semblable chose, ou incontinent du premier iour, ou ung peu apres: ueu que les oz des narilles uers le dixiesme iour sont endurcis: aussi par dehors avec le dict index, ou le grand doigt aux deux parties doit estre comprimé, & conformé. Et affin que ceste conformation, ou reduction uienne à conseruer sa figure, petitx coings tors, & ceintures au dedans d'une petite peau molle doibuent estre mis dedans en chascune partie, encores, que la distorsion uint tant seulement en l'autre partie: & iceulx coings y demoureront, iusques à ce, que l'oz soit corrobore, ou la cartil. laige endurcie. Toutesfoys il y a aucuns, qui mettent par dedans les narilles des plumes d'oye environnées d'ung panicule mol, affin que les parties ne uiennent à demourer basses, & empeschent, que la respiration ne se puisse faire: mais cecy n'est pas necessaire. Certes l'esprit peult estre porté par la bouche. Et si les narilles sont inflammées, il fault mettre ung emplastre d'iceulx, qui sont accommodés aux inflammations: comme est celuy, qui est faict de sucx, ou d'hyulle, auquel soit meslé uinaigre, ou telle chose semblable. Aussi les cataplasmes faictz de farine dicte simila triticea, avec manne, ou gomme cuietx sont commodes: par lesquelx aussi inflammation est reprimée, & les narilles sont cōtinues, & coherentes. Et si les narilles sont distortes uers l'autre partie, Hyppocrates commande apres reduction con

gruc

grue une petite bende large d'ung doigt mettre par dehors tout à l'entour: laquelle chose est ainsi faicte: l'ung des boutz de la bende illmi de glux taurin, ou gomme est agglutiné à la sommite du nez uers ce costé, duquel declime: lequel apres qu'il sera dur, la bende par derriere l'oreille opposite conduicte par derriere, & au front, & finalement sur l'autre bout est inserée, & firmée, affin que les narilles retirées uers l'autre costé soient dirigées en la figure moyëne: ce que toutesfoys n'est pas fort prouué des plus recents. Et si l'oz est rōpu en parties petites, ou il fauldra faire plaie, ou la dilater: & ainsi les fragments avec pincettes tirés il fauldra faire sutures, & mettre par dessus medicaments glutinatifs, comme aux plaies. Et si ulcere est dedans, charpies repliées en longitude, & avec aucun propre medicament illmis doibuent estre mises dedās: aussi aucūns ont accoustumé d'user de fistules de plōb iusques à ce, que le lieu soit sain, affin que aucune caruncule des ulceres ne soit permise à croistre.

De l'inferieure maxille rom- pue, & de l'oreille concusse.

Chapitre XCIII.

Certainement de la contusion de l'oreille, laquelle n'est point entre les affections des fractures, abondamment en a esté parlé au troisieme liure. Mais l'inferieure

rieur maxille par plusieurs causes est rompue : donc si
 par dehors seulement elle est rompue , non point trans-
 uersalement, de sorte, qu'elle tombe par dedans , & soit
 faicte caue, ce qui est facile à congnoistre , il fault avec
 les doigz de l'autre main, si la maxille est dextre, avec la
 dextre: & si à la fenestre, de la fenestre, c'est à dire avec
 les doigz ditz index, & medius , & par le milieu dedas
 la bouche mis l'interieure tumeur de la fracture le gecter
 au dehors le miculx, que faire ce pourra en la partie exa-
 terieure, & avec l'autre main par dehors le recepuoir:
 & cecy te sera indice, si la maxille est restituée en son sie-
 ge, quand les dents sont ueues esgales. Mais si la maxille
 est rompue en sorte de chou , à toutes deux parts par le
 ministre par derriere doibt estre entendue, & en sembla-
 ble sorte, comme l'ay dict dirigée: & apres, que cecy est
 faict, les dents, qui tombent en la partie rompue, tout ainsi,
 que dict Hypocrates, doibuēt estre liées avec d'or, c'est
 à dire avec lin d'or, ou or fillé. Et pèse, que ceste maniere
 est introduicte par Hypocrates, à cause, que l'or obeist,
 & se reduict au ply, que nous uoulons. Mais à cause, que
 cecy n'est pas à tous facile, il suffira, si avec ung fillet de
 lin fort, ou de soye, ou poil de cheual, ou aucun semblable
 entre soy soient ioinctes. Et s'il y a fracture avec ulcere, il
 fault chercher avec le specille, s'il y a aucune ruption fai-
 cte en l'oz: & si elle est trouuée , la plaie doibt estre ou-
 uerte plus large, si elle est petite: & les fragments des oz
 ostés, ou ung, ou plusieurs, avec instrument à ce ydoine,
 les labies de la plaie doibuent estre serrées avec sutures,
 & par dessus mettre emplastre, comme aux plaies, &
 faire

faire ligature. Et s'il n'y a point d'ulcere, nous userons tant seulement de cerat par dessus la maxille, & ligature propre, qui est faicte en ceste sorte. La bande située en l'oz occipital d'ung costé, & d'autre, & conduite plus oultre, que les oreilles iusques à la sommité du menton: en apres de rechef sera retournée uers l'occiput, & de luy sera reuolution sur le menton: puis apres par les ioues uiendra au synciput: & apres de rechef au dessoubz de l'occiput reduicte en ces extremitez là finera sa resolution: apres laquelle toutesfoys sera faicte superiection, c'est à dire qu'il fault adiouster une aultre bande au front, & la mettre à l'entour, les bouts entre eulx en la partie posterieure serrés: laquelle certainement uiendra à serrer toutes les aultres ligatures superieures. Aulcuns parauant mettent à la maxille une legiere serule, ou astelle, comme les aultres y mettent alute de esgalle longitude, & en apres font ligature, en la maniere susdicte. Les aultres usent de ceste espeece de ligature, laquelle est appelée capistrum. Mais si toutes les deux maxilles aupres de la sommité du menton en celle partie, en laquelle se cōioingnent ensemble, soient rompues, avec les deux mains prinses doibuent estre ung peu estendues: & ainsi de rechef doibuent estre conioinctes, & adaptées. D'auantaige les dents doibuent estre liées, ainsi que nous auons dict: & fault commander au malade, qu'il use de sorbitions, & uiandes tenues, & liquides: ueu que la manducation, & mastication luy nuist. Et si tu penses, que aucune chose est hors de son lieu, apres le troisieme iour tu le delieras, & en apres le relieras, & ainsi feras iusques

iufques à ce, que le calle uienne à croistre. Certainement la maxille, ueu qu'elle est rare, & meduleuse, principalement dedans troys sepmaines est glutinée au calle. Et si inflammation aulcune molestoit, il ne te fault rien laisser des infpersions, & cataplasmes accommodés à cecy: ce qui sera obserué semblablement en toutes choses.

Du iugule rompu.

Chapitre xcv.

LE iugule par sa naturelle situation adhere à la poitrine, par le bout interieur: & par l'exterieur est ioinct à l'articule de l'humere: à ceste cause quand il soubstient l'humere, & aussi le mesmes bras, s'il endure fracture, en quelque partie, que cela aduienne, presque, ce qui est uers l'humere, est incliné en bas, à cause, qu'il est tiré de la poitrine au bras, & est beaucoup miculx, selon l'opinion de plusieurs, quand il est rompu caulatim, que scandulatim, ou arundinatim. Car ce qui est rompu par trauers, facilement & par intension, & cōpression de doigz retourne en sa droite situatiō: mais aux aultres tousiours aulcunes chose s'eslieue, laquelle fort difficilement se uient à reduire. Parquoy s'il est rompu par toute son espaisseur, comment, que ce soit, il y aura deux ministres: l'ung tirera le bras avec les deux mains, lequel est adioinct au iugule rompu en l'exterieure, & superieure partie ensemble. L'autre reduira l'humere opposite par grād force, ou le col, affin q̃ l'extēsiō soit faicte: en apres
le

le medecin cōposera la fracture, poulsant avec les doigz les parties plus eminentes, & esleuées: & les cachées les attirera uers la partie exterieure. Et s'il est de besoing de plus grande contension, ou labeur, ung globe, ou aultre grosseur faicte de drappeaux, ou de laine mise soubz l'aisselle, le coulde doibt estre mis au costé contraire: & puis les aultres choses doibuent estre par faictes, comme deuant a este dict. Et si aulcune partie uers l'humour demeure basse, & que aulcunement ne se puisse esleuer, il fault faire ainsi: l'homme renuersé, & en son dos mis ung coïssinet conuenable, les deux humeres par le ministre doibuent estre comprimées au dehors, affin que l'oz du iugule caché se reflecte en hault: en apres la fracture doibt estre reduicte avec les doigz. Et si aulcune partie du iugule estoit rompue, & mise hors de son lieu, laquelle uint à poindre le cuir, doibt estre incisée, & en apres les esquilles doibuent estre tirées: en apres les aultres choses doibuent estre aplanies avec scalpres, ou pour custode de la membrane, ou avec aultre scalpre mis par dessus l'oz, affin que le coup puisse estre ferme. Et s'il n'y a point d'inflammation, il fault user de sutures: & s'il y en a, il fault user de charpies. D'auantage diuerses estoupades doiuent estre preparées, & entre ycelles aulcunes plus grandes: les aultres plus grosses, à cause de l'inclination de l'oz prominent: & s'il y a inflammation, seront trempées en huile, & sinon, seront mises seiches: apres ung globe bien fait de laine, & conuenablement mis soubz l'aisselle, il fault bender la bande aptement à l'entour conduicte par les aisselles, & le iugule malade, & l'espaule.

l'espaulle. Et si la partie du iugule, qui est deuers l'humere, est inclinée en bas, aux parties inferieures avec une bende large par la partie moyenne mise au coude, tout le bras doit estre mis au col: & avec ung aultre lië la main aussi suspenſe, tout ainsi, que nous auons de couſtume de faire en phlebotomant au deſſus du coude: si elle tend en hault, ce que bien tard aduient, ceste ſuſpenſion de bras delaiſſée l'homme doit estre ſitué à l'enuers, & doit estre nourri de uie tenue. Auſſi aulcunesfoys s'il eſt de beſoing, fault uſer d'inſperſion, mais avec moyen, iuſques à ce, qu'il uienne à prendre le calle. Certes le iugule au plus dedans uingt iours eſt ferme.

De l'espaulle.

Chapitre xcvi.

LA partie large de l'oz de l'espaulle, laquelle eſt appellée menſa, ne ſe rompt point: mais celle, qui eſt à l'eſpine, endure fracture: aulcunesfoys elle eſt compriſmée: aulcunesfoys eſt ſimplement rompue: aulcunesfoys, auſſi du tout rompue. La compreſſion eſt congneue par l'attouchement, ueu que la cavitè eſt manifeſte aux doigz en celle partie: auſſi pourras adiouſter, que la cõpreſſion baille au bras uoiſin endormiſſemēt, & douleur pongente. La ruption, aſperité du lieu, s'il eſt touché, & enſemble la douleur la monſtrēt, & à icelles toutes deux il fault ſecourir par la curatiõ propre, & accommodée aux inflammations. Auſſi la fracture totale eſt congneue par la

l main,

main, en laquelle si l'oz immeu, & non agité se repose en son lieu, par ligature conuenante compressé par soy mesmes se reioinct. Mais meu en son lieu, s'il uient par ponctions à molester la chair, il est extraict par incision faicte, & suture est applicquée comme a este dict au parauant: les ligatures aussi doibuent estre faictes comme au iugule: & soit couché sur le costé opposite.

De la poictrine.

Chapitre

xcvii.

LA partie moyenne de l'oz pectoral a acoustumé de se rompre avec expressiō: mais sa sommite aussi se rompt du tout. Quand il aduient ruption distorte, douleur en ce lieu, & inequalite, & bruit, ou son à la semblâce du bruit, qui se faict par l'attractiō des doigz, s'ensuit. Mais ces choses declarent l'expressiō faicte: douleur uehement, difficulte de spirer, toux, la membrane enuironnant irritée, bien tard aduient flux de sang: mais aucunes fōys concavitè, & sinuation de l'oz rompu. Et aussi icy telle curation doibt estre baillée, que en la scapule rompue. Mais en l'expressiō a este baillé par Hypocrates la maniere fort propre de remettre le iugule cheut en la partie interieure: l'homme resupiné, & renuersé en son doz, comme a este dict, ung coïssinet mis deffoubz, les espaules doibuent estre deprimées: & les mains ensemble ca, & la mises les costes doibuent estre compressées, & esleuées en hault, & laine doibt estre mise

mise dessus les costes, & fault faire ligature orbiculaire (en enuelopant la rondeur du corps) Toutesfoys premierement y seront mises deux bendes au dessus des humeres pendāt droictemēt en droict: desquelles les boutz apres le bendaige faict serōt reduicts aux humeres, & là seront noués: en ceste sorte certainement est faict, que ce bendaige orbiculaire ne pourra point tomber en bas.

Des costes.

Chapitre

XCVIII.

DES costes, qui aussi sont appellées *spathæ*, celles qui sont osseuses en toute partie, souffrent fracture: mais les faulces tant seulement pres de l'espine, uen que là seulement sont osseuses: car en la partie enterieure en laquelle se changent en catillaige, se concassent: mais non point qu'elles puissent estre rompues. De laquelle chose le signe n'est point difficile: certes inequalite de lieu, son, ou bruit, & declination aduient en la partie rompue aux doigz de celuy, qui faict l'attouchement. Et si l'oz est incliné au dedans, douleur uehement, & pongente l'infeste: certes plus griesue, que celle, qui est sentie en la maladie du costé: car icy la membrane enueloppant les costes est bleßée, comme par aucune poincte: d'auantaige il y a difficile spiration, toux, & aussi bien souuent s'ensuit crachement de sang. Parquoy toutes les aultres declinations des costes peuluent estre composées, & conformées avec les doigz:

mais celle seule, qui est faicte en la partie interieure, nullement ne peult estre reduicte, ueu que la faculte n'est point donnée de l'estendre. Dont en ce cas icy il y a aucuns, qui commandent d'user de uiandes instantes, & abondantes, affin que par l'inflation, & distension du uentre la fracture soit poulsee en la partie exterieure. Mais cecy n'est point necessaire: certainement quant à ce, qui appartient à cecy, il n'y a rien commun au thorax avec les membres nutritifz: avec ce, que ie laisse l'inflammation, qui s'ensuit, & est augmentée par la repletion. D'autres applicquent cucurbitules: ce qui n'est point hors de raison, sinon que collection des humeurs par attraction en ce lieu plustost poulsast l'oz rompu interieurement. Parquoy Soranus parle ainsi: ces lieux icy soient couuerts avec laine trempée en huyle chaulde: & en apres la partie intercostalle soit remplie de linteoles, affin que la ligature puisse estre faicte pleine par la reuolution orbiculaire, comme a este dict en la poitrine. Les aultres choses soient faictes, comme en la douleur du costé, selon que la grandeur le requerra. Mais si necessite aucune contrainct par grande punction de la membrane, le cuir doibt estre incisé en ce lieu, & la partie de la coste rompue doibt estre ouuerte, ayant mis aucune garde sur la membrane, affin que ne soit point blessée: & la coste fort diligemment esleuée, & les esquilles poignantes doibuent estre ostées. Apres cecy s'il n'y a point d'inflammation, il conuient conioindre les labies de la plaie, & ainsi comme les aultres plaies la curer: & s'il y a inflammation, le lieu doibt estre couuert
avec

avec charpies mouillées en huyle: en apres fault bailler aliments, & medicaments accommodés aux inflammations, & permectre au malade, qu'il se couche, comme il se trouuera mieulx.

Des cuiffes, & des oz pubis.

Chapitre XCIX.

LEs oz des cuiffes, ou des ylies, rarement sont rompus: toutes foyz ilz prennent telles especes de fractures comme les espaulles. Certes il se rompent aupres de leurs fins, & se rompent par longitude, & au milieu endurent expression: ces choses icy ensuit douleur du lieu, & punction de la iambe avec sentiment de pulsation, & quand l'expression est faicte, stupidité de la iambe s'ensuit. Elles requierent telle maniere de composition, comme aux espaulles, excepté que en la fracture elles ne permettent point incision, ne aucune exemption d'esquilles pour le peril des parties exterieures. Mais quand il aduient fracture, il la conuient reduire, & compter avec les doigz. Aussi le demourant de la curation, qui s'ensuit, doibt estre consentanée tant aux inspersions, que aussi à la repletion par drappeaulx doubles, des cauités des ylies, affin que le bendaige soit fact plain orbiculairement. Semblables choses du pecten, c'est à dire de l'oz pubis, doibuent estre dictes, uen qu'il n'a rien propre, & particulier.

Des uertebres, & de l'espi- ne du doz, & l'oz sacrum.

Chapitre c.

LEs eminences des uertebres aulcunesfoys souffrent contusion, & rarement fracture: laquelle, quand elle est faicte, les membranes de la medule comprimées, ou aussi la mesme medule, s'ensuiuent affections de nerfs, & aulcunesfoys prompte mort: principalement si la fracture estoit faicte pres des uertebres du col. Parquoy le medecin doit tout premierement predire le grand peril, en quoy la chose est: en apres s'il se peut faire, il fault se hazarder, & la diuision faicte fault oster les esquilles, lesquelles compressoient la dicte medule: & si ce ne se peut faire, à tout le moins il fault user d'aucune curation sedant l'inflammation, & qui sede la douleur. Et si aucun des proces des uertebres est rompu, c'est à scauoir, de ceulx, qui constituent ceste extuberation, laquelle proprement est appelée spina, ce qui est entendu par cecy: car il est senti par celuy, qui le manie, ung fragment d'oz tombant ca, & là, & le cuir incisé sur ceste partie doit estre osté hors, & auoir faict sutures doit estre curé comme plaies. Mais si l'oz sacrum est rompu, le doigt de la senestre main appelé index doit estre mis dedans le fondement, & avec l'autre main la fracture doit estre cōposée, le mieulx que faire ce pour-

ra. Et si abruption est sentie, semblablement l'incision faite, ce qui est separé de l'oz, doibt estre tiré: en apres ligature doibt estre commodement applicquée, & curacion doibt estre faicte.

Du bras.

Chapitre ci.

LE bras rompu, comme baille Hyppocrates, est ainsi estendu. Vng boys, comme il dict, ung peu long, ainsi comme une petite coulonne, soit prins, & par les boutz extremes soit lié avec cordes, & à trauers soit pëdu à aucuns trabs: en apres l'höme sera mis tout droict en aucun hault siege, ou à tout le moins soit situé en telle figure, laquelle baille occasion de dormir tenant le col droict. Et apres que cecy est faict, sa main doibt estre tirée ensemble avec le bras par dessus ce boys, iusques à ce, que l'aisselle en la moyenne partie du boys soit inserée par trauers: en apres le ministre soubstienne la main avec la sommité du coulede inflexé au droict anglet: le medecin, aucun poix, ou pierre, ou plomb annexé au coulede, de sorte qu'il pende suspendu, doibt commencer la reposition de la fracture. Le ministre aussi peult tirer le bras en bas sans suspendre aucun poix: aussi aucuns au lieu de la coulonne ont usé de degrés d'eschelle. Mais Soranius baille en ceste sorte: l'homme, comme il dict, situé en ung siege, ou renuersé, ce qui est meilleur, affin qu'il ne soit uexé de douleur, & sa main liée pres de l'article, & pendue au col en sorte

toutesfoys , que la figure du droict anglet soit gardée, nous commanderons à deux ministres, l'ung qu'il tienne le bras par dessus la fracture , l'autre par dessous , & qu'il uienne à mouuoir diuersement. Et s'il est de besoing d'extension plus forte, nous prendrons deux ligatures, & attacherons l'une au bras par dessus la fracture: & l'autre par dessous: & les baillerons à tirer diuersement à deux ministres. Desquelz l'ung sera à la teste, & l'autre aux piedz du malade . Et si la fracture est en la sommité del'humour , celuy ministre, qui sera à la teste, tiendra une ligature passée par dessous l'aisselle: l'autre tirera les bras en la partie contraire, affin que extension soit faicte en diuers lieux, comme a esté dict. Semblablement s'il y a lesion par dessus l'eminence du coulede, une attache doibt estre mise au coulede, & à l'article de la main: & apres, que les os sont reduictz, on doibt relascher l'extension , & fault bender iouxte la loy Hypocratique . Et si la fracture est sans inflammation, & recente, il fault user de bendes simples, & longues , larges de troys, ou quatre doigz , mouillées en eaue, ou en posca. La ligature sera ainsi faicte . Si la lesion est au milieu du bras, le premier bendaige doibt estre commencé par dessus la fracture: & la deux, ou troys foys reuolue doibt estre menée en hault, affin, cōme il dict, que la fluxion du sang soit phibée, & là il se doibt finir. En apres la secōde doibt estre appliquée, laquelle aussi doibt cōmēcer sur la fracture, & en toutes choses doibt estre faicte semblable à la premiere: sinō que cōmencāt à la superieure partie el le pcede en bas, & en apres de rechef reuolue se finist en la partie

la partie superieure, & toutes deux moderémēt, & à nostre sens, & du malade seront serrées. Et si la fracture est en la sommité de l'humere, avec la premiere bēde, & l'humere, & l'espaule, & la poitrine doibuent estre comprins, affin que soit faicte ligature, qui est appellée grunaria: & l'autre conduicte iusque au coude, & en apres de rechef reduicte aux parties superieures, doibt estre environnée non aultrement, que la premiere, à l'humere, espaulles, & poitrine Et si le bras est rompu en la uicinite du coude, aussi le coude doibt estre lié, la figure angulaire gardée. Semblablement aussi aux aultres membres longs, comme coudes, cuisses, & iambes doibt estre fait: car si la fracture aduient non poinct au milieu, mais plus oultre, ou aussi pres des articles, la fracture est liée ensemble avec l'article. Certainement les plus recents apres la ligature applicquent par dessus de petites ascelles, par lesquelles les os sont contenuz en leur siege, & le serrent conuenablement, & au sens, & à la tumeur de l'inflammation. Mais les anciens ne les applicquent poinct si non apres le septiesme iour: certainement dedans ceste espace l'inflammation cessée le membre est rendu plus gresle. Car aussi certainement Hippocrates commande de le desbender de troys en troys iours, affin que si long temps le membre tenu couuert aulcune chose ne soit poinct esleuée, ou meue, ou que soit prohibée d'inflation, à la fracture si elle est desia firmée: de laquelle chose non tant seulement prurit nuisible, mais aussi par acrimonie de sanie aucunesfoys par le cuir corrodé est faicte ulcere. Parquoy le lieu doibt estre fomenté aultant d'eau temperée, que

l s soit

soit ueue suffisante à discutiſſer la ſanie. Et apres, que le ſeptieſme iour ſera paſſé, il ne fault poinct ſi toſt reſoul- dre: car le membre ne geſte plus de ſanie, & le calle croiſt mieulx ainſi. Mais les aſcelles doibuent eſtre applicquées en ceſte maniere: nous enuelopons à l'entour avec bendes triples drappeaulx baignés en huylle: & ſi le membre eſt eſgal en groſſeur, eſgallement. Et ſ'il eſt inegal, le membre tout à l'entour ſoit rendu eſgal, pour mieulx ſituer les aſcelles, de ſorte que les parties caues ſoient rendues eſgales. En apres nous ſituerons les aſcelles moyennement enu- elopées d'eſtoupes, ou de leine à l'ëtour de la fracture: & n'auront poinct de diſtāce entre elles moins, que d'un- doig, & les ſerrerons legierēment: euitant grandement tant, que faire ſe pourra, que aucune ioincture, & princi- pallement l'inſtérieure partie de la flexion ne ſoit touchée d'elles: aucunesfoys certainement elles ſont en ces par- ties ulceres, & inflammations de nerfs. Parquoy elles doibuent eſtre ſort briefues pres des articles, tout ainſi, qu'elle doibuent eſtre ſort puiſſantes en celle partie, en la quelle eſt la fracture. Il eſt beaucoup mieulx auſſi, que le bras ſoit lié uers le thorax legierement, affin qu'ilz ne ſor- te poinct hors par mouuement de la figure, en laquelle il eſt reduict. Et ſi parauanture il y a inflammation, laquel- le eſt amaſſée tant par tumeur, que rougeur, qui eſt à l'en- tour, & auſſi pource, que alors le membre ſe ſent plus cō- trainct, qu'ilz n'eſtoit parauant, ou ſi la fracture eſt di- ſtorte: ou auſſi ſ'il n'y a rien de ces choſes ſuſdictes, mais que la ligature ſoit ueue eſtre plus laſche, ou plus ſerrée qu'elle ne doit: pour toutes ces choſes icy il faudra deſ- bender,

bender, & secourir par propres remedes. Et toutes ces choses ainsi faictes le patiēt doibt estre mis à la renuerse, la main mise sur l'estomach: en apres avec alute molle mise au bras, laquelle certainemēt uïene à recepuoir infusiōs, toust les iours huille chaulde doibt estre inspergée: & principalement s'il y a inflammation: auquel temps aussi il doibt estre nourry fort subtilement: puis apres, quand il fault, que le calle croisse, plus abundamment. Il fault certainement qu'il repose, iusques à ce, que le membre soit firmé par le calle: il est firmé tant le bras, que la iambe dedans quarente iours: apres lesquelz il fault resouldre, & user de baing, & la curation doibt estre pour suite avec emplastres accōmodés à fractures. Et certainement ceste maniere de chirurgie est fort conuenāte à toutes aultres fractures tant des bras, que des iambes.

Du coulde, & de radius.

Chapitre cii.

Certainement le coulde, & le radius aulcunesfoys l'ung, & l'autre ensemble sont comminués: aulcunesfoys tant seulement l'ung: & celuy ou il rompt au milieu, ou plus oultre, c'est adire pres de la flexure du bras, ou de l'article de la main. Et le pire de tous est, quand l'une, & l'autre ensemble sont rompus: & moins de mal est, quand se seul coulde est rompu: le plus legier de tous est, quand il aduient dommaige au seul radius: car iacoit que

que radius soit plus grand, que le coude, toutesfoys il a le coude, sur lequel il est couché. Donc si l'ung seulement est rompu, en celle partie l'extension doibt estre plus forte: & si l'ung, & l'autre, ilz doibuent estre estendus esgalemment, la main serrée au droict anglet, de sorte que le poulce soit le plus hault de tous les doidz: & le petit plus bas de tous: ainsi certainement sera faict, que le coude soit situé soubz le radius. Et s'il est de besoing de plus grande extēsiō, principalement quand l'ung, & l'autre oz est rompu, il fault estendre non seulement avec les mains, mais aussi avec attaches fortes, ainsi que nous auons dict du bras. Toute ligature, & autres choses ensemble avec l'applicatiō des ascelles selon la maniere, qui est là comprinsē, doibuent estre faictes iusques à ce, que les oz soient reioinctz. Mais les oz du coude ont de coustume de se glutiner pour le plus par l'espace de trente iours. Aussi le relaschēment, & bendaige doibuent estre semblables, comme au bras rompu: excepté toutesfoys ces choses, qui sont mises dessoubz.

De la main, & de ses doidz.

Chapitre.

CHIII.

LEs oz de la premiere partie de la palme, & aussi ceulx, qui remplissent la dicte palme, & les oz des aiax, iacoit, qu'ilz soiēt rares, & par nature cauerneux, le plus souuēt ilz ont de coustume d'estre frappés, & rarement

rement rompus. Parquoy le patiēt doib estre situé en ung siege hault, & luy fault commander, qui couche la main par dessus ung banc esgal, & ainsi la partie rompue esté due par le ministre avec deux doidz, c'est ascauoir avec le poulce, & le second doig doibt estre composée, & reduicte: en apres doibt estre liée fort estroict, principalement en ce temps, que l'inflammation aduient: car pour cause de la rarité facilement est faict, que en elle uienne croistre trop de calle. Et quand ung oz du doig, ou tout le doig est rompu, si celuy est grand, lequel est appelé pollex, il doibt estre lié en bas par bendeige apte, affin q'ilz repose iouxt la palme inférieure: & si le index, ou le petit, doibt estre lié avec son uoisin: & si aucun des moyës, avec ceulx semblablemēt, qui sont des costés: ou aussi tous ensembles doibuent estre liés. Ainsi certes ilz reposent mieulx, non poinct aultrement que s'ilz estoient liés avec ascelles.

De la cuisse.

Chapitre

CIIII.

LA raison de la curatiō de la cuisse conuient avec celles, qui ont esté dictes parauant du bras: toutesfoys elle a cecy propre, & familier, que quand elle est rompue, elle se incline en la partie exterieure, & anterieure: esquelles parties elle pend aussi par latitude naturelle, & est estendue, & avec les mains, & avec liens, & avec uaisseaulx esgallement estendus, l'ung au dessoubz de la fracture,

cture, l'autre au dessus. Et quand la fracture aduient en hault, & non point en la partie moyenne, si elle est au bout de la cuisse, le lien enuelopé par le milieu de laine, à cause qu'il ne couppast le corps, doibt estre mys entre les cuisses, & ses boutz assemblés ensemble pres de la teste doibuēt estre tenez par le ministre: en apres au dessoubz de la fracture l'autre estendra le lieu, qui est mis ou dessoubz la fracture, & estendra au contraire. Et si l'oz est rompu pres du genoil, semblablement nous mettons par dessus le genoil ung lien pour l'estendre: mais le genoil doibt estre serré par aucun lien enuelopé à l'entour. Et ainsi le patient couché, & la iambe estendue nous traitons, & composons le lieu: excepté tousiours (comme souuent a este dict) si aucune chose pōgnoit la chair à la semblance d'aucunes pointes. Nous auons baillé le demeurant de la curation au bras. La cuisse se endureist dedans quarante iours. Mais nous dirons apres la cure de toute la iambe, comment le bendaige doibt estre osté, & remis.

De la rotule des genoilz.

Chapitre

cv.

LA rotule est oz rare, lequel est contenu par dessus de chair, & de nerfz, & au dessoubz de ligaments forts: & pour ce bien souuent elle endure collision, & blessure, & raremēt fracture. Parquoy aucunes foys, elle se

se rompt entierement par toute son espaisseur, & aucunesfoys en petites pieces : & cela aduiet aucunesfoys avec plaie: aucunesfoys sans plaie: de laquelle chose la cōsideration est asēs manifeste: certainement le mouuement de la continuité est senti, & la cauite en ce lieu, & aucun son est senti par touchement. Elle a de coustume d'estre ainsi reduicte: si elle est diuisée en deux parties, la iambe estendue avec les doidz peu à peu doibt estre compellée iusques à ce, que les labies de l'oz rompu soient ioinctes, & qu'elles se touchent. Et si elle est rompue en petites parties, elle doibt estre conformée, & firmée: & s'il ne se faict aucun calle, pour ce, que la rotule d'ung costé, & d'autre de la cuisse, & de la iambe inegalement peut estre estendue par les muscles, & nerfz là cōioinctz, bien loing de la naturelle distance sera conioincte, & baillera difficulté à la fonction. Et certainement si aucun operateur se fatigueoit par trop long tēps, le genoil ne le peut poinct tolerer: car s'ilz chemment en lieu plain, facilement le uice est caché: & quād ilz montent à cause, que le genoil ne se peut ployer en la leuation, ou abaisement de la iambe, alors le uice est congneu. Et si aussi icy aucuns petits oz molestoient par ponctions, ilz doibuent estre ostés: & les autres choses doibuent estre faictes, comme nous auons dict.

De la iambe,

Chapitre

IL y a grande conuenance de la iambe avec le coude: car aussi elle est faicte de deux os, l'ung groz, lequel par ung mesme nom est dict tibia: l'autre, lequel est plus gresle, lequel est appelle sura: & elle endure semblables genres de fractures, & est inclinée en toutes parties: quand l'ung, & l'autre est rompu, en trois: & quand l'ung est comminué en la partie interieure, & exterieure: aussi la iambe en la partie posterieure, & la sura en l'interieure. Et pource aussi la iambe, ainsi que le coude, doit estre estendue avec les mains, ou avec laqs: les liens aucunesfoys doibuent estre applicqués à la iambe: aucunesfoys à la cuisse: car si le genoil est fort, & puissant, la ioincture aussi en l'extension demeure sans lesion. Par semblable raison tout ainsi, que nous auons dict au coude, il nous fault user d'ung aultre lien, lequel est mis au dessoubz de la fracture: les aultres choses doibuent estre faictes comme au bras.

Du pied.

Comme ainsi soit, que le talon soit muni de toutes parts au dessus de la tibie, & sure, & au dessoubz de l'os quadré du calx, nullement ne peult estre rōpu. Mais scaphoides, lequel on appelle nauiculaire, & aussi les os de la plante, & des doidx, & aussi l'os carré, ont accou-

stumé

stamé d'estre rompus à la similitude de ceulx, qui sont en la premiere partie de la palme, & en la mesme palme.

Parquoy la consideration d'iceulx fault remectre là, affin que si souuent ne soyons contraincts repeter semblables choses.

De la deposition de iambe.

Chapitre

CVIII.

Avssi grande diligence doit estre baillée à situer la cuisse, & la iambe, que à toutes les aultres parties: car la deposition, ou situation premierement concerne l'equalite des parties rompues. Parquoy aucuns serrent le membre rompu, ou aussi toute la iambe, dedans ung canal: les aultres dedans ung instrument de boys: les aultres dedans ung instrumēt creux: aucuns, quand ilz sont seulement rompus avec plaie, les situent ainsi, à cause, qu'ilz ne peuuent poinct estre serrés, comme ilz disent. Mais les medecins posterieurs totalement ont regecté l'usaige des canaulz: principalement pour ce, qu'ilz molestant le membre offensé en le pressant par leur dureté. Certainement l'usaige n'est pas si interdict, que nous ne pouvions bien commodement les oz rompus avec plaie environner avec ascelles, comme nous dirons puis apres. Mais la situation de la iambe sont ainsi: l'homme est situé à la renuerse, & ung drappeau espés est estendu à sa cuisse, & principalement en ceste partie, ou est la fracture, aussi long come

la iambe: lequel doibt estre ainsi enuelopé à l'entour, qu'il fasse au milieu une cavitè semblable au canal. Par dessus laquelle aulcune alute molle, & deliée doibt estre estēdue pour recepuoir les liqueurs, que on uendra à mētre par dessus: & ainsi puis apres est accommodé à la iambe, tout à l'entour deuers les costés aultres drappeaulx, ou laine inserée affin qu'elle ne decline à l'une, ou à l'autre partie. Apres cecy une petite tablette enuelopée d'ung drappeau, affin qu'elle soit plus molle, est située soubz le pied toute droicte: & affin qu'elle demeure plus fermement, la iambe doibt estre liée mollement par deux, ou troys liens mis en ce drappeau faict en canal aux parties moyennes. En apres, affin que le malade impatient ne puisse, & ne se par force de retirer tout le pied, nous debuons le lier en la partie superieure avec une bende par le milieu doucement le serrer contre la tablette: affin, que quand il dort inuoluntairement, ne la uienne à tirer. Il y a aulcuns, lesquels uiennent à parforer la coultre du liēt au milieu, affin que l'homme demeure sans estre meū: & par ce pertuis il uienne à uriner, & purger le uentre, iusques à ce, que la fracture soit endurcie par le calle.

Des fractures avec plaie.

Chapitre

CIX.

Quand aussi il aduient plaie à la fracture, s'il y a effusion de sang, premieremēt elle doibt estre retenue: & s'il y a inflammation, semblablement à elle fault secourir
par

par propres remedes: & si la chair est ueue contuse, ceste partie doibt estre scarifiée, affin que le peril de gangrene soit osté Et si ou la gangrene, ou aulcune putrefaction serpente occupoit desia, medecines propres à ce doibuent estre appliquées. Toutes ces choses ont esté desia baillées par nous en nostre quatriesme liure. Mais s'il n'y a rié de ces choses, ne aussi grãde partie d'oz n'est poinct desnée, ayant usé de crochet, & de sutures, nous curerons par medicaments, qui sont mis aux plaies recentes: toutesfoys premieremēt osterons les fragments, & esquilles, qui poignent, & sont sur la plaie. Mais si aulcun groz oz apparoist, lequel ne puisse estre remis en extension, il fault pouruoyr à celuy. Certainement Hippocrates deffend en la cuisse, & aux bras rompus de mettre hors les oz apparents, nous admonnestant, si l'auons fait, que nous uoyons le grand dangier, qui est pour l'intension de l'inflammation, ou conuulsion de muscles, & de nerfz. Mais le temps aussi de ceste chose aulcunesfoys nous a monstré l'application de ceste chose n'estre poinct inutile. Parquoy quelque oz eminent que nous commencions de composer, premierement nous debuons eüiter cela, que nous ne faisons poinct ceste reduction d'oz au temps de l'inflammation: mais ou tout incontinent au premier iour auant qu'elle aduiēne, ou apres le neufiesme, qu'elle sera ia finie. Mais nous reduirons les oz demeurants avec ung instrument dict uerticulon: lequel soit conuenablement espés, c'est à dire instrument de fer, qui est l'oing de sept, ou de huit doidz: lequel sera en sa sommité agu, & large, & recurué doucement: cest instrument uers la

partie ague mis soubz l'eminence de l'oz nous poulsions uers la partie contraire: & ainsi aulcune disipation, & diuulsion mediocrement faicte, nous remettons les boutz de la fracture entre eulx. Et si en ceste sorte la chose ne uenoit à obeir, il fault couper tout ce, qui apparroist dehors avec scalpres tout ainsi, que par dessus nous auons dict, là ou nous parlions des fistules: & puis apres l'asperite des oz allegée, & le membre adresseé, nous curerons avec charpies. Mais il fauldra donner bonne diligence aux membres conioincts, & ayants deux ioinctures, que quand l'ung, & l'autre oz en yceulx sera diminué en partie, qu'ilz ne soient pointz laissés contrainctz: auquel certainement il est besoing de distension exquise, affin que soit gardée esgalle maniere uers les deux parts. Mais la ligature doibt estre ainsi faicte: reuolutions rondes sont appliquées obliquement par dessus l'ulcere en longitude uers l'une, & l'autre partie de l'ulcere, de sorte, que par decussation à la semblance de la lettre X de tous les lieux il n'en soit pointz delaisé aucun ouuert: & si encores l'ulcere est sordide, medicamēts expurgeants sont applicqués avec charpies: & s'il est net, avec medicaments sarcotiques, & autres selon l'usage. Toutesfoys Hypocrates à cecyuse d'emplastre de poix avec charpies: lequel on dict qu'il est tetrapharmacon basilicon. Et apres, que la chair sera desia crue, les ascelles doibuent estre mises à l'étour: toutesfoys aucuns aussi du commencement les appliquent, euitant le lieu de la plaie, & à ceste heure ilz laschent, à ceste heure le serrent, comme la necessite le requiert. Et si aulcune scame de l'oz se resoult, cela peut estre

estre congneu, pource, que l'humeur fluiet plus copieuse, & tenue, & la chair à l'entour de l'ulcere est faicte laxé, & molle, & est esleuée: auquel cas la ligature doit estre laschée. Mais apres, que nous aurons getté hors l'esquame avec crochet, ou aultre tel instrument, de rechef doit estre serrée: mais par tout le temps, que l'ulcere est curé, il fault mettre dessus la plaie avec charpies aucun médicament prohibant, & sedant l'inflammation: & fault user de simple ligature, laquelle en apres soit desliée, quand nous uouldrôs fomentér, & nourrir l'ulcere: mais les autres ligatures dessusdictes demoureront ainsi, que a esté dict du bras.

De la supercrescence du calle aux fractures.

Chapitre

CX.

LEs supercrescences du calle aux fractures totale-
ment rendent le membre difforme: aucunes fois au-
ssi s'ilz sont pres de l'article, portent empeschement à la
fonction. Parquoy si elles aduiennent, & que le calle soit
encores recent, nous userons de médicaments fort adstrin-
gents, & applicquerôs ligatures fort serrées, aucunes fois
aussi userons de lamine de plomb. Et si le calle est desia
faict solide, & dur, là le cuir ouuert doit estre deradé,
& sa partie eminente (s'il est de besoing) doit estre coup-
pée avec scalpres, & terebres.

De ceulx, ausquelz le calle
est creu en la dis
tortion.

Chapitre.

CXI.

Q Vant le calle est creu en la distortion, il apporte grand incōmodité: principalement s'il aduient aux piedz. En laquelle chose ueu, que la maniere de extēdre le membre, & restituer les oz en leur premier siege est fort perilleuse, elle ainsi ne se doibt poinct permettre: mais si le calle est encorcs tendre, nous debuons user de fomentations laxātes, & cataplasmes, & de ceulx, qui sont faictz de figues seiches, & grasses, & fumier de coulomb, & aultres medicaments resoluants le calle: mais s'il est dur, il fault couper la sommite du cuir, & rompre la glutination de l'oz, avec scalpres, & de rechef remettre les oz ostés en leur siege, comme a este dict par dessus.

Des fractures, qui perseuerent sans calle.

Chapitre

CXII.

A Vlcunesfoys fractures durent sans calle oultre le terme prescript de nature, pour beaucoup de causes: ou certainemēt pour solutions frequentes, ou pour fōmētations immoderément faictes: ou pour le mouuement

importun, ou il aduiet par multitude de bēdes: aussi aulcunesfoys, que tout le corps n'est poinct nourri: auquel cas le membre aussi est fait maigre. Parquoy il fault avec les autres causes principalement secourir à la gracilité: ce qui sera fait, si nous attirons la matiere au membre avec application de choses chaudes, ou nous bailleyons plus abundant aliment, & baings, & autre hilarité d'esprit. Mais de ceulx, qui sont desia mueterés, beaucoup de choses peuluent estre pour signe: & principalement celuy, car les bēdes sont ueues sanglantes, encores qu'il n'y aye poinct de playe: ce que par aduanture aduiet pource, que quand la substance du calle uient à se ioindre, & à se mettre dedās les meatz cauerneux des oz, exprime en apres goutte de sang.

Des luxations.

Chapitre CXIII.

SEnsuit, que apres la fracture des oz, nous parlions de leurs luxations. Donc luxation, affin qu'elle soit définie par aulcune formule, est exit de article du propre siege en ung estrange, par lequel le mouuement uoluntaire est empesché. Certainement de ceste luxation il n'y a pas plusieurs especes, si non d'autant qu'elle aduiet plus grāde, ou plus petite: car quand les articles se ostent du tout, par nomination du commun genre est appelée luxation: mais quand il est ung peu osté de son siege, ou iusques au supercile de la cavitē, il est dict subluxation

De la maxille inferieure,

Chapitre.

CXIIII.

LE commencement doncques de rechef prins aux parties superieures, il nous fault parler de la maxille inferieure: car la superieure, à cause qu'elle est immobile, elle est estrange, & hors du uice de luxation: mais l'inferieure iacoit, qu'elle n'endure poinct du tout parfaite luxation, à cause, qu'elle a les boutz fixes fermement en la partie superieure en facon de gond, toutesfoys souuēt elle est, ung peu luxée: car les muscles, qui la contiennent, facilement sont relaxés de toute cause, ueu qu'ilz sont faictz plus molz par assidue exercitation de mascher, & parler: certainemēt chose pressée, ou deprimée selon Hyppocrates est tout ung, que chose relaxée: laquelle chose quand elle aduiēt, spontanéement, & sans aulcune difficulte l'article retourne en son siege. Mais de la parfaite luxation de maxille il suffira, si nous mettōs icy les parolles de Hyppocrates, par lesquelles il explicque briefuemēt, & cleremēt, sans aulcune faulte. Certainement il parle ainsi: la maxille rarement sort dehors: bien souuent elle est deprimée en trop frequentes apertions, & baillements de bouche: ce que aux aultres beaucoup de declinations de muscles, & de nerfz a accoustumé de uenir. Mais quand elle sort dehors, il est tout manifeste, ou notoire principalement par ces indices: la maxille inferieure elle est par dehors eminēte uers la partie anterieure: & quād elle est

est meue, la cheute est ueue au contraire : aussi la continuation de l'oz, & son extreme partie apparoit plus eminente iouxte la superieure maxille : & ceulx, qui endurent cecy, ne peuluent point mouuoir les maxilles sans douleur. Aussi il est tout cler, quelle reduction est congrue; certes l'ung doibt tenir la teste, & l'autre la maxille inferieure le plus moderément, qu'il pourra, l'homme tenant la bouche ouuerte les doigz au menton: icelle & par dedans, & par dehors prise premierement, il doibt agiter aucunemēt ca, & là, & apres il doibt poulser, & commander au malade, que aussi ensemble il poulse la maxille laxée, & qu'il obeisse à celuy, qui poulse, & reduict: il fault auoir soing, que principalement elle soit meue tout ensemble, & soubdainemēt uers trois parties: car elle doibt estre compellée à la distorsion en la naturelle situation, & tout à ung coup par derriere la maxille inferieure doibt estre meue: & ainsi cecy, & l'ung, & l'autre doibt estre ainsi moderé, que par ung mesmes temps toutes deux aussi soient conioinctes, & qu'il n'y ayt point aucune ouuerture. Mais la reposition est telle, laquelle certainemēt ne peult point estre faicte par aultre maniere. Certainemēt briefue medecine suffira: en apres nous applicquons ligature laxee en met tant une compresse cerée. Toutesfoys l'administratiō est plus seure, si l'homme est recliné à la renuerse, & que sa teste aussi soit tenue par le ministre: premieremēt ung coïssin mis par dessoubz biē situé, & ferremēt, affin qu'il ne se abbaïse. Et si l'une, & l'autre maxille est luxée, la curatiō est seblable. Et ceulx, qui endurent cecy, ne peulēt point serrer la bouche, ueu

que les maxilles sont plus eminentes en la partie extérieure: la direction desquelles peult estre congneue principalement par la correspondance des dents superieures avec les inferieures: tu remettras le dents en leur ordre: & le plus tost, que tu pourras, reduiras les maxilles. Or desia est dicté la maniere de reposition, sinon que aucune chose aduint, c'est à sçauoir aucun peril de vie par fiebures continues, ou par ung sommeil profond: certes ces muscles icy induisent sopleur, quand ilz sont contre nature, ou alterés, ou estendus. Aussi leurs deiections de uentre communement sont bilieuses, & en petite quantité, & pures: aussi s'ilz uomissent, leurs uomissements sont purs: & certainement ceulx icy, ausquelz aduint telz accidents, meurent. Et cecy dict Hyppocrates. Mais nous aussi bien souuent auons usé principalement de ceste maniere de reduction: tant seulement tout premierement nous fomentons la maxille luxée avec eue chaude, & huille avec une esponge, principalement si elle est dure, & qu'elle n'obeisse point à l'entrée: en apres l'homme situé de sorte qu'il soit assis sur la terre, les ministres de mourants derriere, nous ad-
ministrons l'œuure en la
maniere, qui est dicté
par Hyppo-
crates.

Du iugule, & sommité
de l'humere.

L E iugule iamaïs ne sort par le bout interieur: car il adhère si fort à la poitrine, qu'il ne peut point certainement estre meu: mais si au dehors par aucune forte percussion violentemēt faicte il est osté, il le fault reduire selon la restitution des fractures. Mais aussi il ne peut totalement se gecter hors par l'autre bout, par lequel il est conioinct à l'article de l'humere, uen qu'il est deffendu par le muscle, qui est dict biceps, & par le hault de l'humere. D'auantaige le iugule priuéement, & par soyn n'a point aucune uehement motion, tant seulement il est faict à cause de dilater le thorax: dont l'homme seul entre tous les animaux a celuy: & si aucunes foys il uient par luieter qu'il soit luxé, il doibt estre reduict avec les mains, & impressiō de beaucoup de compressees ensemble avec conuenante ligature. Par semblable raison la sommité de l'humere, si elle est luxée, est restituée en son siege. Mais il y a aucun petit os cartilagineux, lequel lie le iugule avec la scapule, & facilement il est caché à gens maigres: & s'il est mis hors, il baille aux gens indoctes similitude du chef du bras luxé: car aussi en ce cas le hault de l'humere est uen plus agu, & la cavité, dont est faicte la cheute, apparoist. Parquoy il fault congnoistre tout cecy par ces signes, lesquelz en apres ie adiousteray.

De l'humere luxé.

Cha

LE chef du bras ioinct, & annexé à la cavitè des scapules certainement bien souuent uien à sortir hors: mais non point hault, à cause du procez de la scapule recurué en forme d'ancre de nauire: ne aussi en arriere, à cause de la scapule: ne aussi deuant, à cause du tendon du muscle dict biceps, & pour la sommité de l'humere, laquelle le deffend: mais au dedans, & dehors rarement bien souuent, en la partie inferieure, & principalement à ceulx, qui ne sont point fort charneux, ausquelz certainement facilement sort dehors, & de rechef est restitué: mais aux charneux aduient le contraire, car d'autant qu'il est plus tard luxé à eulx, aussi à plus grande peine il a accoustumé d'estre reduict. Mais à aucuns aduient, que l'humere aussi encores qu'il ne soit luxé, toutesfoys par inflammation faicte par aucun coup, il baille similitude de luxation. Parquoy tu pourras congnoistre ceulx, ausquelz la luxation est faicte en la partie inferieure, par ces indices: si l'humere bleßé est comparé au sain, il apparroist fort diuers: certes la sommité du bras, dont l'exit est faict, ung peu plus abbaisé: & la sommité de l'humere est ueue ung peu plus ague, que n'est sa naturelle habitude, comme nous auons dict d'elle, quand est ung peu luxée: aussi le bout du bras est ueu euidentement estre tombé, & cheut dedans l'aisselle. D'auantaige le coude de ce bras icy est recullé des costes plus, que l'autre: & si tu le contrains, à grand peine pourroit approcher (& tout cecy sont signes euidents de l'humere luxé à cause

cause de n'estre point deceu en sa reduction , & ne prendre point l'ung pour l'autre) & ceulx icy ne peuluent point mettre la main aupres de l'oreille, ne exercer la main à aultres diuerses motions . Parquoy aux enfans , & à ceulx , ausquelz la luxation n'est point antique , mais recente , bien souuent , comme Hyppocrates dict , est restitué en son siege en ceste maniere: le medecin , ou aussi le malade poulse (sinon qu'il soit enfant) avec les doigz serrés contre la grosseur emimente de l'autre main . Mais les reductions plus puissantes sont cestes: il fault situer l'homme fomenté avec fomentations relaxantes à la renuerse sur la terre: apres il fault mettre une pile de grandeur conuenante , ou ung coïssin , ou aultre chose semblable , mais qu'elle ne soit point trop molle , par dessoubz son aisselle : apres le medecin aussi au deuant de luy pres du costé bleßé , doibt mettre le talon par dessus la pile , qui est soubz l'aisselle , & si le dextre humere est luxé , il doibt mettre le talon du dextre : & si le senestre , du senestre: en apres la main de l'homme prinse , laquelle est malade , tout ensemble il doibt repeller , & la main uers les piedz attirer , & la pile aussi poulsier avec le talõ serré iouxte: laquelle chose apres qu'elle est faicte , l'autre humere de l'homme couché doibt estre contrainct par le ministre , qui est derriere pres de la teste , affin que le corps ne soit point agité par la distension du medecin . Il y a une aultre maniere de reduire par supposition de l'humere : ung homme ieune robuste , lequel soit plus long , que le malade , c'est à dire plus hault de stature , sera pres du costé , auquel le bras est luxé , &

meēt

met son humere au dedans de l'aisselle du bras luxé : & puis apres se gette en hault , & sa main mise sur le ventre le tire hors , de sorte, que le demourant du corps du malade pende en hault derriere le dos de celuy, qui le lieue : & si le malade est trop maigre, il y fault suspendre aucun enfant : certainement ainsi sera faict , que la main d'une part, & le demourant du corps esgalement tiré en bas , que l'humere mis par dessoubz l'aisselle contraindra l'article tomber en son siege . Et telle chose semblable nous pouuons faire avec ung piston. Ce boys est long, lequel est constitué droict en la terre par dessus aucun aultre ferme: duquel la partie superieure est ronde , & n'est point trop grosse, ne trop gresle. Parquoy sa partie extreme par dessoubz l'aisselle de l'homme doibt estre mise : & sera asis, ou droict , comme la longueur du piston le requerra : en apres sa main estendue en bas selon la longueur du piston doibt estre tirée, de sorte, que le demourant du corps , ou par sa propre grauite, ou par aultroy attiré en bas , aussi le uienne à surmonter : & ainsi la reduction soit faicte . Semblable chose peult estre faicte par degré d'eschelle, ainsi qu'il a este dict dessus à l'entension du bras rompu : sinon que au degre fault mettre quelque chose ronde, laquelle doibt estre inserée soubz l'aisselle, & qui puisse en hault impeller le bout du bras. Et si pour l'antiquité de la luxation, ou la durescé du corps nous ayons difficulte de le remettre, il fault user d'ung spathule . Certes spathule est, lequel est long de deux couldeés , & de latitude de quatre doigz , & d'espeisseur deux: en la sommité duquel le
 bout

bout est rond, lequel mettras dedans la cavit   de l'aisselle, tout ainsi, que l'extreme partie du piston. Ce bout sera applicqu   soubz l'aisselle enuelop   d'aulcunes bendes, affin qu'il soit plus doux au chef du bras: puis apres le bras sera li   tout le long du boys, ung en ung lieu ung peu par dessoubz le bout du bras: & l'autre au coude: la tierce sur la main. Et le bras ainsi li  , il le fault transporter ensemble avec l'espaule par dessus ung aultre boys, lequel soit mis transuersalement par dessus deux bastons droictz (en facon de treteau) ou aussi le transporter par dessus le degre de l'eschelle, de sorte, que l'eschelle transuers  e soit inser  e avec le degre: & ensemble fault laisser pendre le corps en l'une partie, & en l'autre tirer le bras en bas: certainement    l'ors sera faict, que l'article rentrera dedans: laquelle chose apres qu'elle est faicte, il fault mettre ung corps rond de layne, de magnit  de de conuenante soubz l'aisselle: & s'il y a inflammation, sera tremp   en huille: & s'il n'en y a point, sera mise seiche: & faicte la ligature par dessus l'aisselle, & l'humere: & l'autre aisselle aussi sera bend  e, de sorte, que les reuolutions ensemble entre l'une par dedans l'autre, & qu'il prenne par dessus l'humere la figure de la lettre X: en apres le bras est li   aux costes, & le coude aussi: & la main est pendue    la partie du derriere du col (dict  e ceruix) affin que de rechef l'article ne uienne    sortir dehors. Apres le septiesme iour, ou plus tard aussi nous uiendrons    desbender, userons de petite frication, affin que le corps rendu plus solide l'article ne tombe si tost. Et si souuent il aduient    tomber ou par humidit  ,

ou aulcune longue coustume de cheoir, il fault uenir à l'adduction, comme nous auons dict parauant. Mais à ceulx, ausquelz, ou dedans le uentre de la mere, ou apres qu'il sont nés, tandis qu'ilz croissent, aulcun membre estoit luxé, & par apres ne se reduist plus, à ceulx si l'humere est luxé, la chair certainement ne prend point aulcun peril: car la main n'est point prohibée, qu'elle n'use de sa totale fonction. Mais l'oz du bras demoure plus court, ueu qu'il n'est point augmenté: & telz sont appellés anci en latin, & en grec galiancones. Mais si la cuisse tomboit, l'oz demoure sans augmentation: & aussi elle pert toute la iambe avec soy: car quand le poix du corps n'est point soubstenu par elle, elle n'est point exercitée. Aussi les aultres membres longs, c'est à scauoir le coulede, la iambe, s'ilz demourent hors de leur lieu, il s'ensuit offension des parties subgettes.

Du coulede.

Chapitre

CXVII.

D'Aultant, que le coulede est conioinct à son article plus artificieusement, que l'humere, aussi il est plus difficile à cheoir: dont plus tard celuy chet: mais quand il est cheut, avec plus grād' difficulté il est réduit, pour la multitude des eminences, & cauités: aulcunes fois il endure seulement petite luxation: bien souuent aussi il est luxé parfaictement en toutes parties: mais principalement en l'antérieure, & postérieure. De laquelle chose

chose la difference facilement est cõgneue, & par la uenue, & par l'attouchement: car le lieu, auquel est cheut, est uenue eminent: & dont il est cheut, caue: & l'affection du coude sain demonstre cecy. Soudainement il doit estre reduict, auant que le lieu soit inflammé: car si l'inflammation l'occupoit, la cure seroit difficile: aussi aucunes fois totalement il demoure sans pouuoir estre curé, principalement s'il est sorti uers la partie posterieure. Certes de toutes les luxations du coude ceste cy, qui est faicte en la partie posterieure, bien souuent apporte grosse douleur, & plus grand peril. Parquoy la mediocre extension restitue les mediocres dislocations. certainement entre les ministres l'ung estendra le bras, & l'autre le coude en diuers lieux: mais le medecin avec la palme de sa main restituera l'oz dedans son siege naturel. Mais Hyppocrates, quand le coude estoit sorti en la partie anterieure, il le dirigeoit par ung soudain mouuement du coude: c'est à scauoir ainsi, que la palme du malade mise dessus l'humere faisoit son: & quand il estoit sorti en la posterieure partie, il le curoit par le contraire par soudaine extension du coude: car des luxations celle, qui est en la partie anterieure, aduient par uiolente intention: & celle qui est en la posterieure, par uiolente inflexion. Mais si la luxation demoure en ceste, la posterieure par uiolente inflexion. Mais si la luxation demoure en ceste sorte, il fault plus uolentement tendre, & uenir principalement à ce, que Hyppocrates a dict du bras rompu: là, ou il prenoit une petite coulonne. Mais les plus recents ont accoustumé de le reduire ainsi: deux

ministres extendants le bras en diuers lieux, l'ung à l'aisselle, l'autre à la main, le medecin demourant droict deuant le malade avec les deux mains prendra le bras par dessus l'article, & commande, que ses mains soient enueloppées d'aucune bende longue, & que ensemble soient tirées en la partie exterieure, & en bas uers la main du malade: & aussi luy ayant les mains serrées tire avec intensiõ, iusques à ce qu'il aye passé l'article du coude. Toutesfoys par auant fault oingdre le bras avec huille, affin que par sa lubricité fasse place aux mains du medecin: certes ainsi est faict, que l'oz eminent poulsé par uolence de mains de ceulx, qui tirent, se retourne en son siege propre. Et apres que la reduction est faicte, nous curons en apres le bras par compresses mises, & ligature propre: lequel sera figuré en droict anglet.

Des luxations de la premiere partie de la palme, & des doigz.

Chapitre

CXVIII.

LA luxation des oz de la premiere partie de la palme, & des doigz n'a aucune difficulté, sinon quand elle aduient avec ulcere. Et si elle aduient avec ulcere, nous dirons d'icelle, quand nous parlerons des luxations faictes avec ulcere. Si sans ulcere, il fault user de mediocre intensiõ, & remedes propres à inflammation.

Des uertebres de l'espine.

Chapitre CXIX.

LEs uertebres de l'espine, si elles endurent luxation parfaite, soudainement la mort s'ensuit, & aussi la medule du dos ne peult endurer compression aucune: iacoit qu'elles soient legieres: comme ainsi soit, que l'origine des nerfz, qui ont leur naissance d'elle, s'ilz sont comprimés, est chose suffisante à induire la mort: toutesfoys bien souuent ilz sont affligés de petites luxations, aucunesfoys en la partie anterieure, aucunesfoys en la posterieure: & aucunesfoys s'inclinent uers les costés. Et yceulx, ausquelz le premier uice aduient, sont appellés repandi: & yceulz, ausquelz le second, sont dictz gibbi: & ceulx, ausquelz aduient le tiers, sont appellés obstipi. Donc quand il y a plusieurs uertebres ung peu luxées, il apparoiſt aulcune cavitè orbiculaire par l'inclination de plusieurs: laquelle chose aucuns par semblance depceus, se pensent, que ce aduienne par une grande cheute d'une seule uertebre: comme ainsi soit, que grande cheute ne faict point cavitè orbiculaire, mais angulaire, laquelle est beaucoup plus perilleuse. Parquoy l'inclination en la partie anterieure ne peult estre aucunement reduicte, ueu que nous n'auons aulcune puissance de reduire la partie anterieure à cause du uentre: car ceulx, qui pensent auoir trouuè aulcun remede pour les auoir mis sur une eschelle, & les estendre,

ou pour auoir applicqué uentouses, ou sternuations, ou exciter la toux, assés Hyppocrates les a redargués: car bien souuent aduient, que aucun petit oz de l'espine rompu faict le lieu caue, comme nous auons dict parlant des fractures: aulcū ont opiné, que ceulx, ausquelz telle chose aduient, sont faictz repandi (c'est à dire recurués, & que par dehors apparoissent.) En apres ayant curé soubdainement ceste maladie, facilement elle est glutinée par calle. Et disent, que facilement telz recurués peuuent estre gueris: ueu que ceste maladie ne peult aucunement, ou bien à peine estre guerie: certes par cecy il s'ensuit retention d'urine, & d'excrement d'intestins, & le corps est refroydi. Puis apres aussi il s'ensuit effusion inuolentaire d'excrements, laquelle chose aduient par contagion de nerfz, & de muscles: ceulx icy certes meurent bien tost, & principalement si la luxation aduient aux haultes uertebres pres du col. Certes Hyppocrates testifie la gibbosite, qui est faicte en enfance, estre longue: laquelle ne porte point soubdaine mort, mais maladie incurable. Mais en icelle, qui est recentemente faicte par cheute, ou aucune aultre aduventure, toutes les aultres machinations, ou moyens de guerir tant faicts par eschelles par yceulx, & aussi par suspension droicte du corps, ou par inflation de grandes uesties doibuent estre negligés, & mocqués, & la seule raison de Hyppocrates doibt estre gardée. il dict, qu'il fault ung grand bois de telle longueur, & latitude, qu'il puisse prendre l'homme estendu: ou ung banc, lequel soit esgal à ce bois mis contre une muraille, lequel ne differe point par longueur de l'inter-
uall

uaille du pied, & estendre par dessus aucunes couuertures, affin que le corps de l'homme ne soit point pressé: en apres on constituera l'homme premierement laué sur le banc le corps incliné. Et apres que cecy sera fait, il fault prendre double ligature, & attacher par la poitrine faisant la reuolution par dessus les aisselles: laquelle par dessus le dos soit nouée, & serrée avec une bille de bois. Et ledict bois doibt estre attaché au bout du banc, & doibt estre tenu par le ministre demourant pres de la teste du malade ferme contre la terre. Et une attache est mise aux deux piedz au dessus des chevilles, & là est liée: aussi la tierce par dessus les lumbes: & soit attachée à la partie posterieure: en apres les boutz de ces deux seront serrés ensemble avec une bille: & en la mesme sorte la dicte bille sera mise toute droicte pres des piedz du malade. Et tout ce préparé nous debuons commander à tous les deux ministres de estendre ce bois icy en diuers lieux: les aultres ont de coustume de faire cecy à yceulx, qui sont appellés aselli. Les aselles sont des esieux: lesquelz fichés en ung bois droit se tournent. Parquoy ceulx icy ca, & là de toutes les deux parts du banc constitués, les boutz des attaches seront là enuelopés. Et apres que toute ceste intention est faicte avec la palme de noz mains nous coaptons, & comprimons le gibbe: & s'il est de besoing, nous faisons incision par dessus, mais que aultre crainte ne nous en garde. Et si l'espine ne se peult mettre par aultre maniere, & que l'homme uienne à tolerer la cōpression, la muraille, qui est aupres, doibt estre cauée en longitude, de sorte, que ung petit canal uers la region du

gibbe soit faict en ycelle : lequel ne soit point plus long, que une coudée, ne plus profond, ne plus bas, que l'espine de l'homme couché : & doit estre faict deuant toutes choses : parquoy du commencement disions, qu'il deuoit estre colloqué au pres de la muraille. En apres mettre ung poix de iuste grandeur dedans le canal de la muraille : de l'ung bout, & de l'autre par dessus l'espine de l'homme doit estre pressée, iusques à ce, que la direction de l'oz soit sentie. Mais comme dict Hyppocrates, la seule extension sans aucun poix, ou bois long (lequel en latin est dict *assis*) ou la seule compression de la dicte table est suffisante à la restitution du gibbe : laquelle chose si elle est uraie, ne fera point de faulte, si du commencement la compression delaisée nous usons de la susdicte maniere d'extension à ceulx, qui sont faictz *repandi*, & *obstipi*. Et apres la reposition, il fault mettre une petite tablete, qui soit large de trois doigz : & si longue, qu'elle puisse ataindre les uertebres saines : & doit estre enuelopée d'une bende de lin, ou d'estouppe affin, qu'elle ne blesse point par atouchemens : & doit estre mise aux uertebres : & puis fault user de apte ligature, & de uiure fort extenuant. Et s'il demourent aucunes apparences de gibbe, il fault uenir aux medecaments relaxatifz, & mollitifz : & ensemble fault presser plus fort la dicte table, laquelle par aucuns est faicte de plomb en ce cas icy.

De la luxation de la cuisse.

Chapitre CXX.

Comme ainsi soit, que plusieurs oz de l'homme aulcunes foys soient ung peu luxés, aulcunes foys parfaitement, la ioincture de la cuisse, & de l'humere est subiecte à la seule cheute d'entiere luxation. Et certainement beaucoup plus la cuisse, que l'humere: car elle a cavitè profonde, & ronde, & est à l'entour munie de plus profondes eminences de supercilles. Parquoy quand l'article de la cuisse sort hors de sa cavitè par aucune violence exterieure, selon que plus fort, ou moins elle est hors, elle fait beaucoup d'especes de luxatiōs: certainement en quatre manieres: car en toutes ces quatre parties l'oz de la cuisse est agité: en l'interieure, exterieure, en la premiere, & en la derniere: mais plus frequent en l'interieure, ou en l'exterieure: mais beaucoup plus souuent en l'interieure: rarement en l'interieure, ou posterieure. Si la cuisse est cheute en l'interieure, la iambe offensée, si elle est comparée à la saine, est plus longue, & plus grosse pres du genoil, & ne se peult point ployer pres de l'inguine. D'auantage au perineum, là ou le bout de la cuisse est ioinct, est sentie euidente tumeur. Si elle sort dehors en l'exterieure, les signes sont tous contraires à ceulx icy: car la iambe est plus courte, & est plus gresle au genoil, & se peult ploier: & la cavitè par deffoubz le perinée, au dehors iuxte la fesse la tumeur apparoist. Si en la partie anterieure, telz estendent la iambe sans douleur du genoil, mais ne la peuuent point ployer: & quand l'z ueulent cheminer, ilz ne peuuent point, mais tant
n 4 seulement

seulement touchent la terre du bout du talon en cheminant: auquel cas l'urine est retenue, & l'inguine est esleuée en tumeur, & la fesse est ueue gresle, & rugueuse. Mais si en la postérieure la luxatiō est faicte, ainsi la iambe est plus courte, & le poplite ne se peult estendre, ne le genoil, ne aussi ployer, sinon que premierement l'inguine soit ployée. Laquelle inguine est plus laxa, mais le bout postérieur de la cuisse se eslieue hors uers la fesse. Dont à tous ceulx, ou deffence, ou absolument aussi ausquelz cest article icy, quand il est hors, est long temps negligé, & a demouré hors de son siege, il ne luy fault plus bailer aucune curation, ueu que desia il est occupé par ung calle: mais à ceulx, ausquelz la recente curation aduiet, à yceulx fault secourir selon la raison de Hyppocrates. Mais tout incontinent la reduction doibt estre commenciée: car la luxation de la cuisse, quand elle est inueterée, elle est incurable. C'est une chose commune, que à tous ces quatre genres il y a deux manieres de reductiō: l'une, qui est faicte en tournant à l'enuiron, & repliant: l'autre qui est faicte en l'extendant: & si la maladie est recente, & l'homme ieune, aucunesfoys la cuisse prinse, & ca, & la agitée est reduicte en son siege. Mais si elle incline en la partie interieure, aussi par seule inflexion de l'ingui ne puissante, & soubdaine, nous la restituons en la partie interieure: mais si ainsi nous ne profitons rien, il fault uenir à l'extension: elle doibt estre premieremēt faicte avec les mains, les ungs tirants la iambe uers la cuisse, & la tibia prinse dehors: les autres prendront le corps soubz les aisselles tirant en hault: & s'il est besoing de plus uehement

mente extension, nous mettrons des liens à la iambe, spécialement sur le talon: & aussi par dessus le genoil pour euer lesion: mais à la poitrine n'est point besoing de liens: mais tant seulement la fault embrasser soubz les aisselles, comme nous auons dict: en apres il fault mettre par le milieu une aultre attache molle, & forte au perinée: & uers la partie anterieure la fault passer par l'inguine, & la fault passer par le iugule, & l'aultre bout par derriere aux humeres, & la bailler au ministre: puis apres tous doibuent en ung mesmes temps tirer diuersement, de sorte, que le corps du malade soit esleué de la terre en hault. Et certainement ceste maniere d'estendre cōuient à tous les quatre genres. Mais la raison de poulsier l'article est diuerse à ung chascun: car l'homme ainsi estendu, si la luxation est en la partie interieure, premierement la moyen ne partie du lien mise au perinée est située entre le chef de la cuisse, & le perinée: & en hault est remise uers le iugule par l'inguine de la mesme partie: en apres aucun ieune homme puissant tire fort uers la partie exterieure avec ces deux coudes la cuisse blecée, en la partie plus grosse: laquelle maniere certainement est plus prompte, & plus simple, que les aultres. Et si à celuy l'article ne obeist point, les aultres manieres doibuēt estre baillées: lesquelles tout ainsi, qu'elles ont plus grande uariété, aussi elles sont plus efficaces. L'homme doit estre estendu par dessus ung grand bois, ou banc, c'est ascauoir à ung semblable à celuy, auquel nous mettions le gibbe de l'espine: premierement en celuy il fault faire aucunes cauités lōgues, larges, & profondes, non plus de trois doidz, mais entre

soy distantes de quatre doictz, affin que en la partie, que on le uouldra mettre, ilz soient mis des bastons longs, & par fons dedās ces cauités: mis au milieu il fault ficher ung aultre bois tout droict, lequel aye ung pied de long, & l'espaisseur d'une petite coulonne, affin que quand l'homme sera estendu, il garde, que quand l'homme est tiré, uers les piedz tout le corps le suive, & que la cuisse ne soit point poulcée à l'exterieure partie de la teste. L'extension, comme nous auons dict au dessus, doit estre faicte principalement uers les pieds: & si ainsi l'oz ne retourne en son lieu naturel, il fault oster ce boys droict: & du costé du pertuis, la ou celuy estoit fixé, ca & là deux aultres doivent estre mis de longitude d'ung pied, comme deux petitiz aiz de boys: entre lesquelz il fault inserer ung aultre boys à trauers comme ung degre d'eschelle, de sorte, que la figure des trois boys soit à la similitude de ceste lettre H: laquelle chose sera faicte, si ce boys troiziesme est mis ung peu en bas des deux boutz: en apres fault situer l'homme uers le costé sain, & tirer la iambe saine au dessoubz de ce troiziesme boys, lequel est en facō de degre entre ces deux petitiz aiz: mais transporter la iambe malade par dessus le degre, affin qu'il soit adapté au bout de la cuisse: toutesfoys premierement il doit auoir ung drappeau ayant plusieurs plys, & le mettre dessus, affin que la cuisse ne se blesse, & apres, que cecy est faict, nous prenons ung aultre boys large, & long depuis le bout de la cuisse iusque au talon, & sera par dessoubz la iambe à ycelle lie: affin que quand l'extension se fera ou avec pistons, com-

me nous auons dict au gibbe de l'espine, ou aulcune aultre chose, la iambe ensemble lié avec le boys par ceste impulsion uiolente contraigne le bout de la cuisse en son siege. Il y a une aultre maniere de reduction sans ceste extension faicte sur le boys, commandée par Hyppocrates. Il dict, que nous debuons lier les mains du malade doucement aux costés, & les deux iambes les lier aux talons, & par dessus les genoulx d'une forte attache, & molle, de sorte qu'il y ayt distance de quatre doidx de l'une à l'autre: c'est ascauoir la iambe leuée estendue par dessus l'autre de deux doidx: en apres suspendre l'homme uers le chef esleué par deux coudées de terre. Et tout cecy ainsi faict aulcun ieune docte en cest art le plus pres quil pourra avec ses coudes prendra la cuisse blecée du bout, & se parforcera soubdain se pendre à ycelle: ainsi certainement sera faict plus facilement, que l'article sera inseré en son lieu. Aussi iacoit ce, que ceste maniere icy soit plus simple, que les aultres, c'est ascauoir qu'elle n'est attirée par si grande fatigue, toutesfoys plusieurs la repudient comme non suffisante. Mais si la cuisse est hors en la partie exterieure, l'homme est esté du comme par auant a esté dict: & tât seulemēt sera mise une attache entre le perimeū par pties opposites, & esleuée en hault uers le iugule: apres le medecin par derriere poulse au dedās, aiant mis de dās ces petiz canalz aulcune chose pour tirer à l'opposite: & le ministre poulse à l'encōtre, affin qu'elle ne obeisse point uers la fesse saine. Mais la luxatiō estāt en la partie anterieure, il est ainsi faict: à l'extē sion faicte aulcun homme bien robuste avec le bout de la palme mis sur l'im-

guine

guine malade, & de l'autre uient fort à comprimer, & tirer en bas uers le genoil. Mais à ceulx, ausquelz l'article sort dehors par derriere, n'est point de besoing d'estendre le corps esleué de la terre, ainsi que a esté faict à ceulx, qui sont luxés à la partie exterieure. mais l'homme doit estre estendu par dessus aucun bois espés, ou banc mis couché sur la poictrine, ainsi comme nous auons dict au gibbe: & ligatures mises, non pas aux lumbes, mais aux iambes, ainsi que maintenant auons explicqué: en apres aussi il fault user d'une petite tablete par dessus la fesse au lieu la ou l'article est dehors, & la comprimer. Et ce suffira: de ceulx certainement, ausquelz la cuisse sort dehors par cause interieure. Comme ainsi soit, que l'humide redondante faict, que l'humere sort dehors, tout ainsi la cuisse est sortie de son siege, auquel adustion doit estre baillée: de laquelle il y a asés esté dict en son lieu.

De la luxation du genoil.

Chapitre cxxi.

LE genoil sort dehors en trois manieres, en l'exterieure, & interieure partie, & uers le poplite: car en l'interieure, elle est prohibée par la rotule, qui est opposite. Auquel cas nous userons d'une mesme raison, que estendre les nerfs, maintenant avec les seules mains, maintenant aussi avec liens mis: en apres nous lierons commodément, & baillerons le demeurant de la curation, estudiant de

de le faire long temps demeurer sans mouuement.

De la luxation du tallon: au
quel aussi des doidz, &
des piedz.

Chapitre

CXXII.

L'Article du tallon, s'il est ung peu luxé, aussi par petit intension peult estre reduict: & si interieurement, il requiert plus grande force. Parquoy icy se fault parforcer de fort estendre avec les mains: & si ainsi il ne retourne poinct, le patient doit estre couché sur la terre, & entre ses cuisses il fault ficher ung grand pau trop droit assés parfond dedans la terre, affin que le tout ioinct à luy ne uienne à suyure en attirant le pied: mais auant, que le patient soit ainsi couché, cela doit estre premierement faict. Certes aussi s'il y a ung grand bois, au milieu duquel soit fiché ung pau long d'ung pied, il fault user de celuy, & par dessus luy fault faire intension. Donc la cuisse tenue, & retirée par le ministre, l'autre avec les mains, ou attache mouuera le pied en diuers lieux: à lors le medecin traictera l'article avec les mains, & le reduira: laquelle chose quand elle se faict, l'autre pied aussi doit estre tenu à part par ung aultre. Et apres la reduction il fault user d'une bēde par ferme ligature, enuironnée, & à la plante, & aux cheuilles: à laquelle chose on doit euitier, que le tendon postérieur du tallon ne soit serré: en apres fault commander au patient, qu'il ne chemine dedans

quarante iours: car aucun se parforce entrer parauant la parfaicte curation, il bleſe ſon pied, de ſorte, que en apres il ne peult uſer de ſa fonction ſi non par difficulte. Mais ſi aucunes fois par ung fault, comme il a de couſtume, l'oz du talon eſt dehors, ou par aucune aultre maniere eſt affligé avec inflammation, doucement il le fault eſtendre, & compoſer: puis apres les inſperſions propres à l'inflammation doibuent eſtre adminiſtrées, & en apres lier fermement: en apres il fault perſeuerer en reſpoz iuſques à la confirmation du membre. Mais ſi les doidz des piedz ſont dehors, ilz ſont reſtitués par une extension mediocre ſans difficulte, ainſi que auons dict aux doidz de la main. Mais il fault obſeruer en toutes luxations ou grandes, ou petites, que apres, que la reſpoſition eſt faicte, & que les iours preſcriptz à reſpoz ſont paſſés, ſi aucune inflammation demeuroidt encores aux articles, ou tumeur, dont l'affection fuſt l'ong temps empeſché, nous ſecourerons à yceulx par medicament remolitif: deſquels la matiere ung chaſcun a congneu par ceulx, qui traittent l'œuure de ceſt art.

Des luxations avec ulcere.

Chapitre CXXIII.

AVx luxations avec ulcere il eſt beſoing de grande diligence: car ſi elles ſont reduictes, elles portent grand

grand peril, ouy aulcunes foys la mort. Quand les muscles prochains sont inflammés par extension, ilz s'ensuiuent conuulsion, & fiebres agues, & uehement douleur: & cecy principalement aduiet aux coudes, & aux genoux, & aussi plus aux articles superieurs: certainmēt d'aultant qu'ilz sont plus uoifins des mēbres principaulx, d'aultant la crainte est plus grande. Hippocrates interdit en yceulx & la reposition, & forte ligature, & commande de user au commencement des remedes sedantz, & mitigantz l'inflammation. Il dict, que ainsi doibt estre faict, affin que parauanture ilz uiuent. Ce que tant seulement il conseille de faire aux seulz doidz: mais nous parforcerons de faire cecy aussi aux aultres: & du commencement, d'auant que encores y ayt inflammation: & remettrons l'article luxé, usant d'une petite extension: & si la chose aduiet selon nostre uoloir, nous perseuererons en seule raison mitigant l'inflammation: & si aucune inflammation, ou conuulsion, ou aultre chose des susdictes aduenoit, de rechef l'article doibt estre expellé de son lieu incontinent: mais qu'il se puisse faire sans uolence. Laquelle chose si nous craignons (car parauanture l'article inflammé ne obeira point sans uolence) il est meilleur, que du cōmencemēt nous differons la reduction aux grands articles. Et apres, que l'inflammation sera finie, ce qui est faict dedans sept, ou neuf iours, alors finalmēt nous iugerōs premieremēt, & dirōs aux parents le grand peril, qui est en la reposition: & s'il ne se reduict, dirons l'hōme totallemēt estre debile, & manque en celle partie: en apres sans aucune uolēce nous cōmēcerons de reduire

l'oz, mettant aussi aulcune attache, affin que ce soit plus tost fait. Puis apres fault curer l'ulcere, comme a este dict aux fractures avec plaie.

De luxation avec fracture.

Chapitre

CXXIIII.

Si avec fracture sans aulcun ulcere luxation est faite, l'oz doibt estre estendu par commune raison, & avec les mains doibt estre composé, comme nous auons monstré aux simples fractures. Mais aussi si ulcere aduient, de rechef deue curation doibt estre prise des lieux, qui se paréement traictent de fracture avec ulcere, & luxations.



FIN DE LA CHIRURGIE
DE PAVLVS AEGINETA.

*L'ouvrage suivant est le VI^e traité
Du Guivon en françois par Jean
Canappe. Lyon 1538. /.
De Lassus ch. par.*